













❖ رباعی ❖

بو نامه که خامه سیغه قیلدینک مکتوب  
 قیل اهل قبول الیدا محبوب قابوب  
 ایل عیب تاپاردین انی قیلله معیوب  
 هرکیم اوقوسا نصیبی ایتکیل مطاوب

❖ تاریخ ❖

بو نامه غه کیم لسانیم اولدی قابل  
 کلیم تبلی هر نوع ایل ایشی کا  
 تاریخچی چو خوش لفظی دین اولدی حاصل

۹۰۶

هرکیم اوقوسا الهی بواغای خوش دل

❖ رباعی ❖

یارب چیکیبسان کوب رفم جرم و کساه  
 نامیم فی قارا قیلدیم و عرم فی تبساه  
 رحمت صوبی دین یوماسانک اول نامه فی اه  
 محشر کونی نیتکای مینی نامه سیاه .

توکاندی کتاب والله اعلم بالصواب .

❖❖

❖



حق دین بو بی حساب عنایت لارنی بیل و مونکا کورا  
 بنده لیک فکرینی قیل . هر نیجه طاعت قیلسانک  
 کونکلونکنی تقصیر قیلغانغه مایل توت و هر نیجه  
 عبادات قیلسانک تیلینکنی عذر ایتورغه قابل توت .  
 سین و قیلغانینک معدوم محض وجود حق وجودی  
 هرنی ایندک غیری نابود مطلق و بود ایندک بودی .  
 الهی بو اجزا که یخشی یامان صفاتی اندا مذکور دور  
 و مقبول و مردود حالاتی اندا مسطور بیتکوچی سی  
 اگرچه یامان لاردین دور یخشی لاردین ایماس اما سین دین  
 یخشی لیق طمع غه اوزین یامان لاردین دیاس . اتی  
 یخشی لار اراسی دین هوراته و یامان لار خیلی غه  
 قائمه تیلی کا کیلکان بیله کونکلین صادق توت  
 و قلبی غه یازیلغان بیله ضمیرنی موافق توت .  
 اوزونکدین اوزکادین یوزین قایتار و اوز  
 سوزونکدین اوزکا سوزنی کونکلنی دین چیقار . اول  
 یان توت که سنکا بیتیشکای و اول یولغه یوروت  
 که سنکا قاریشقای . تیلی کا اوزونکدین اوزکانی  
 یاوومه و کونکلینی اوزونکدین اوزکا بیله اوومه .  
 کونکلینی تسلی وصالینک بیله آووت و کوزینی تجلی  
 جمالینک بیله یاروت . بو ضمیری فرزدین کوزلارکا  
 محبوب ایت و بو باغری پیوندین کونکل لارکا مرغوب .

لوغونکغه شاكر بول ايچينك قوتی غذا تپماسانك  
 ايچ غرينك يوق شكري كا ذاكر بول . كيسينك دا  
 اگر درم يوق كونكلونكدا كيه بدرغم يوق . افلاس  
 مشقنين بورجونك يوق نشاطی دين اونوت هر  
 حال دا شكر و قناعت طريقين بيرك توت . اگر اتينك  
 يوق دور ارپه غمی بيماسين اگر قولونك يوق دور  
 كيشي نينك قولى خود ايماسين . قرقصى غه ايليكينك  
 بيماسا قوغلامه اوتماك هم مغنم دور زربفت لباسينك  
 بولماسا فراغت بورياسی قاچان اندين كم دور . اگر  
 شونغار ديك باشينك دا زردوزلوق توماغه دين  
 تاج ايماس دور شكر قيل كه كوزونك ياروق دني نی  
 كراركا محتاج ايماس دور . اگر شونغار ايكلسي ديك  
 يلينك دا بهلى زرنكار يوق هم شكر قيل كه  
 ايلكينك بهلى پنجه سی ديك ناكار ايماس واندين  
 سشكا ازار يوق . هر شدت كه بياورسين اندين  
 قاتيعراق حال باردور و هر صعوبت كه كسان  
 قيلورسين اندين صعبراق كوب كيشي گرفتاردور هر  
 مشقت كه سين دا بوق دور و سنينك ديك دا بار اول  
 سنكا نعمتی دور شكر ايتورغه سزاوار . هر نعمت كه  
 سسكا بيريبدور و سنينك ديك كا بيرمای دور  
 خداوند موهبتی دور خود و ثنا ايتورغه كرامند .



دیدى اول ايج قالسا نى يىكاي ويالانك قالسا دردین  
 کیم کا دیکای . هارون دیدی کیم کیمکین خزانهدین  
 بیتکوزای ویمکین باورجی خانه دین بو بورای .  
 بهلول دیدی مین اباغ یالانک اور کائیب مین  
 وکفش و اوتوک دین اوسانیب مین کفش کیمام شاید  
 دستار هم چیرماتقای سین و مینی باشند ایاق بلاغه  
 قالغان لارغه قاتغای سین و اول قولی هم مشقت غه  
 سالغای سین اوزونک هم بویکی تکلف غه قالغای سین  
 بوسودادین کچسانک سنکا هم بومحتدین قوتولماق  
 دور منکا هم بوباشدین ایاق بلادین خلاص بولماق  
 دور . پیر راه و سالک اکاه مونداق در دیک تکلم  
 سوردی و بوکوهرلارنى که ایندک قولاغی غه اوردی  
 شاهنى اول ماجرادین اوتکاردی و اوز آباغین کفش دین  
 تارتی وباشین دستاردین قوتقاردی . ❖ بیت ❖

فارغ ایتى بی سرو پا قانی اول کفتاردین  
 هم اباغین کفش دین هم باشینی دستاردین .  
 تنبیه ) کفش سیزلیک مین ملول بولماغیل ایاق سیزلارغه  
 باقیب شکر قبل . دستار یوقلوغیدین غم بیمه  
 و باشی یاروق لارغه باقیب تنکری جدی دین اوزکه  
 نیمه دیمه . تن پوشونک ییزوق بولسانن درست

مانع دور هر نفس یوز عالم زیان و هر دم یوز فلک  
 اعظم جا نقصان قویاش دین روشن راف دور .  
 تمثیل) هارون الرشید شیخ بهلول صحبتین هوس  
 قیلدی و اول مطلوب حصولین ملتس . بهلول غه کیم  
 بوخبر بیتتی هارون صحبتین مشرف ایتتی خلیفه کیم  
 بهلول ایاغین یالانک کوردی کفش کیم اماکی نینک  
 کیفیتین سوردی . مجذوب که ییل لار کفش سیز سیر  
 ایتیب ایردی کفش دیکان نیمه یادی دین کیتیب ایردی  
 بیلکاج دیدی که کفش دنی دا موجود بار تبسم  
 بیله دیدی کیشی انی تیلایا قایدین تاپار هارون دیدی  
 کیم بازاردا کوب دور الوردانی هر کیشی کیم هر قایسی  
 ایاغی غه چوپ دور بهلول سوردی کیم هر کی انی  
 الماق میلی قیلورایا بهاسی قایدین تاپیلور هارون دیدی  
 بهاسین بیز سرانجام قیلالی و سننک اوچون ساتقون  
 الالی . بهلول دیدی انی کیکان کاهی ایاغی - دین  
 چیقارسا کیم اسرار و کیچه اویوسا کیم ساقلار  
 هارون دیدی قول بیرالی که اسراسون و سین قایدا  
 چیقارسانک ساقلاسون . بهلول دیدی اول هم  
 یالانک ایاغ بولسا نیتکای کفش الای دیسا  
 بهاسی قایدین یتکای . هارون دیدی انی هم بیز الالی  
 اول سنکا کیدورکان دیک بیز انکا کیدورالی . بهلول



مشبهه که فرش تو شامک دور اول داغی انداق که  
 خشت نی اوشانغان بيله وزاد قيلغان بيله کوب  
 مشکل ايکي اسان ليق غه يوز قوبار اگر بو فرش خيالی  
 تمام کونکلدين چيقاريلسا کيشی اول محال تصوردين  
 هم تينار و خلاص بواور . ابا اوی کا فرش بولماسا  
 نفس تنعماتی و تلذذاتی دين نی اوکسوکای و اولیا  
 قدس الله اسرارهم اخلاق و صفاتی تعريفی دا  
 بلکه انبیا صلوات الله عليهم احکام و شرابی  
 ذکرى دا اوی فرشی سوزی اوتوب مو ايکين . انداق  
 که اوی فرشی غه هيچ ايش وابسته ايماس و اول  
 هيچ ايش کا محتاج اليه ايماس فی الحقیقه عالم اسبابی  
 داغی بيش کونلوك عمردا کيم نهايتی اولماک دور بارچا  
 قانلار يوتوب حاصل قيلغان اسبابين يوز حسرت  
 وارمان بيله قویوب کيمتاک دوژ هر کيشی کيم حق دين  
 قبول سعادتى غه مشرف بولوب دورانی رد قيليب دور  
 وباری اهل قبول نيک مردودی بيليب دور چون  
 انی تمام خاطردين محوايتيب دور اصلی مقصودی غه  
 ييتيب دور . اول مشبه بيله مشبه به اراسى دا  
 تفاوت هم بار که اول فرش غه شروع و ترکی دين  
 فاعلى غه سود و زیبائی که ايتسا بولغای يوق دور  
 دنیا اسبابی اشتغالی دا که حق يولی سلوکى دين

تېلاكان دېك و بشريت طامعه سي تقاضا قىلغان  
 دېك اسبابى توغاتكې نېمە كوپراك كېراك و اول  
 كېراك لېك نېمە لاردين هر نېمە سي ميسر بولسه يا نا  
 اينېك اتمامى و تكميلي غە يوز انجه بلكە كوپراك بولور  
 اينېك سرانجامين تعقل قيلسه اول هم موجب زوايدلار  
 بولور انداق كە اينېك سرانجامى نېك تصويرى  
 محالات غە يوز قوبار . مثلا بعض سلاطين دېك  
 كە نېمە اقلانى لى الدى لار واوزكا اقاليم خيالى  
 باشلاريغە توشقى . مونونك داغى علاجى و تداركى  
 بير نېمە مدعا دين كېچماك و بير نېمە ارزودين كە  
 بشر طبعى نېك لازمه سي دور اوتماك بيله حاصل  
 بولور . ايمدى سوز نېك اصلى غە شروع قيلالى .  
 بو عالم اسبابى مدعا و ارزوسين انداق كە بير ار نېمە  
 خاطر دين سلب قىلماق بيله تشوېش و تكليف دين  
 مخلص واقع بولور . اكر بالكل تمام مدعا و ارزودين  
 كبشى ايليك تارتسا دنبا نېك بارچا آفات و بليتيدين  
 كە اشتغالى حق يولى نېك مانعى دور ازا . و فارغ  
 بولماق ميسر دور كيم بو دولت كوب . وفق بنده لار غە  
 دست بيريب دور و ارادا بارايكان دورلار و حالا هم  
 بارايكين لار و الار كە ارادين چيقيب دورلار ذكر لارى  
 مشايخ و علما كتبي دا مذكور دور . ايمدى كېلسدوك



ایکی اولوغ فرجه پیدا بولور که یانا ایکی خشت تیلار  
انی سالماق لازم دور . بو قیاس بیله مینک یا ایکی  
مینک خشت فرش سالیسا بو . نوع فرجه لار  
بغایت کوب حاصل بولور هر قیاسی نینک  
اصلاحی غه یانا خشت سالغان سایی اول فرجه لار  
اول خشت لارغه کورا کوب ظاهر بولور اگر اول  
فرجه ظاهر بولغان تکمیلی اوچون یانا خشت سالیسا  
ارض الله واسعه یوزین بلکه کره ارض دوره سین  
تمام خشت سالماق لازم کیلور . باوجود اول که بو محال  
خیالنی کیشی تعقل قیلسا توکائمانی نینک امکائی  
یوق دور کیشی توکائمانی فرض قیلسا اول  
فرجه لار بیرکا مینک بلکه بیرکا یوز مینک  
بلکه لانه یاه ارتار الارینک اصلاحینی محال فرض  
بیلسا هم تعقل قیلسا بولماس . مونوک علاجی و تدارکی  
خشتنی زاد قیاق بیله و اندین هم اوشاغراق  
اوشاتماق بیله میسر بولور کیم مدعا قیلغانجه بیرکا  
چون فرش توشالیدی پیدا بولغان فرجه لارغه  
خشت سالماقای یا زاد توشاکای یا اول فرجه لارغه  
کورا خشت لارنی اوشاتیب سالغای تا اول دشوارلیغ  
اسانلیق بیله ایلائی دین قویقای . کیلدوک مشبه غه  
کیم عالم اسبانی دور . کیشی تیلایا کیم کونکل

ونامرد ملائمتی دا دم اورما . دانا ایلک دین بارغاندین  
 سوز اینماس اوتکان ییکیت لیک ارزو یله قانماس .  
 اوتکان روزگار عدم دور کیلماکان دین سوز آیتغان  
 اهل ندم دور و حال مغنم دور . بیر ترک بو معنی دا  
 دیب نورکیم دم بو دم دور . ❖ بیت ❖  
 ماضی و مستقبل احوالین نکلم ایلا کم  
 فی اوچون کیم دم بو دم دور دم بودم دور دم بودم .  
 خاتمه

تذیه ) سودین اسراغولوق دور توفراغ و بالیغ  
 اوین و اوتدین اسراغولوق دور یغاچ و قامیش اوین  
 و ییل دین اسراغولوق دور یوز اوین توفراغ دین  
 اسراغولوق دور کوز اوین جمیع ماسوی الله دین  
 اسراغولوق دور کونکل اوین . ❖ بیت ❖  
 نیچوک کیم تورت اوی کا تورت ضد نقصانی شایع دور  
 بیشینجی اوی داغی اغیار دین اول نوع ضایع دور .  
 عالم اسبابی نینک توکانماس لیک دا بو تشبیه دور مثلا  
 بیر آوکه کیریج دین بیر میرکا فرش توشار بولسا  
 چون معهود بودور که خشت فی درز بردرز سالماس لار  
 قراغلارین بیر بیردین اوتکاریب قویارلار اولغی غه  
 یانداشتورا سالغان ایکی خشت نینک طرف لاری دا



بيله كونكلونكنى بىر توت كونكلى وتىلى بىر كىشى  
 آيتقان سوزكا بوت . سوزنى كونكلونكدا  
 پيشقارماغونجه تىل كا كىلتورماهرنى كىم كونكلونكدا  
 بولسا تىل كا سوزما . اگرچه تىلنى اسراماق  
 كونكل كا محنت دور اما سوزنى سىپاماق باشغه  
 آفت دور . ايتور يىردا اونومه ايتماس يىردا اوزونكنى  
 متكلم تومه . ايتور سوزنى آيت ايتماس سوزدىن قايت .  
 عاقل چىن دىن اوزكا دىماس اما بارچا چىننى هم  
 دىماك عاقل ايشى ايتاس . ❖ مشمى ❖

خردمند چىن سوزدىن اوزكا دىماس  
 ولى بارچه چىن هم دىكواوك ايتاس  
 كىشى سوزنى چىن دىسا زىبا دورور  
 نىجه مختصر بولسا اولى دورور .  
 تنبيه ) اويغايغدا نى الينىكغه كىلسه قضادين كور  
 و اويقوداهرنى توشونك كا كىرسا بخشى يور . ايل نىنك  
 سوزى كا هر نى يامانايغ سارى محمل تاپمه غالب عدو  
 مغلوبونك بولسه شر طرفين ظاهر قىليب خير  
 جاندين ياپمه . قوى دشمن زبونونك بولسه مروت  
 قىل غالب عدو مغلوبونك بولسه كرم و عفو  
 كور كوزكىل . ظالم نى درد صحبتى دا نكته سورما تمام

يانا پيراو آتی فاش ایتسا عیب قیلور سین . بوا سراما غینک  
دین لوحش الله و اعتراض قیلا غینک دین باریک الله .  
کوزنی اوز عیینک دین الما اوز کالار عیبی غه کوز سالما .

### ❖ بیت ❖

پیشده دور اواسا کیشی اوز عیبی غه حاضر  
کوز اچسا بولور غه، یانا لار عیبی غه ناظر .  
تنبیه ) چین سوزنی یالغانغه چولغامه چین ایتا الور  
تیلنی یالغانغه بولغامه . یالغانجی کیشی ایماس و  
یالغان آیتاق ایلانلار ایشی ایماس . یالغان سوز  
دیکو جینی بی اعتبار قیلور نیو چون کیم اول کوهرنی  
حذف دیک خوار قیلور . اول که چین سوزنی یالغانغه  
قاتار در ثمن نی نجا ست غه اتار . ❖ بیت ❖

کوهری کیم شاه لار غه زیب تاج و تخت ایرور  
تاشلاغان آتی نجا ست غه عجب بدبخت ایرور .  
تنبیه ) تنکری دوست لاری صدق و صفا معدنی دور  
یالغانجینی دیب دور لار که تنکری دشمنی دور . تیلینکنی  
اختیارینک دا اسرا غیل سوزونکنی احتیاط بیرلا دیکیل  
محلی دا ایتور سوزنی اسرامه ایماس سوز تیکراسی کا  
بولامه . سوز بار که ایشینکوجی تنی غه جان کیو ورور  
وسوز بار که آیتقوجی باشینی ییل کا بیرور . تیلینک



و يارماغينك نى يىخشى و يامان دين مخفى سانلا .  
 افتادىلغ بىلە خوى توت شىكستەلىك بىلە كونىلنى  
 آووت . بى فائىدە سوزنى كوپ ايتما فائىدەلغ سوزنى  
 كوپ ايشىتوردىن قايتا . آزديكان از يانكىلور از يىكان  
 از يىقىلور . آجايغ حىكمت سرمايه سى دور و توقلوق  
 غفلت پىرايه سى . توقلوق حرصىن كونىل دين يوق  
 قىل اوزونك آج يولوب بىراج نى توق قىل . اوزونكى  
 زىبا لباس خيالىدىن اوتكار لباس زىبايغىن تىلاسانك  
 بىر يالانكى بوتكار . لباس هر نىچە زىبا دور كىكانىنك  
 دين كىدوركانىنك اولى دور . ❖ يىت ❖

نىچە كىم توننى رعايت بىرلە كىسانك ايسكىرور  
 چونكە كىدوردونك يالانكىغە ايراماس تون اول ايرور .  
 تنبيه ) هر كىشى نى محرم و همراز دور كىم بو متاع  
 عالم اهلى دا آزدور . بشر جنسىن رازىنكىغە محرم بىلە  
 بلكە ملاك نى اهم اوزونك كا محرم قىلە و اوزونك  
 اسراردين اكر سىنكا ملال دور يانا بىر آوانى  
 اسراماق سىنكا محال دور . اوز مخزنينك نى اچسانك  
 و مخفى درلارينكى ساچسانك تىركان كىشى سىياماى  
 نى تىكاي و اسرا دىب مبالغه قىلغانىنك نى بىر كا تىكاي  
 اوزونك اوز سىرىنك نى اسراى الماغونكى بىلورسىن

تنبیه ) بشر جنسی دین وفا کوز توتما و خرد نخاین  
 فاسد خیال سهومی بيله قوروتما . بیر وفا قیلسانک اون  
 جف ائارتارغه مهیا بول مونجه بيله قوتولسانک  
 جانغه منت قویوب عذرلارین قزل . یوققاری راق  
 وفا-یز اهل زمان داستانی اوتوب دور و خرد زمان  
 ایل یارلارین وفا آیینی دین معذور توتوب دور .

تنبیه ) خوب روح افزا زشت عمر فرسا خوش خلق  
 نازنین حور بهشت آیین . یامان مزاج لایق زشت  
 دبودوزخ سرشت محنت که نی حشو دیماکای ماکیان  
 نی نجات که یماکای . ایردین سوز هنر اینجی دین بوز  
 جری اوکونوب بیک بولماس اوچکو یوکوروب کیلک  
 بولماس . کونکلی دا خلل لیق غه کولکو حرام شه  
 پیدا دشمن لیق غه اویقو حرام . تنکری بارچانی  
 اوز یولی دا رهن دین اسراسون و شاه الیدا  
 دشمن دین اسراسون . ❖ یمت ❖

اوز یولی دا تنکری توتسون ایلنی شیطان دین بیراق  
 شه قاشی دا کیم که شیطان وش دوروراندین قیراق .  
 تنبیه ) عمرنی غنیمت ییل صحت و امنیت غه شکر  
 قیل غنا طریقین توز فقر غه مباحات کورکوز .  
 مذهبنک نی اخفالیق بیلا ایل دین یخشی اسرا



بولسا توفراغنى كۆل قىلور و توفراغ غالب بولسا  
 اوتنى اوچورور . ادم بىلە شيطان نىڭ مخالفىن اونومە  
 اتا دشمنىن اوزونك كا دوست نومە . اتانك نى بهشت  
 دىك مامنى دىن جلا قىلدى و يىللار خاكدان  
 غرىستانى دا ذليل و مبتلا قىلدى . اتانك اولادىدىن  
 بعضى انكا انتقام توزدىلار و خوار و زبون قىلىپ  
 جفالار كور كوزدىلار . نفس نى تقوى رياضتى بىلە  
 زبردست قىلدىلار شيطان نى ذليل قىلىپ بىلە يىرگا  
 پست قىلدىلار . سىرتىنك بوعدا وتىنكىز هر كز عدم  
 بولماس و بو دشمن لىك ارانكىز دىن هر كز كم بو  
 غالب دشمن دىن يىردم غافل قالە اوچورا الماس  
 عصيان اوتىن اوز خرمنىنگە سالما .

تنبيه ( نادان دوست نى دوست سانىغە كىوورما  
 خرد شمعىن انىك هرزه افسانەسى يىلى دىن اوچورما .  
 بسا طفل كە عىن محبت دىن اتا سقالىن توكن تارتىپ  
 اوزوب دور سجادهسى محرابى دا بى ادب ليغ لار  
 كور كوزوب دور بسا مست كە نياز يوزىدىن اباغ  
 اوپكالى ايگىلىپ دور و بى اختيار قى دىن پاك  
 دامن لار ايتا كىن ملوث قىلىپ دور . دانا دشمن دىن  
 نفع امكانى بار و نادان دوست دىن ضرر امكانى  
 كوپراك بار . مونكا كورا الار بىلە مختلط بولماق كىراك .

اراسی دا کوب فرق دور ایکی کیمه نینگ اوجین  
 توتقان غرق دور . هر قوم آیینی بيله ظهور قیلسانک  
 الار دین سین الار یامان بولسه سین یامان و الار  
 یخشی بولسا سین یخشی لار دین سین . پس اوزنی  
 یخشی لار اراسی دا یاشورغان و الار ایته کی کا ایلک  
 اورغان یخشی راق دور و خوف و بیم دین قیراق دور .  
 ایت کا ایرانلار صحبتی دین ایرانلار حکمی بار و نجس  
 توز لاقغه توشسا توز حکمی توتار . بسا قابل که چون  
 یخشی لار دین آیریلدی یامانلار صحبتی اتی ضایع  
 قیلیدی . سید زاده که اولی لارغه اوتکانکای میون بازلیغ  
 و دودوک تراش لیغ دین اوزکانی اورکانکای . شاه قصری  
 کبوتری که صحرایی لارغه قوشولغای کچمه قونار  
 بیر چاه توپیدین اوزکانی بیربولغای . یامان دین  
 یخشی لیق کوز توتماقی فاسد خیال دور ایت دین  
 کیلک کا و . وشوک دین کبوترغه شفقت محال ذاتی  
 دشمن و مخالفنی دوست دیعه اوزونک کا بازی بیرمه  
 و بازی یمه . طبیعی دشمن وقتی دوست بولغای که  
 سو اوتنی اوچورماکای و ییل توفراغی ساوورماغای  
 انسان بيله شیطان ارامی دا ذاتی عداوت دور و طبعی  
 مخالفت . بیر اوتدین یاراتیلدی و بیر توفراغدین  
 بو عداوت ارالاریدا دور اول چاغدین . اوت غالب



تنبیه ) مال لبق نادان نینک دیماکی التون جبین نینک  
 یمای معلوم . فاسق دین حیاتلامه ظالم دین وفاتلامه  
 کولار یوز بيله عطا سخا اوستی کا سخا . اریغ سیر  
 ایشی صفا بولماس ایت غنجیسی عصا بولماس .  
 اینک که شاهلارغه خدمتی چوراک قورقونجی کوراک  
 عشق سیر کیمساک دردسیر ایشاک . قانع تیلانماس  
 فرزانه قناعت توکانماس خزانہ . ایل کا قوشولغان  
 ارایش تاپنی ایلدین اوزولکان اسایش تاپتی . هر  
 یوکورکان باووشماس هر آریلغان قاووشماس .  
 جهود اوز دینی دین مهجور حسود اوز فعلی دین رنجور  
 خصم نیجه حقیر بولسه کونکل قوزغاتور خس  
 نیجه اوشاق بولسه کوز بولغاتور . دشمن سوزی توزی  
 ایل دین سو حظلاری ییل دین . اوشاق لاز ایشی نیمه  
 بولماس پسته قابوزاغی کیمه . بولماس . دشمن مقالائی  
 بنک خیالاتی حیز وفاسیر تاز حیا سیر .

تنبیه ) اسایش تیلانسانک عالم اهلیمغه همدم بوله  
 بخشایش تیلانسانک اوزلوکونک کا هم قوشوله . زمان  
 اهلی زیان اهلی دور هرکیم الارغه باووشتی حق دین  
 یراق توشتی هرکیم الار دین ابرو توشتی حق نینک  
 یقین لاریغه یولو قوشتی . یخشی بول یا یامان ایکسی  
 بولورمین دیکن همان یامان . یامان بيله یخشی

جگر قانين ايجماك دور موندن كيجماك بير جگر كوشه  
 دبن كيجماك دور . اول بيرين يوتماقدين زهر يوتما بو  
 بيرين ساچاقدين نسلينك تخمين قوروما .  
 تنبيه ) دردليغ كونكل شعله ليق چراغ ياشليغ كوز  
 سولوق بولاغ . تيوه قوشين يوكلاب كوچسا بولماس  
 و چادر قناتين اچيب اوچسا بولماس . اوت ايشي  
 قاوورماغ و ييل ايشي ساوورماغ و سونينك مرهسي  
 موز بيله و آش نينك طعمي توز بيله ادم يخشي ليغي  
 سوز بيله . صحت تيلاسانك كوب بيمه و عزت  
 تيلاسانك كوب ديمه . خاتونغه قوشانمە حيرنغه  
 ايشانمە . يخشي لباس تنغه ارايش يخشي قولداش  
 جانغه اسايش . طامع دين كرم تيلامه كدادين درم  
 تيلامه . بخيل دين امانت عجب كريم دين خيانت  
 عجب . چاقين نينك شمين اوکسا بولماس ياغين  
 رشته سين نوکسا بولماس . تيلبه قولاغی غه پند قويون  
 اياغی غه بند .  
 تنبيه ) بي باك همدم ليق غه ياراماس ناپاك محرم ليق غه  
 ياراماس . تيرلاكان ايلور اوسوركان تاييلور . ايرينك  
 قيليغي سوت نينك ايليني . ياساچاق مردانه بولماس  
 كوپلک پروانه بولماس . دوست جوريدن اينكرانمە  
 دشمن بيداديدن كونكرانمە .

يامانليغنى يامانراق بىلاسائىك يىخشىراق هم بىلا .  
 يىخشىليغنى بىلاسائىك يىخشىلارغە قوشول يىخشىليغ  
 تىكراسى كا ابورولا الماسائىك يىخشىلار تىكراسى كا  
 ابورول .

تنبيه ( فسق شومليغى دىن اوزونكى يىخشىلاردىن  
 هورائىما و يامانلار اراسىغە قاتما . اول شوم  
 اگرچە عقلغە مكروه دور اما نفسغە محبوب دور  
 و اگرچە حق يولى دا مذموم دور اما شيطان يولى دا  
 مرغوب دور .

تنبيه ( بىر نىچە جرعهنى بدنغە داخل قىلىپ  
 بىر نىچە قطرهنى اندىن خارج ايتە و اول جرعه  
 كدورتىدىن صفادىن ايرىلىپ اول قطره خروچىدىن  
 بلادرياسىغە يىتمە . كىم اول جرعه سيلاب بلادور  
 دىن و ايمان اويىن يىقار و بوقطره كىرەد رنج و عنا  
 دور كه اينىك بىلە حياتىنىك نقدى چىقار . بدن درجى  
 دىن درلارنى كه ساچتىنىك خالى بولادونىك و جسم  
 شىشەسىغە اول جرعهلار يوللىن كه اچتىنىك نفس  
 و هوا پائىمالى بولدىنىك . اول جرعه ماده فساددور  
 تنبىكغە ياوومىمە و اول قطره نقد حيات دور . تركىن  
 نوتما كىم موندىك قبولى دىن شيطان مقبولى و مقصودى  
 سىن و اينىك ردى دىن رحن مردودى . انى اچماك



بطوء و سرعت غه وانی دیب دورلار انجمن دا  
خلوت و وطن دا سیر و حرکت . ❖ قطعه ❖

بو جماعت دور که منزلکاه دین المای قدم  
کوز هم اچای اول طرف کیم عالم کون و فساد  
بحر دین زورقنی تارتارلار توتوب ساحل ساری  
کیم اتی غرق ایتکالی ینکورمیش اولغای تندباد .

❖ رباعی ❖

یارب بو قوم کیم ایرور خضر قدم  
اولکان کونکلی احیاسی او چون عیسی دم  
اولکان ایتکانلار کا قلیب لطف و کرم  
ینکورکان دیک ینکور مینیک باشیم هم .  
تنبیه ) ادمنینک بخشیراغی اول دور کیم پارسا  
و پاک بولغای و حق سوزنی آیتوردا بی وهم و پاک .  
اوزی پاک و کوزی پاکنی انسان دیسا بولور تبلی  
اریغ و کونکلی اریغ نی مسلمان دیسا بولور .  
مسلمان اول دور که مسلمان لار انینک تبلی و ایلکیدین  
ایمن بولغای لار و کوز و کونکلی دین مطمن .

بخشی دین یامان لار هم یامانلیغ بیم توماس و  
بخشی یامانلار غه هم بخشی لیغنی اونوماس . بخشی لیغ  
قیلا الماسانک یامانلیغ هم باری قیلا بخشی لیغ دین

هر ساری هوا قیلور یغه ارام بیر کوجی سفر . مسافرنی  
 منازل دین بر خبر قیلغوجی اول و مراحل غه راهبر  
 قیلغوجی اول . ایلغ ساووغدین جان یغه انتباه  
 بیر کوجی اول آجیغ چوچو کدین کونکلی **ا**کاه  
 قیلغوجی اول . سفر وادی سیدا مسافر ایاق یغه درد  
 و بلا تیکانی کوب سانچلور و لیکن هر تیکان دین مقصود  
 کلی اچیلور . یول ایتمکی شدت دین بدنی کوب تاوشالور  
 و وجودی ره رولار ایاق یغه توشالور اعضاسی اول ایاق  
 استیدا اوشالور . اما کونکلی بوزوغلو غلاری یاسالور  
 و ضمیری کوز کوسی حظ و صفا الور . هر کشور نینک  
 ارایشینی و هر منزل نینک اسایشینی سفر اهلی دین  
 سور و مسافردین کور . سفر قیلان ارام فراغتین  
 قایدا یلسون و غربت چیکماکان وطن دا کام  
 رفاهیتین نی نوع معلوم فیلسون . دریا که ساکن دور  
 سویدین یوتسا بولورمو و رود که متحرک دور زلالی  
 ترکین یوتسا بولورمو . تحرك اهلی غه حیثیت دین اتر دور  
 و جودت خیلی تبریک لیک نشاء سیدین بی خبر .  
 بو سیر اگرچه ظاهر سیریدین حکایت دور اما  
 حقیقت یولی سیر و سلوک دین کنایت دور و اول  
 مخصوص ایماس سکون و حرکت غه و مقید ایماس

❖ رباعی ❖

کیمنی که بویول قطعی غه سالدی تقدیر  
پیرایکی نی تو ماسا کراک دور تغیر  
آنسیر قدم اورسا انکلا مکر و تزویر  
ملعون دیسه بهراق که دیکایار پی پیر

تنیه ( سفر منافی ذکریدا ) ارض ساکن  
قایداسیهر دوار قایدا و تراب ممکن قایدا کوکب  
سیار قایدا . اول بیری سکوندین خاکسارلار  
پای اندازی بولدی و بوییری تحرکدین سرفرازلار  
سرفرازی . رنج و مشقت مایه تواضع و ادب دور  
سفر رنج و مشقت غه سبب . سفر کوره کداز و سوز  
دور و اول کداز و سوز ایرننک وجودی التوبغه عیار  
اندوز . سفر مہجورلاری نی مطلوبیغه یتکور کوچی  
و محروملارنی مرد او ییکا کیلتور کوچی . خاملارنی  
پیشور کوچی و طعنام لارنی سینکور کوچی . عالم  
غرابی دین بهره یتکور کوچی و آفرینش غرابی غه  
اطلاع بیر کوچی . بزرگوارلار مزارات فیضی غه  
مشرف و مکرم بولماق سفر دین و فیض آثار ایرانلار  
خدمتیغه معزز و محترم بولماق سفر دین . سالک  
نینک اطواریغه اندام بیر کوچی سفر و کونکل نینک



حقیقت اہلی نینک امامی شیخ بایزید بسطامی قدس اللہ  
 روحہ پیر جانبغہ بولوباردی عازم و پیر مریدی انکا  
 ملازم . پیر اولوغ سو ایلا یلاریغہ کیلدی شیخ اللہ  
 دیب اول سوغہ قدم اوردی و مریدغہ بایزید دیب  
 قدم اورماق بووردی . شیخ و مرید اللہ و  
 بایزید دیب بارورلاراردی صبا و نسیم دیک سودین  
 اوزلاردین اوتکارورلار اوردی . ناکا مرید خیالی غہ  
 کیلدی کہ شیخ اللہ زکری بیلا بارادورومینی بو یولدا  
 باشقارادور مین ہم واسطہ شمعین اوچورای وحدت  
 بحریدا اللہ زکری بیلا قدم اورای . بومدعا بیلا  
 اولکہ قدم قویدی باتنی شیخ دستگیرلیککا قولین  
 اوزاتدی وایلکین توتوب چسکتی بحر ساحلیغہ  
 و مہلکہ غرقابی دین سودرادی امن منزلیغہ . دیدی  
 ای فرزند سین اول بایزیدغہ یت اندین سونکرا  
 تنکریغہ یتناک ہوس ایت . انکا بو نوع سیاست  
 سوردی و ارشاد شرطین بجا کیلتوردی . بو یول  
 ہادیسی ہر کیمکا نصیب بیردی مونداق ہلاک  
 غرقا بلاریداد ستکیدور . مقصود بوکہ پیر ارشادیدین  
 آرو بو یولغہ قدم اورماماق دور بلکہ دم .

و یانا اهل الله که حق یولبغه قدم اوروبتورلار و طلب  
 مرکین شوق وادیسیغه سوروبتورلار کامل پیر  
 ارشادیدین آرو عزم ایتمایدورلار و بویولدا هادی سیر  
 مقصودغه بیتایدورلار . اگر احياناً بوزدین بیر سالک  
 ینک ظاهر بوزیدین مرشد پیری نابود ایکاندور  
 امامعی بولی دین موجود ایکان دور و یا غایب مرشد  
 تقویتی یله یا متوفای کامل روحانیق تربیتی یلا عزم  
 اینیب دورلار و مطلوبغه یشیب دورلار . مقصودغه  
 نفس بویولدا دشمن دور و شیطان رهن و هر  
 قایسی سی عظیم مخافت و اولوغ آفت دور .  
 تا هادی باشقارمای و مرشد مهلکه دین اوتکارمای  
 بویول قطعی متعسر دور و مقصودغه بیتاک متعذر .  
 اوزلویکی یلا بو وادیغه ینکان و منازلین قطع  
 اینکان انانیت کرفتاری دور و نفس غه تابع  
 و شیطان مسخره و مهزلی دور زنجی ضایع .  
 مقصودغه بر واسطه بولمای بیتاک ممکن بولماس  
 و مرشد رهنمای بولمای بیر آونینک ینکانین کیشی  
 دیماس . مریدنی مقصودغه یشکور کوچی حق دور  
 و واسطه هم پیر سالک نی مطلوبغه قوشولدور غوجی  
 حق دور و وسیله هم پیر .  
 تمثیل) منقولدور که قطب السالکین و سلطان العارفین

کیلیب دور یانا اول یان کیمناک کیراک بیش کون بو دار  
فنا تیریک ایکیکا مسرور و دولتیغه مغرور بولماق  
کیراک . اولومدین کزیریوق و هیچ کیم اول مهلکه ده  
دستگیر . پس اینک باراغی دا بولماق ضرورت دور  
و بارور اسبابین توزاتماک چاره سبز صورت . اول  
سفر اسبابی صالح اعمال و حیده خصال . اینک  
ذکری ایکنجی قسم دا تفصیل و ترتیب بیه رفته  
کیلدی و مشروح بیتلیدی .

اما مسافرخه یول صعوبتی نینک سهولتی اوچون  
وادی یراق لیغی نینک دفع شدتی اوچون و یامان  
عقبه لارکه ایلدیکا کبلور و عظیم مخاطره لارکه واقع  
بولور رهنمایلیغی و مشکل کشاییلیغی اوچون بیرنجه کیم  
ناکز یردور کامل رهنمای پیردور . آئینک ارشادی  
بولماین بو یولغه عنم قیلماقی اکابر اولیاء قدس الله  
سرهم جائز تویمایدورلار بلکه سالک اطواری  
سلوکیکا یا تویمایدورلار .

هراینه کیم مسافر کورماکان یولغه قدم اورسا و  
یتماکان وادیغه یوکورسا یول یتورماک احتمالی بار  
و بولدین ازماق امکانی . اول عقبات دین و اندا  
یوزلانکان خطراندین مسافرنی هادی اوتکارور و کامل  
مرشدننک ارشادی مقصدغه یتکورور .



توشوب اغیرنی حقه سی دین دانه لاری توکواوب .  
صحت امید خیالی کونکلی دین بیراق تیریک لیک دین  
اولمای یوز قاتلا یخشی راق .

❖ رباعی ❖

چون کیتی ییکیت لیک و اوزادی قاری لیغ  
دم ساوودی و قالمادی قان هم ایشغ  
اغیرغنه حیات شربی بولدی اجیغ  
اولک خوش ابرور که عربو نوع قیلغ .

❖ رباعی ❖

افسوس که عمر نو جوان لیغ کیتی  
من غه قاری لیغ و ناتوان لیغ بیتتی  
کر یوز ییل اول که کامران لیغ ابنتی  
چون تاپمادی مرک دین امان لیغ نیتتی .  
تنبیه ) پیشه سالک کا بیر ضرور ایرکانیکا آدمی زاد  
وجود ملکیدین خانه پرداز دور و عدم کشور یغه  
سفر ساز . بو سفر مخصوص سنکا و منکا ایماس  
باخصوصیت قیلغاننی کیشی شاه و کداغنه دیماس .  
هر کیم عدم نهانخانه سیدین وجود انجمنی غه قدم  
اورو بتور و بقاسیز آرامگاه دا بیر نفس اولتور و بتور یانا  
قابیتب اصلی وطنغه عزم ایتماک کیراک و قایدین که

اشکی سلی بدن قصری دیوارین ییغار . نامرادلغ لار  
زندانی بو دورور ونا امیدلغ لار بیت الاحزانی هم  
بودورور . قد ابکیلا کی توفراقغه میل ایتماک کا دال  
شاهد لار دین تنفر بو معنی غه کواه حال . ایلک تبرامای  
عمر باده سی خجاریدین کوز یا شارماغی حیات مائی  
اضطراریدین . حافظه اورنیغه نسیان بیر توتوب  
اورکانماک نی بلکه اونوتماغی هم اونوتوب .  
بدن غه صحت دین اثر قالماس و کونکل کا هوش  
و خرد دین خبر قالماس . ییکت لارکا تحیر اینک  
میهوت لیغی دین اوغلان لار غه تمسخر اینک فرتولیغی  
دین . هر سر موی دین بیر مرض پیدا و مینک  
علت اینک ذاتی دین هویدا . عیال و اطفال  
تاریقیب اینک محافظتی دین نوکر و چاکر از یقیب  
اینک ملازمتی دین . تورلوك تورلوك علت بدنی اوی کا  
اوکولوب عجب عجب مرض کثیدین حیسات دین  
تونکولوب . مأمورلار نافرمان لیغی دین روزکاری قاتیغ  
و محکوم لار بی سامان لیغی دین تبریک لیکی اجیغ . اغزی  
سولاکی سوزی مزه سین اقیزیب مرض کثیدین  
مشفق لاری اغزی غه سو تامیزیب . ایرنی که بیر  
بیری کا قاووشوب اوز حالی غه کولوب . باشی کو کسی کا

توشوب اغیزنی حقه سی دین دانه لاری توکولوب .  
صحت امید خیالی کونکلی دین بیراق تیریک لیک دین  
ارلامی یوز قاتلا یخشی راق .

❖ رباعی ❖

چون کیتی ییکیت لیک و اوزادی قاری لیغ  
دم ساوودی و قالمادی قان هم ایشغ  
اغیزغه حیات شربتی بولدی اجیغ  
اولک خوش ابرورکه عمر بو نوع قیلغ .

❖ رباعی ❖

افسوس که عمر نو جوان لیغ کیتی  
من غه قاری لیغ و ناتوان لیغ بیتی  
کر یوز ییل اول که کامران لیغ ابنتی  
چون تپمادی مرک دین امان لیغ نبیتی .  
تنبیه ) پیشه سالک کا بیر ضرور ابرکانیکا آدمی زاد  
وجود ملکیدین خانه پرداز دور و عدم کشوریغه  
سفر ساز . بو سفر مخصوص سنکا و منکا ایماس  
باخصوصیت قیلغانی کیشی شاه و کداغه دیماس .  
هر کیم عدم نهانخانه سیدین وجود انجمنی غه قدم  
اورو بتور و بقاسیز آرامگاه دا بیر نفس اولتور و بتور یانا  
قایتیب اصلی وطنغه عزم ایتمک کیراک و قایدین که



اشکی سیلی بدن قصری دیوارین یقار . نامرادلیغ لار  
زندانی بو دورور و نا امیدلیغ لار بیت الاحزانی هم  
بودورور . قد ایکینلکی توفراقغه میل ایتمک کا دال  
شاهد لار دین تنفر بومعنی غه کواه حال . ایلک تبرامای  
عمر بادهسی بخاریدین کوز یاشارماغی حیات مائمی  
اضطراریدین . حافظه اورنیغه نسیان بیر توتوب  
اورکائماک نی بلکه اونوتماغنی هم اونوتوب .  
بدن غه صحت دین اثر قالماس و کونکل کا هوش  
و خرد دین خبر قالماس . ییکت لارکا تحیر اینک  
مبهوت لیغی دین اوغلان لار غه تمسخر اینک فرتوت لیغی  
دین . هر سر موپی دین بیر مرض پیدا و مینک  
علت اینک ذاتی دین هویدا . عیال و اطفال  
تاریقیب اینک محافظتی دین نوکر و چاکر از یقیب  
اینک ملازمتی دین . تورلوك تورلوك علت بدنی اوپی کا  
اوکولوب عجب عجب مرض کثرتیدین حیسات دین  
تونکولوب . مأمورلار نافرمان لیغی دین روزکاری قاتیغ  
و محکوم لار بی سامان لیغیدین تبریک ایکی اجیغ . اغزی  
سولاکایی سوزی مزه سین اقیزیب مرض کثرتیدین  
مشفق لاری اغزی غه سو تامیزیب . ایرنی که بیر  
بیری کا قاووشوب اوز حالی غه کولوب . باشی کوکسی کا

شوری اندین وز بردست لار ایاغی دا هم ملک دین  
 جلا بواوب قاچاق زوری اندین . چاپک لار اینک  
 نتیجه سی دین میداندا تکاور چاپب بلکه اول تکاور هم  
 اینک نشاسی دین میدان دا یو کورور کا قوت تاپیب .  
 هم معصیت دین نفس غه ییکیت لیک دا کام تاپماق  
 هم عبادت دین روح غه ییکیت لیک دا بیک مقام تاپماق  
 خرابات اهلی غه رندلیق و مستلیق ییکیت لیک دا  
 دلپذیر مناجات اهلی غه پارسالیغ و خداپرست لیغ  
 ییکیت لیک دا بی نظیر . ❖ رابعی ❖

احباب ییکیت لیکنی غنیمت توتونکوز  
 اوزنی قاری لیغ محنتی دین قورقوتونکوز  
 آیین عداوت و حسدین اوتونکوز  
 هر نوع ایله اوزنی نیجه کون آوتونکوز .

تنبيه شیخوخت ذکریدا ) شباب می نینک مخمور لیغی  
 قاری لیغ و ییکیت لیک صحقی نینک رنجور لیغی  
 قاری لیغ . شیخوخت ایامی نشاط اهلین ناشاد  
 قیلور کیم ادمی قدین خم قیلیب عمر ییله خیر باد  
 قیلور . هوس وارزولار شاخی کونکل دا سینار بلکه  
 بارچا تردد و حرکت لارین کونکل تینار . سر  
 بلندلیق خیالی باشندن چیقار ندامت و حسرت

❖ قطعه ❖

عاقل چو کورسا ایلدا خطا اجتناب اینیب  
 اندین صواب یول ساری مایل قیلور اوزین  
 قویاس اینیک خطاسی غه ایل ایلاب اعتراض  
 آیتور غه یوزی اوتروسی دا سهوی نینک سوزین .  
 تنبیه شباب ابای ( ذکریدا ) ییکیت لیک عمر کلشنی نینک  
 بهاری دور و حیات شبستانی نینک نهاری . بو بیردین  
 عیش و نشاط کل لاری نینک اچوغلوغی اول بیردین  
 ذوق و انبساط او لاری نینک یاروغلوغی . انسان نینک  
 زیب و رعنائیغی اندین و بشر نینک تاب و توانالیغی  
 اندین .

حواس و قواغه اندین قوت و جوارح و اعضا غه  
 اندین صحت . کونکل کا عشق اشوبی اندین حادث  
 و شوخ لار ساری آشفته بولماقغه اول باعث .  
 ییکیت لار کا حسن و ناز طغیانی اینیک مغرورلوغی دین  
 قاری لار غه اشک و نیاز طوفانی اینیک مهجور لیغی دین  
 کوز اوی مشعلی اندین روشن و یوز باغی انجمنی  
 اندین کلشن . نازنین لار حسنی استغنائی غه سبب  
 اول و عشق این لار غه عشق بلا سی دین . موجب  
 رنج و تعب اول . زیر دست لار باشی دا ملک هوامی



تنبیه ) نفس پروردین هنز کیلاس یماکدین اوزکا  
و نفس پرست دین نفع بیتماس دیماکدین اوزکا . اول  
بیری باری حرام طعام دین بو بیری بارچا اوز تعریفی  
کلامی دین . ❖ مشوی ❖

اول بیری لقمه و نواله سوزین  
ایتیب انجه که خالی ایلاب اوزین  
بو اوز اوصافی غه معرف اول  
ایلابان بزم و انجمن نی تولا .

تنبیه ) تنکری ایل عیی غه ناظر دورور و سارد دورور  
با وجود که جزاسی غه قادر دورور و تنکری دشمنی  
انی کورماس و بیلماس اما تهمت بیه فاش قیلوردا  
تقصیر قلماس . ❖ مشوی ❖

تنکری ایشین قلماق ایرور فرض عین  
کیم کوروبان ایلامامک شور و شین  
کورماین اول کیم ایشی بهتان ایرور  
پیل که بو خصلت بیه شیطان ایرور .

تنبیه ) خردمند غه ایل خطاسی دین پند یتار و  
صواب بولیغ غه عزم ایتار آندین بورون کیم اینک  
خطاسیدین پند الغایلار و عیبین اینک یوزی کا  
سالغایلار .

کوب ارتوق کیم بولوب اوزدیک کا مأمور  
 خز و دیبادا یر توتسانک طرب دین .  
 تنبیه ) کیشی هر قوم نینک کیم سلوک و اهنکین  
 توتار تدریج بیله همول قوم نینک رنگین توتار هر  
 کیمکا بی رولغ ایتار اول متابعت خاصیتی دین  
 اول یتکان یرکا یتار اکر بوسوز سنکا کورونسا  
 محال اصحاب کهف بیله ایت لاری دین حساب ال .

﴿ قطعه ﴾

نبی اوغلی تاموغنی قیلدی مسکن  
 تاموغ اهللی کروھ-ین چون ایریشتی  
 ولیکن جنت اهللی بی رو ایت  
 یتیشتی قایدا کیم اول ایل یتیشتی .  
 تنبیه ) ادمی شریف الکونین دور و ایت نجس العین  
 اما حق ناشناس و بی وفا ادم حق شناس و فالغ  
 ایت دین کم . و فالغ قوتور ایت یخشی راق کیم  
 و فاسبز خوش برنا یتکت . ﴿ قطعه ﴾

بی وفا حق ناشناس ایلدین یراقلغ ایستا کیم  
 کتلادی هرکز الار دین غیر بیداد و جفا  
 ایت کا ایت لیک ایلاماک جان و کونکل یرله بولور  
 حق شناس اولسا و بولسا اتدا آیین وفا .

سورماغان اوزی کا ظالم • از از اورکانیب دانا  
بولور قطره قطره یغیلیب دریا بولور • اورکانور  
دین قاجقان لوند یوزیکا حیل و بهانه ایشیکین  
اچقان بند و ایمکاک تارتیب علم اورکانکان خردمند •  
علم دین ماری اولوس نینک جاهل خود کامه سی  
اورکانور کا جد و جهد ایتکان جهان علامه سی •  
تنبیه ) کدازاده خردمند اکابر همرازی غنی زاده •  
لوند ارذال دمسازی • اول علم و دانش یوزیدین  
سلاطین نی قیلیب حاجتمند بوجهل وعناد فرطی دین  
خلایق قاشیدا ناپسند • ❖ قطعه ❖

بسا یکانه مفلس که ملک سلطانی  
علوم مسئله سی دا ایرور انکا محتاج  
بسا جهالت و بی باکلیک فنی دا غنی  
که انی شاه اوزملکی دین قیلور اخراج •  
تنبیه ) تیج کونکل بیله یاوغان اوماج بخشی راق که  
تکلف و مشقت بیله قدری کلاج • ایسکی چپان بیله  
فارغ توفراغ دا اولتورماق بخشی راق که زربفت  
خفتان کیب یر آوالیداتورماق • ❖ قطعه ❖

کدالبع بور یاسی اوزرا مسکین  
که خاطر فارغ اولغای هر تعب دین



تیره بولغای . زهد و تقوی بارچا وقت دا داپسند دور  
 بیکیٹ لیک دا داپسند راق . یخشی لغ و یامانلیغ نی کیم  
 قیلدی که جزا کورمادی صلاح و فساد نخمین کیم  
 ایکنی که اورمادی . ❖ بیت ❖

یخشی لغ نخینی ساچغیل کیم بودور دهقانغه سوز  
 کیم قایو دانه که ایکنینک غیر تونما اتی کوز .  
 تنبیه ( عزت اهلی که مذلت غه توشتی صنعت ایل  
 یوق دور و سوال تیلی . انکا ترجم قیلاغنی غنیمت  
 بیل و ایلکیکنک دین کیلکانچه احسان قیل . بیکیٹ  
 کدا که بیل اورالور و اونون تاشیماغنی بیلور انکا  
 نیمه بیرکان تنکری مالین ضایع قیلور .  
 تنبیه ( زربفت کسوت لیک دنیا کرین نجاست  
 اوستی دا کی ایلیراغوجی جین . متقی پاکرو مسجد دا  
 معکف بولغان چاغی مصحف اوراقی اراسی دا کل  
 یافراغی . ❖ مشومی ❖

بیری بیت الحرام ایچره فرشته  
 بیری دیر ایچره شیطان بارچا ایش ته  
 نی حاجت شرح قیلاغلیق تفاوت  
 که بیت الله دین دور فرق ثابت .  
 تنبیه ( بتلاکانی سوروب اورکانکان عالم و عارلانیب

تنبیه ) سهو و خطا بشریت لازمی دور و خطا  
 و سهوین انقلاب، متنبه بولغان سعادتمند آدمی .  
 خطا سین زایل قیلور اول که اعتراف ساری قایتقایی  
 و مضاعف قیلور اول که دلیل اجرا قیلیب هرزه  
 آیتقایی . مبالغه سی نیجه کوپراک سهوی پیداراق  
 و مکابره سی نیجه ارتوغراق اوزی ایل کارسواراق .

خطا غه تدارک نی دور بی خلاف  
 عیان قیلاق اوز سهوی غه اعتراف  
 و کر قیلسه سهوی غه اجرا دلیل  
 که بخشی دور ایلار ایکی انجما ییل .

تنبیه ) هر غنی که تیریک لیسکی دا احسانیدین  
 کونکل لارنی شاد قیلماغای اولکایدین سونک اتی دعا  
 یله یاد قیلماغای لار . احسان تیریک لیک دا بخشی آت  
 دور و اولکایدا دوزخ عذابیدین نجات .

❖ نظم ❖ کیشی دا بارچا اخلاق حمیده

چو جمع اولدی قویارلار اتین احسان  
 بیرى اندین سخا دور بیر مروت  
 که بو کر یوق دور انسان ایرماس انسان .

تنبیه ) بخیل نینک انداق که بو کون تاپقانی ذخیره  
 بولماغای تانکلا قبری هم بو کونکی معاشی اوینی دیک

کرایت اوزومی کا کیشی می بیرلا بیرسا سو

بو تربیت بیله قبله الغایمو انی تاک .

تنبیه ) هرل غه شروع دین بی حرمت لبق اوق ارتار

و هرل نینک نهایی جدغه تارتار. کوب لهو حیا پرده سین

چاک ایتار و ادب و حرمت اهل سین بی باک . سین

قیلا الغانجه تعظیم و ادب بناسین بیقما و حیا و حرمت

خلوقی دین تاشقاری حقیقا . ❖ رباعی ❖

ایمانغه ایرور نشان حیا بیرله ادب

حرمت بیله تعظیم سعادتغه سبب

حیی و مؤدب انکاکیم بولسه لقب

مقصود یغه کیچ یتسا عجب انکلا عجب .

تنبیه ) فاسق باری ملت دا نادان دور و پاک رولار

اراسی دا نادان راق و فسق باری طریق دا یامان دور

پارسالق لباسی دا یامان راق . نی ایل کا باراسین اوزونکنی

اول نوع توز نیچوک که بارسین اوزونکنی انداق

کورکوز . ❖ مشنوی ❖

حیا و ادب بیرله توز کیل معاش

یا نا ایلا تعظیم و حرمت نی فاش

نی ایل یاری بولسانک الار رنکی بول

نیچوک بارایسانک توتقبل اول ساری بول .



تنبیه ) عالم که جاهلنی مقابله غه کیلتوروب الزام  
 قیلاغی هوس بولغای اینک اوزی کا اوشو اهانت  
 اوق بس بولغای . عالم کیراک که اوز علمی نینک پایه  
 و مقدارین اسراغای و کوهرنی امتحان اوچون  
 تاش غه اورماغای . ❖ بیت ❖

خارغه هر کیشی کیم در شیننی اورغای  
 خرد انکلار که قایو بیر بیرینی سیندورغای .  
 تنبیه ) کوهر بالیغ غه توشکان بیله قیمتی اوشالماس  
 و اوز بهاسی دین قالماس . ایشاک منبجاغین تاج غه  
 تیکماک بیله فیروزه بیرین توتماس و هیچ کیم اینک  
 کم بهالیغین اونوتماس . ❖ مشوی ❖

زیور بیله شکلی خوب بولماس  
 هر قیر که ارور یامان اقبالیق  
 هر نیجه قرانکغو بولسا حجره  
 شمع اندا بولور فزون ضیالیق .  
 تنبیه ) قابل غه تربیت قیلاما غلیق ظلم دور و ناقابل غه  
 تربیت حیف . انی عدم تربیت بیله ضایع قیلا و مونکا  
 تربیتینک ضایع قیلا . ❖ قطعه ❖

قابل غه تربیت ارور اول نوع کیم کهر  
 توشسانجاست اچره بولغای کیمسه انی پاک

تنبیه ( هنرمند قاشی دا بی هنر ایلکی تیراتماسا  
عیب نهمنین انکا یاقار ابتلکوکا توغدارى نینک  
کوجی ییتماسا سانکفی ییله انی بولغار . ❖ بیت

بسا عاجز که خصم استی کا یاتیش  
اغیر سویین اینک بوزیکا اتمیش .  
تنبیه ( صیادنیک بالیق غه شست سالماغی نفس مدعاسی  
اوچون دور بالیق نینک هم قارماق غه کرفتار بولماغی  
جوع بلاسی اوچون . ❖ بیت

بولدی صیادغه و صیدغه نفس ارزوستی قید  
یوقسانى اول ایدی صیادنى بو ایردی انکا صید .  
تنبیه ( از دیمک حکمت غه باعث و از یمک صحت غه  
باعث . اغیرغه کیرکان نى دیمک نادان ایشى وایلیک کا  
کیلکان نى یمک حیوان ایشى . ❖ بیت

کوب دیمک بیرلا بولماغیل نادان  
کوب یمک بیرلا بولماغیل حیوان .  
تنبیه ( غائب دشمن زبون بولسا شاد بوله و ایشى  
اندیشه سی دین ازاد بولماکیم سیاستی دا تحمل واجب  
دورور و رعایتی دا تأمل . ❖ بیت

دشمن رجا و خوفی دیسانک کیم فن اولماغای  
انداق تیریل که کیمسه سنکا دشمن اولماغای .

❖ بیت ❖

ایل عیینی آتورغه بیر او کیم اوزاتور تیل  
 اوز عیینی فاش ایلاکالی تیل اوزاتور بیل .  
 تنبیه ) علم اوقوب عمل قیلاغان کاریز قازیب تخم  
 سالماغانغه اوخشار یا تخم سالیب محصولدین بهره

الماغانغه . ❖ بیت ❖

علم اوقوب قیلاغان عمل مقبول  
 دانه ساچیب کوتارمادی محصول .  
 تنبیه ) اوسروک سوزی کا حکمت مخالفی جواب خردمند  
 ایشی ایماس و تیلبه رمزی کا عقل مقتضاسی دین  
 اوزکا هوشمند نکته دیماس . ❖ بیت ❖

کیشی کا نیجه کیلسا مشکل حال  
 حکمت و عقل اورو انکا حلال .

تیرک اتقـانغه کیم چیکار بومروق تونی یرتوق  
 سورور سقالی یولوق . مشفق ناصح سوزین ایشیتماکان  
 نینک سزاسی تأسف ییمالک دور و اوزی کا ناسزا  
 دیماک .

بیت

خردمند پندینی کورکان اجیغ  
 سونکی دا پشیمانلیغی نی اسیغ .



شایسته دورور قاری بجز دلق و عصا  
 کورکوزسا سقالغہ کولارلار عقلا .  
 تنبیہ ) غنی غہ چپان کیمک انداق دورکہ مفلس غہ  
 طلس و کتان کیمک . خوب بیرتوق تون ییله ہم  
 اخوب کل یاماغلیغ چپانی ییله ہم محبوب . زحل  
 بیک مقام ییله مهر خاوری بولماس دیو بهشت  
 حله سین کیمک ییله پری بولماس . کپیر حرم نازیبنی  
 مو بولور کفتار غزاله چینی موبولور . قاری قحبه  
 کلکونه و سیمه ییله یوزوقاشلیق یوزوق مفسقه دور  
 شکرف وژنکار ییله نفاسلیق . خواجه کیم بیبی  
 باری دا ددک ابلانغای بیبینک ہم عفتی ایسکی  
 قولغه بولغانغای . ❖ بیت ❖

کیشی کا بولماسا اوز شایغه شایسته صفات  
 قلماسون عیب اوزی دیکدین داغی انداق حرکات .  
 تنبیہ ) نادانغه سوز دیمک آغاغ دور وکوب دیمکی  
 بورتاغ دور واز دیمکی ناصح و دیمامی مصلح .  
 ایل نینک مخفی عیین پیدا قیلاق اوزین بی اعتماد و  
 اوزی دیکنی رسوا قیلاق دور . یوق که اوزی دیکنی  
 اوزی نینک هم بونوع عیین اشکارا قیلاق دور .

تنبیه ) کوپ دیکوچی و کوپ یکوچی تاموغ  
 توری کا اشوقوب کیتکوچی . دیماککا مشوف ویماککا  
 مغلوب حکمت شرفی دین دور مردود و مسلوب .  
 حسود بیمار بلکه مهلاک مرض غه گرفتار فاسق و خمار  
 زبان زده و زبان کار . غیبت دیکوچی بلکه نجاست  
 یکوچی . افیونی و بنکی ادمی لارنکی طامع عمری  
 ضایع و ملاتی شایع . ایرکیشی کوپ یاسانسا پیوه بولغای  
 بو صفت ضعیفاغه شیوه بولغای . ❖ بیت ❖  
 ایرکیشی کا زیب و زینت حکمت و دانش دورور  
 بخشی کیمک بیرلا خاتون لارغه ارایش دورور .  
 تنبیه ) قاری که قیلغای رعنابلغ طفلی دورور نابالغ  
 کیچیک باش لارغه اولوغ لار حرکاتی انکا دلیل دور که  
 نی عقلی بولغای نی اویاتی . قاری که سقالین وسمه بیرلا  
 بویاغای ییکیت دور که انی کلاب بیله یوغای .  
 مفلس بورج السا که بذل قیلغای سقال اراسته قیلور که  
 ایل هزل قیلغای اگر بورجی غه سود ارتار اوز بونین  
 باغلاب زندانغه تارتار . ایرکیشی که کوپ یاسانغای  
 خرد اهلی انینک عقلی دین اوسانغای . ❖ رباعی ❖  
 عید اقشامی طفل ایلکی کا چب راست حنا  
 یا شاهد شوخ ایکنی کما خز و دیبا

❖ بیت ❖

طبیعت خوش برور بولسه حقایق دین انکا زیب  
 چون بولدی سفاقت نیتار اول سوزنی کیشی دیب .  
 تنبیه ) می ایچماک نهی برور تنکری قوی هر  
 حال بیله اینک ترکی اولی . اشکار و کورپ ایچماکی  
 ناساز شرطی مخفی ایچماک دور و از . از ایچماکی  
 حکمت غه دال مخفی ایچماکی هوش اهل یغه خصال .  
 بخششی ایچماکی خلعتی سالم ایل کا حال مطلق  
 ایچماکی عافیت غه مال . اول که ام الخبائث بولغای  
 انکا شیفته بولماقغه هم خبائثی باعث بولغای . یامانراق  
 ایچکوجی انکا مغلوبراق هر نیجه یامانلیغی ظاهر  
 بولسه اینک قاشی دا محبوبراق بد مست غه دما دم  
 ایچکاندین نی بهر که ادمی لیغ قتل غه ایچار قدح  
 قدح زهر . اخسوم اوسرولاردین خارج ترانه  
 تبله ایتلار اولوشقاندین نشانه . مستلار اراسی دا  
 بیر هشیار هشیارلار اراسی دا بیر مست حکمی بار .  
 منهی دور اول که اشکار طاعت ایتکای اشکار  
 معصیت غه کور کیم نی یتکای . ❖ بیت ❖

کیم کا کیم حق روزی ابلا ی دور طریق عافیت  
 اشکارا ابلاماس نی طاعت و نی معصیت .



## ❖ بیت ❖

قایومناع که از واقع اولسه قیمت انکا  
ایرور موافق اینک قیمتی جا حرمت انکا .

تنبیه ) صبر بیه کوپ باغلیغ ایش اچیلور ایش دا  
اشوققان کوپ تاییلور کوپ تاییلغان کوپ یئیلور .  
ایش دا اشوقاق یاش اوغلان لار ایشی دور صبر بیه  
ایش قیلغوجی تجربه لیغ اولوغ باشلیغ کیشی دور .

## ❖ بیت ❖

هر کیمه که ایلاماس اشوقاغنی خیال

یافراغنی اییاک قیلور چیچک برکینی بال .

تنبیه ) رذل دنی که هرل قیلغنی بولغای کولدورماک  
اوچون تابانینک قیجیخی بولغای . فسقه خیلی دا  
مقلدی که غرضی ایل کولکوسی دور کویا فاحشه  
حبه نینک کورکانی نی کورکوزکان کوزکوسی دور .  
رکیک هرل اشتغالی که بولغای بیر آونینک موجب  
انفعالی یامان لارغه نی که شعار دور بخشی لارغه  
اندین عار دور . مطایبه که باعث انبساط بولغای  
خوش دور که موجب فرح و نشاط بولغای . اراسی دا  
رکیک کفتار یوق بیر آوکا اندین بحالت و ازار  
یوق . اول ظرافت و اباحت دور اندین که اوتنی  
سفاهت دور .

تنبيه ( فتاعت استغنا سرمايه سی دور و شرف  
و عزت پیرایه سی . مفلس قانع غنی شاه و کداین  
مستغنی طمع مذات غه دلیل و غنی طامع خوار و ذلیل  
طمع بیله اولکه الا الور و الماس عدم طمع هیچ سخاوت دین  
قالماس . بونوع سخا اهل کرم و طماع خیلی لثم .

### ❖ بیت ❖

خوار بلغ لار باشی طمع بیلکیل  
دایما عز من قنع بیلکیل .  
تنبيه ( بارایغ که لطف و کرمی عام بولغای  
یوقسزلیق دا انکا بارجا ایلدین کام بولغای . کام بولماسا  
باری خجالت بولماغای و ایل سرزنشی دین ملالت  
باری بولماغای . ❖ بیت ❖

چود دفع خجالت ایرور کامجه  
ندامت یوقی ایلدین انعامجه .  
تنبيه ( بات میسر بولغان کیج کا تارتماس و اوکک  
بیله بهاسی ارتماس . سفال چوچاک که هر داش دین  
مینک چیقار قیمتی بیر درم دین ارتوق ایماس و  
کوندا یوز سینساکیشی حیف دیماس و تأسف ایماس .  
چینی اباغ قیمتی یاساردا صعوبتی غه کورا دور  
اسراماغ دا اهتمام قیمتی غه کورا قیمتی از حرمتی از .

بوسوزنی اینک یوزی کا قیلاق اظهار بر تقدیر که  
چین دور اما نی لطفی بار . حق صنعی غه اعتراض  
دور و ناحق بیر اوکا بحالت اوزونک کا نادانلیق  
اظهاری دور و بیر کونکل کا ملات . بو نوع  
وحشت انکیز چین دین بول بیراق که ملایمت امیر  
بالغان اندین بخشی راق . **بیت**

بالغان اولسا ملایمت آمیر  
وحشت انکیز چین دین انکلا عزیز .  
تنبیه ) بشر جنسی غه اوز خطاسی دلپذیر دور  
و مردود فرزندی ناکزیر یامان شعر دیک که طبع  
زاده سی دور ای کلاسی بشر طبعی نتیجه و ماده سی دور .  
اگر منکوب بولسون یا مرغوب اوزی کا کورونکوسی  
دور محبوب . عاقل بو طریقنی شعار قیلاس و بخشی  
یامانی حق یار اتقاندین ارتوق و اوکسوک بیللاس .

❀ مشوی ❀

یامان بخشی تنکیدین انکلا غیل  
یامانی یامان بخشی بخشی بیل  
یامانی اکر بخشی قیلسانک کان  
ایرور بخشی هم دیکان دیک یامان .



التفات قیاسانک و قبولین لازم بیاسانک اول اوز  
قصدی اجراسی دین معطل و تدبیری مهمل بولور  
و مونونک مدسی هجویغه مبدل بولور .

❖ مشوی ❖

بیر یسی کا غرض اوز مدعای  
بیر یسی قصدی انعام التماسی  
چو سیندین تپمادی لار هیچ پروا  
بیری خصم و بیری دور هجو ارا .  
تنبیه ) موحش خبر چین دور دیب دوستغه ینکورمه  
و بیر آونینک عیبی واقع بولسا یوزیکا اورمه . قویغیل  
که اول چین خبرنی دشمن ینکورسون و تحمل قیل  
که اول عیب ماجراسین عدوسی سورسون .

❖ مشوی ❖

نی سوزدین که ینکای بیر آوکا غبار  
نی لازم که سین قیلساسین اشکار  
قوبابیر که قیلسون عیان دشمنی  
که باردور عداوت عدونینک فنی .  
تنبیه ) خردمند اول دور که یالغان دیماس اما بارجا  
چین هم دیکولوک ایماس . بیر آوکه کوزی احوال  
دور چو خلقت خالقین دور انکا نی مدخل دور .

تنبیه ) یامان قیلیقلیق بد خوی و بات اچیغلیق  
 ترش روی بیر بلاغه کرفتاردور و بیر ابتلاغه سزاوار  
 هر یان بارسا اندین قوتولماس و هر ساری قاچسا  
 اندین خلاص بولماس . غالب دشمنی دور دائم اوزی انکا  
 مغلوب قاهر عدوئی دور همیشه وجودی انکا منکوب .  
 تنبیه ) کولاکاج یوزلوك خوش اخلاق که تفاسق  
 کدورتی دین بولغای بیراق بنقد بهشت ایرور جلوه کاه  
 و مقامی و فردوس اعلادا دور تحرك و آرامی . اچوق  
 یوزیدین خلایق غه نشاط و چوچوک سوزیدین  
 اولوسغه انبساط . مردم ایغ بيله کونکل لارغه محبوب  
 و انسانیت لیغ بیلا جانلارغه مطلوب . اسوده اندین یار  
 و اغیار که مونداق کیشی بولسون عمرن دین برخوردار .

❖ مشقه ❖

یوزیدین کونکل لارکا عیش و طرب  
 سوزیدین بدن لارغه رفع تعب  
 اچوق چهره سی نازه کلدین نشان  
 حدیثی غه بلبل بولوب جان فشان .

تنبیه ) دشمن غروریدین غم بیمه و مداح خوش امیدین  
 چین دیمه کیم ایننک غرضی اوز مقصودی غه کام دور  
 و مونونک مقصودی سیندین محقر انعام . اگر ایکلاسی کا

مأموری اول ایردی . قیلدین اینجکا و قیلچ دین  
اینک بول دور هر کیم بویولنی مردانه قطع ایغسه  
ابر اول دور . انکا کیم صراط مستقیم دین عبور  
بولاس نصیبی جنت دا کوثر و حور بولاس .

### ❖ بیت ❖

جاده شرع ییله کیم که اوزین توز قیلدی  
دولت سرمد انکا هر ساریدین یوز قیلدی .  
تنبیه) فاسق بی ندامت شوم قیلا دورغانی سعادت اهل غه  
مذموم . زهد و فسق ایرکا تقدیری یزداندین دور  
اما ایکا لاسینی بیر کورماک ناداندین دور . تقوی غه شکر  
کیراک و عصیانغه عذر و ندامت بودور توفیق اهل غه  
علامت . هر فسق که پشیمانلیق اوتین یاروتقای اول  
اوت تردامن لبق الوده لیغین قوروتقای . جرم اعترافی غه  
عذر توفیق نشانه سی وزهد غروریدین تکبر شیطان  
فسانه سی . بوزهد شیخ خود پسند ایشی اول عذر  
زند نیازمند ایشی . بوییری امید جاویدغه سرمایه  
و اول بیری یأس مؤبدغه پیرایه . ❖ مشقوی ❖

هر زهد که عجب ایرور انکا ضم  
کونکوم حرمی غه قیله محرم  
هر فسق که عذر ایرور انکا یار  
اول یان مینی مایل ایلا زهار .



مبرا ذاتی بیلک حلیه سی دین معرا . ایشی غرور  
و تکبر خیالی دا یوز فاسد تصور . باری مهملی  
اوزی کا خوب بارجا مکروه فعلی اوز قاشی دا  
مرغوب . کونکلی دا ایلمکا یوز ازار خیالی و جهلی دین  
اولوسفه مینک ضرر احتمالی . ایشاک اونی دین قولاقغه  
ازاردور اندین اوزکا نی عیبی باردور . تیکیرماندین  
اوبی کا اون کیلتورور اتی بیشورماککا یازی دین  
اوتون کیلتورور . مشقی منت سیز و صوابی  
کلفت سیز . ناداننی ایشاک دیکان متغیر ایشاک قاشی دا  
یامان و یخشی دیکان بیر . ❖ بیت ❖

بیری دا مونجه هنر اول بیری دا مونجه عبوب  
قایسی نینک خوب ایکانین اهل خرد بیلکای خوب .  
تنبیه ) شریعت جاده دور توز اندا خواه کجه یور  
خواه کوندوز . صراطی دور بغایت مستقیم اندا  
از یقما قدین نی وهم و نی بیم . هرکیم که اول یولغه  
عازم بولغای ایکی دنی سعادتنی انکا ملازم بولغای .  
اندین چیققان اینتی توز بارغان مقصدغه یتتی  
هر سالک که مقصدغه یتیب دور بو یولدین چیقما  
کیتیب دور از یقیب چیققاج ایتیب دور . بو صراط  
استقامتی انکا کم دست بیردی « فاستقم کما امرت »

دیکوچی ممل مکرر دیکوچی لایعقل . عیب جوی  
 معیوب عیب کوی منکوب . توز کورکوچی پاک نظر  
 هنز کورکوچی راست بصر . اول کیم دماغی دا  
 ضبط سوزی دا یوق ربط . دماغی صحیح کفاری  
 فصیح سوزی حساب سیز اوژی حساب سیز . سوزی دا  
 پریشانلیق اوژی دا پشیمانلیق . سوز که فصاحت  
 زیور بدین مزین ایماس دور اتکا چین لیک زیوری  
 بس دور یالغانچی سوزدا هر نیجه فصیح راق سوزی  
 قبیح راق . چین سوز نیجه که بی تکلف قایل غه عبارت  
 ساده لیخی دین یوق تأسف . کل کا میرتوق لباس دین  
 نی زیان درغه بدشکل صدف دین نی نقصان . یالغان  
 سوز جز نظم دا ناپسند و اینک قایلی ناخر دمند .

### ❖ بیت ❖

سوز ایچره که یالغان ایرور نا پسند  
 چو نظم ایتنی لار قیلدی دانا پسند .  
 تنبیه ( نادان ایشاک بلکه ایشاک دین هم کراف .  
 ایشاک کا هر نی یوکلایسانک کوتارور و قایان  
 سورسانک اول یان بارور عقل و تمیز دعویسی یوق  
 بیرماسانک آج دور بیرسانک توق . زبوننی دور بارکش  
 خارکش بلکه انبارکش . نادان بوصف لاردین

بولغانجه يوز عادل سلاطين صفاتی دا بار و بارچا  
 ذکر قیلغانجه مینک بیر نینک پادشاهیمیز ذاتی دا تأمل  
 قیلغان تاپار . حق سبحانه و تعالی بو مذکور بولغان  
 سلاطین غه توفراغ حاضی دا قرار بیرکای انکا  
 سپهر سلطنت اوجی دا مدار نصیب قیلغای  
 تاسینوق لاری ایشی اندین بوتکای و ییقیلغان لار غه  
 اندین دستگیرلیک یتکای . ❖ بیت ❖

تاقر دور اتی غه نعل اولسون  
 تا قوباش دور باشی غه لعل اولسون .  
 تنبیه ) یالغانچی اونوتقوجی و تأمل و احتیاط یولیدین  
 کناره توتقوجی . هرکیم که سوزی چین بولماغای  
 راست لار کونکلیکا اول سوز قبول آیین بولماغای .  
 یالغانچی سوزین بیر ایکی قاتلا اوتکارکای اوزکا  
 یتکای یالغانی ظاهر بولغاندین سونکرا انکا رسوالغ  
 یتکای و سوزی اعتباری ایل کونکلی دینی یتکای .  
 کونکل مخزن نینک قفلی تیل و اول مخزننی اچار  
 کلبدی سوز پیل . ❖ بیت ❖

کونکل حاتی سوز دیکاج بیلکورور  
 که مخزن دا در یا صدف ریزه دوره  
 تنبیه ) چین سوز معتبر یخشی سوز مختصر . کوپ



و حوش و طیور غه پناه و ارامگاه بیرون و بیماک  
 و ایچماک لارین یتکورور . بعضی که نفین عام  
 و انعامین فاش دیب دورلار بو خاصیت لاردا انی  
 قویاش دیب دورلار یعنی شهر و بیابان فی روشن ایثار  
 و ویران و اباغده اندین یاروغلوق یتار . بعضی که  
 رفیع و نافع و فلک جناب دیب دورلار بو مناسبت لار  
 بیله انی سحاب دیب دورلار یعنی قارا توفراغه درلار  
 ساچار و نیش لیک تیکاندین کل لار اچار بعضی ترک  
 حکمائی و بو قوم عاقل و داناسی اوز طورلاری بیله  
 که کلام سوروب دورلار انی بوز کیزکا اوخشاتا مثل  
 اوروب دورلار یعنی که سودین و توفراغ دین  
 یوزی کانی کیلسا تحمل قیلور و اوزی کاسینکورور .  
 اگر نیش اورسالار و چوکور سانجسالار سورورغان دین  
 سونک یوزی کانی اثر یتکورماس و اوزی کاسیتورماس .  
 و اگر ایکی مخالف جماعت هر قایسی بیر ساری  
 تارتسا هر ساری اول جماعت مناسپی میل قیلور  
 ایلیک تارتسالار یانا اوز حال غه کورایغیلور یانا  
 وصفی اجناسین کیم بیر بیر اوستی کاتیریب دورلار  
 مناسب نیمه لارکا نسبت بیریب دورلار اما سوز  
 اختصاری جهتی دین و تطویل و همی دین نکته اور  
 ایتیلادی و سوز کوراک ایتیلادی کیم بو مذکور

﴿ قطعه ﴾

چاقین یاروغلوغی مدی سمدین ارض غه جه  
 زمان طولی ایکی لفظ اوقورغه جا بیتما  
 ولی نی بیرکا که توشتی قاتیغ و کریو مشاغ  
 ییریب انی سوغه تا بیتماکای قرار ایتماس .  
 تنبیه ) حکما سلاطین حالی کیفیتین ییلیب دورلار  
 الارنی اوتغه تشبیه قیلیب دورلار . اوت نفع ییتکورور  
 ییراقدین اندین متفع بولماق اولی قیراقدین . اتشکاه  
 اوتی قیراقدین نفع ییتکورور ایچی کا توشکاننی فی الحال  
 کوبدورور عاقل انکا یاووماق نامناسب دور و انداق  
 بلادین حذر واجب . اوزین ایستودغه آوج اچ  
 اما کوبدور کودیک انکلاسانک کین قاج .  
 تنبیه پادشاهلار ذکریدا ) بعض کریم اخلاق لار بیر  
 دیار پادشاه عالی مقدار کامکاری دریای مدحی غه باتیب  
 دورلار و انی کوپروککا اوخشاتیب دورلار . بو معنی بیله  
 که کوپروک مخلوقات نینک خسیس و شریف یو کین کوتارور  
 والارنی سو زحمتی دین و بالحق مشقت و غلظتی دین  
 اوتکارور . بعضی که توجه اندیشه غه قیلیب دور انینک  
 نسبتین بیشه غه قیلیب دورلار بو مناسبت بیله کیم بارچا  
 انواع حیوان و انسان و بهایم و سباع بلکه نامحصور

تنبیه ) قوش تا تمنای خام غه توشماس صیاد  
ایلیکی دا دام غه توشماس و انکا تا اجل قفسی  
ایشیکی اچیلماص صیاد دام و دانه سی غه میل  
قیلماس .

( تنبیه ) سلاطین درکاهی دین بیراق و خواقین  
بزمکاهی دین قیراق بلکه تیکراسی کا هم یاووماغان  
بخشی راق . بولاردین قاجغیل که الفرار مما لایطاق .  
بیر اوکه هر نی کونکلی تیلاسه قیلا الغای انکا اوز  
اختیاری بیله یاقین بارغان اوزینی اوزی بلاغه  
سالغان . رای توئسا عیب لار الییدا هنزو هر شایسته  
هنزلار قاشی دا عیب دین بتر . ونداق مظهر خذمتین  
اختیار قیلغان مردک خر . کیشی خاصیت اوچون شیر  
اسرارمین دیکای مو و عافیت تاپار امیدغه زهر  
ییکایمو . سلاطین خذمتی غه جرأت کور کوزماک اوز  
رشته حیائین اوزماک دور و اغونی ایچارکا سوزماک  
و الارغه تقرب تیلاماک اوز قنلی غه بلا تبغین  
بیلاماک دور . کولماک لاری دا چاقین حکمی بار  
یاروغلوغی بی اعتبار کوی دورماکی وجود دین قویماس  
اشار .



❖ بیت ❖

کیم سوزنی تیریب ایستقوجی نینک اغزیغه بیرکای  
مالک انی دوزخ اونی نینک دودیغه تیرکای .  
تنبیه ) اول که جز قوت دعویسی اظهار  
قیلاس کویا که حق نینک قوی المتین ایرکانین بیلاس .  
آدمی که قوت خیالین کونکلی کا کیچورور توفراغی  
دور که ییل اورغاج اوچورور . دنیا دار الحوادث  
دور انکا کونکل باغلاماقغه غفلت باعث . عالم  
عمر دیک بی وفادور و اینک دولتی غه اعتماد قیلاق  
خطا .

تنبیه ) عمر نینک بو کون تانکلا یغی مفهوم  
ایماس بلکه بو کون اقشامغه جه نی بولوری معلوم  
ایماس . بشر خیلی دار بقاغه اهل عزیمت دور  
وتیریک لبک بیر نیجه کون غنیمت . بو دار فنانی بیش  
کون غنیمت ییل و دار بقانینک اوزون یولی یراغین  
قیل . اول بول یراغی صالح عمل دور اندین سونکرا  
اعتماد حق لطفی غه عز و جل . عملی که تنکری  
قبولی غه شایسته دور هم تنکری توفیقی غه وابسته دور  
عمل غه هم اعتماد قیلور دین کیج اینک فضل و کرمی  
بولماسا علم و عمل هیچ .

ایتهکای انکا بویامان کتاکای یانا مباحات ایتهکای اگر  
مستمعین نی غافل تاپقای یالغانین چین کا اوتکارسا  
مقصودین حاصل تاپقای . زهی تنکری غه یامان  
بنده نی تنکری دین نی خلق دین شرمنده . مونداف  
نجس نینک چون ایرور یوزی یامانلیق ساری بو  
نحوست شعار قوتلوق اوی دین تاشقاری .

❖ بیت ❖

اول کیشی نی قوتلوق اوی دین تاشقاری سورماک کبراک  
قوتلوق اوی دین دورور یعنی که اوانورماک کبراک .  
بیر اوکه یالغان سوزنی بیر اوکا باغلاغای اوز قارا  
بولغان یوزین باغلاغای . کیره کنه دور از سوز که  
هم اوتروک دور زهر مهلاک دور اگرچه که مقداری  
اوکسوک دور . ❖ بیت ❖

زهر نی از ایرسامقداری داغی مهلاک دور  
ایکنه نینک نوی ضعیف ایرساداغی کور قیلور .  
تنبيه ) اول که سوزنی بیریردین یانا بیر بیرکا یتکورکای  
ایل نینک اوتکان کنه این اوز بوی غه ایندورکای .  
نمایلغ چین سوزکا ممنوع دور اگر ظهور ایتهکای  
خیال قیل که یالغان سوزکا نی یتکای . سوز تیرکوجی  
نینک اگر کیچیک اکر اولوغی بیل که ایرورلار تاوغ  
اوتی نینک توزوغی .

شرفی دین مسیح گفتار بولدی و حسین منصور تیل

سرعتی دین دارغه سزاوار . ❖ بیت ❖

هر نیچه بیم هجر سوزی عاشق اولتورور

وصلت بشارتی یانا جسمی غه جان بیورور .

( تنبیه ) تیل دین عذوبت دایم سندن دور و لیت

سودمند . جوجوک تیل که اجیع لایق غه ایورولدی

ضرری عام بولدی قندنی که مسکر باده قیلدی لار

حرام بولدی . جوجوک سوز صافی کونکل لارکا نوش

دور بارجا اطفال ملایم طبعی حلوا فروش دور .

❖ بیت ❖

خوش سوزکا کیم اولسامست بیهوش

شربت ارا زهرنی قیلور نوش .

( تنبیه ) هر کیم که سوزی یالغان یالغانی ظاهر

بولغاج اویالغان . یالغانی چین دیک ایتقوجی سخنور

کوموشنی التون بیله روکش قیلغوجی زرکر . یالغان

افسانه لاردا اویقو کیلتورکوجی یالغانجی اویقودا

تکلم سورکوجی . یالغان ایتقوجی غفلت دا اوق دور

سوزتیک اصنافی بغایت چوق دور و یالغاندین یامازاق

صنقی یوق دور . اول که یالغان بیله صرف اوقات



ایل کونکلی کا جراحت یتسکورور اوز باشی غه هم  
 آفت یتسکورور . نادان نینک موخش هرزه غه بوغزین  
 قیرماغی ایشال نینک جهت سیز قیچغیرماغی . خوشکوی  
 که سوزنی رفق و مواسا بیلہ آیتای کونکل کا یوز غم  
 کیلاتورغان بولسا اینک سوزیدین قایتقای . سوزدا  
 هر بخش لیق دور که امکانی بار موندین دیب دور لار  
 که نفس نینک جانی بار . مسیحا کیم نفس بیلہ اولوک کا  
 جان بیردی کویا که بو جهتدین ایردی . مکروھی که  
 هرزه سی طویل و آوازی کریمه دور اوزی اول صوتی  
 بیلہ قوربغہ غه شبیه دورور . سعادت بخش روح لار  
 زلالیغہ منبع هم تیل و شقاوت لار نحس کوکی کا مطلع  
 هم تیل . تیلی کا اقتدار لیق حکیم خردمند سوزی کا  
 اختیار سیز لئیم نرئند . تیل که فصیح و دلپذیر  
 بولغای خوبراق بولغای اگر کونکل بیلہ بیر بولغای .  
 تیل و کونکل خوبراق اعضا دور لار انسان دا سوسن  
 و غنچه محبوب راق رباحین دور لار بستان دا . ادی  
 تیل بیلہ سایر حیواندین ممتاز بولور و هم اینک بیلہ  
 سایر انسانغہ سرفراز بولور . تیل مونجه شرف بیلہ  
 نطق نینک آلتی دور و هم نطق اینک دور که اگر ناپسند  
 ظاهر بولسا تیل نینک آفتی دور . عین القضاة تیل

ملکی ابادلیخی اینک اشکی سیلابدین و شوق شبستانی  
باروغلوغی اینک شعله سی تابیدین کیم اهل دل لار  
کونکلی بو عشق شعله سی نوریدین و اول شعله  
نوری سروریدین ایریلسونلار و ربای زهد خیلی غه  
قاتیلسون لار . ❖ نظم ❖

مین بیدل غه یارب بو کونکلی تونغیل ارزانی  
انی مین دین آیرما داغی مین سیز تونماغیل انی .  
تذیه ) اول کونکل کا کیم قاتبع سوزدین ریش  
بولغای اجیغ تیل زهر الود نیش بولغای . کونکل دا  
تیل سنانی جراحی بوتماس انکا هیچ نیمه مرهم ییرین  
توتماس . هر کونکل که تیل سنانی دین جراحه دور  
هم یومشاغ سوز و شیرین تیل انکا مرهم راحت دور  
ملایم تکلم وحشی لارنی الفت ساری باشقارور  
فسونکر افسون بیله ییلاننی توشوکن دین چیقارور .

❖ بیت ❖

حسن و جمال سیز کیشی شیرین کلام ایسه  
صید ایلار ایلانی نکته فصاحت ییلان دیسه .  
تذیه ) تبلی کا اختیار سیز ایل کا اعتبار سیز . هرزه کوی  
که کوب تکلم سوزکای ایت دور که کیچه  
تانک اتقونجا هورکای . یامان تیل ایسک انداق که

تنبیه ) زمان اهلی دین اوزین صاحب دل توتقان  
 یاغسان آیتور ویدل توتقان نینک هم سوزی  
 یاغسان لبق ساری قایتور . نیوچون کیم اول که صاحب  
 دل بو دعوی ظهوری اندین مشکل و اگر اول  
 کیشی زمان اهلی نینک بیدل یاغی غه یوراک سیرلیق  
 محمل . بو کونکل سین خیال قیلغانک کونکل ایماس  
 صاحب دل یوراکنی کونکل دیماس .

یست ❖ هم انی دجال تایب هم نبی

غیسی ایله تینک مو بولور مرکبی .

تنبیه ) لحم پاره صنوبری اگر کونکل دور صنوبر  
 دیک صاحب دل تاپیلماست و اگر بو فان یاغلاغان  
 غنجه پیکری کونکل دور بهاردا کلن دیک پردل کیشی  
 تخیل قیلماست . اما بولارنی کونکل دیماست سزاوار  
 ایماست و کونکل سوز و دردی بولاردا بیدار ایماست .  
 کونکل معرفت باغی دین وحدت ریاحینی نینک ایسکان  
 نسیمی دور و روحانیت کلمستانی دین اشنایغ کل لاری نینک  
 شیمی . حسن ملاحین ادراک قیلغوجی هم کونکل  
 و عشق اوتی یالینی غه یا قیلغوجی هم کونکل . خوبلار  
 حسنی نوری غه کباب لبق قیلغوجی همول و جمال  
 لطافتی کنجی غه خراب لبق قیلغوجی همول . عشق

❖ بیت ❖

خوش دور خردی کوپ ایل سوزی کا کیرماک  
نی بازی یمک خوش و نی بازی بیرماک .  
تنبیه ) نفس دین سنکا ظلم یتسا ندامت ایشیکین آج  
و تنکری پناهی غه قاج . توبه ایتاکی کا ایلک اور  
و اول توبه نینک اوستی دا مردانه تور .

❖ قطعه ❖

نفس کافر دین نی کیم یتسکای سنکا  
توبه ایلاب توبه دا مردانه بول  
یول ایکی دور جرم بیر دور توبه بیر  
اول بول ارباغلانندی آچوق دور بو یول .  
تنبیه ) اگر بد نفس دین ظلم یتسا شکر واجب  
ییل و تنکری حدین ادا قیل که سین ایماس سین  
ظالم کریزو اول ایماس دور مظلوم عاجز . مظلوم لیق  
ابتلاسی دا بولغان یخشی راق که ظالم لیق بلاسی دا .

❖ بیت ❖

کیشی مینک ظلم اگر چیکسا کبراک بولماسه قانع  
لیک بیر ظلم غه مینک نوع کبراک انکلاسا مانع .



❖ بیت ❖

اول چو صاحب اختیار اولدی و بوی اختیار  
ایکبسی دا حزم و حکمت نینک خلاقی اشکار .  
تنبیه ) هر دشوار ایش که مال صرف ایماک بیه  
میسر دور قیلاسانک جانغه خطر . مال صرفین غنیمت  
بیل و سلامت ساری عزیمت قیل :

❖ قطعه ❖

درم بیه بولا السا ضررنی قایتارماق  
خطا دورور کیشی اول ایش دا ایلاماک تعطیل  
انینک پناههی غه کیر تنکرینی پناه ایلاب  
ولیک ایلا بوخیر ایش قیلوردا کوپ تعجیل .

( تنبیه ) هر ایش کفایتی دا کیم سرانجامی دا تشدد  
بولغای و طبع غه تردد اول جانب نی توت که ایمکای  
ازراق یوز بیرکای و ازاری کم راک خاطر غه کیرکای .  
دنباغه تعلق ایش نی سهل توت و دین ایشی دا  
شود تصویری بیه کونکلی آووت . نا-ان پندی دا  
غلط مقرر دور و دشمن نصیحتی دا فریب متصور .  
اندین بازی یما و موندین اوزونک کا بازی بیرما .

❖ یت ❖

جمال نفیس رخت ایله اورسا قدم  
 بوق نفع انکا غیر مزد بیر ایکی درم .  
 تنبیه ) بخیل نینک مالین اسرار دین محنتی قاتیغ  
 و حسود نینک فعلی اوباتی دین عیشی اجبغ کیم اول  
 اوز غناسی دین ذلیل دور و بو اوز قیلیخی دین علیل .

❖ یت ❖

انکا مالی نینک حفظی رنج و عنا  
 مونکا فعلی نینک زشتی درد و بلا .  
 تنبیه ) کیشی مالیدین فی کیم بهره الدی انینک دور  
 و هر فی کیم اسرای اوزکانینک زجت یله تاپقانینک فی  
 اوزونکدین ایاما و محنت یله یغا نینکنی دوست لار  
 یله بی دشمن اوچون اسراما .

❖ یت ❖

مال اولدور کیم ایل اندین السا بهر  
 دشمن اندین تاپسا تینک دور نوش و زهر .  
 تنبیه ) عقلا سلاطین لطفی غه اعتماد قیلای دور لار  
 و حکما مجانین قولی غه اعتماد جایز بیلای دور لار کیم  
 اول بیر صاحب اختیار دور و بو بیر بی اختیار  
 خردمند غه ایکالاسیدین احتراز قیلاق سزاوار .

(تنبیه) فائق عالم دانشوری دور اوز نفسی غه  
ظالم غنی بخیل نادانی دور اوز زبانی غه محیل . بو  
ایکی کیشی عمر ضایع اوتکاردی لار و کورکا حسرت  
و ارمان الیب باردی لار بیری اول که علم اورکا نورکا  
رنج تارتتی و عمل قیلمادی بیری اول که مال ییغارغه  
ایمکاک چیکتی و صرف قیلورین ییلمادی .

❖ قلمه ❖

عالمی کیم علمی ایردی بی غل  
با غنی کیم مالی غه بخل ایردی یار  
اوادی لاریوز حسرت و ارمان ییله  
ایل کا بوادی ایش لاریدین اعتبار .  
تنبیه ( یامان لارغه لطف و کرم بخششی لارغه  
موجب ضرر و الم دور موشوک کا رعایت کبوترغه  
آفت دور و شغال جانبدین توتماق تاووغ تخمین  
قوروتماق دور . ❖ بیت ❖

بورینی قوزی بیرلا قیلغان سیمز  
کیک جمع و خیلی غه دور رحم سیمز .  
(تنبیه) علم اورکائماک دین تقویتی اوچون دور  
یوق که دنی جمعیتی اوچون . خیرسیمز غنی یاغین سیمز  
سحاب و عمل سیمز عالم دابه کیم انکا یوکلارلار کتاب .

ملاحظه کړاځ و فراست و یارنی اغیار دین تانیرغه  
کوب تجربه کړاځ و کیاست . نیوچون کیم اندین  
باری غه بیم و امید بار ضرورت دور که کور کوزکای  
اوزین بنده وار . یقین بولغونجا هر قایسی نینک حقیقت  
حالی نامناسب امور نینک بار احتمالی .

### ❖ پست ❖

ناکهمان کر بی تأمل سوزسا بیر حکم عنیف  
کیم ضعیف اندین قوی یا خود قوی بولغای ضعیف .  
تنبیه ) اوکتا حکمی بیر آونی قبلسا نابود اول زمان  
پشیمان بولماق نی سود یا محل سیر بیر آونی قبلسا عالیشان  
یه لکاندین سونک پست اینسا اوز شانی غه دور زیان .

### ❖ پست ❖

تأمل موندنا واجب دور بغایت  
که بولماغای بونوع ایش بی رعایت .  
تنبیه ) پادشاه دشمن غه انداق غضب سورماماک  
کیراځ که دوست هم اندین ایمن بولماغای و مخالف غه  
انداق سیاست کور کوزماماک کیراځ که موافق هم  
اندین مطمئن قالماغای . ❖ پست ❖

کیراکاس مخالف غه انجا عناد  
که قیلماغای موافق نی بی اعتماد .



انی اوز یاریغه تخیل فیلا الماس اگر تخیل فیلا السا  
و حشتی دین حیاتی قالماس .

❖ قطعه ❖

یار اول دور که هر نی کیم اوزی کا  
ایستاماس یاری غه هم ایستاماکای  
اوزی ایستار که یار اوچون اولکای  
انی موندنا شریک ایلاماکای .

( تنبیه ) کونکل بدن ملکی نینک پادشاهی دور انکا  
صحت مونکا هم صحت انکا تباهی مونکا هم تباهی .  
پس اول که کونکل ملکی نینک صاحب جاهی  
بولغای شاه لار شاهی بولغای . بدن صلاح و فساد  
کونکل صلاح و فساد غه تابع و ملک اباد  
و خراب بلخی شاه عدل و ظلی غه راجع . پادشاه ملک  
بدنی نینک جانی دور و کونکل تن ملکی نینک ساطانی .

❖ بیت ❖

ملک اوچون سالم کیراک دور خسرو کشور پناه  
تن اوچون اول عضو کیم بولدی بدن ملکی دا شاه .  
( تنبیه ) شاه دین هم لطف مرغوب دور هم سیاحت  
مطلوب دور اما هر بیری اوز مجلی دا خوب دور  
بس انکا دوست نی دشمن دین فرق ایثار کا کوب

شوی

ایرانلار خدمتی دین چیکماکیل باش  
اگر باشینکغه کردوندین یاغار تاش  
که کر اول تاش ایله باشینک اوشالغای  
سعادت خطی دور کر زنجی قالغای .  
(تنبيه) ولی نعمت غه عیب روا کور کوجی قول پیری غه  
مرتد مرید دور اتاسی غه حرام زاده اوغول . مرید غه  
پیر و اوغول غه اتا خادم غه مخدوم حتی انداق دور  
که بنده لار کا قادر قیوم حتی .

شوی

کیم که اتا امری غه قویماس بویون  
پیر ایله مخدوم ایشین ذیر او یون  
پیل که چیکار تنکری بولبدین ایاق  
تنکری بیله عاق بولار پیرله عاق .  
(تنبيه) هر کیم که بیر آو بیله یاردور یا که یاربغ  
دعویسی دا باردور کبراک که اوزی کا روا تومماغانی  
یاری غه روا تومماسا کوب نیمه اوزی کا هم روا تونسا  
انکا تومماسا بس مشقت که اندین روح غه الم  
ینسار کبشی اتی اوز جسم و جانی غه تجویز ایتار اما

فلق و اضطراب دا انکایاراشا کیراک بولغای  
و غلبات جذباتی هم انکا اوخشا کیراک بولغای .

﴿ بیت ﴾

سهانینک عاشقی چون ناله اینکای  
قویاش بی حالی غه کور کیم نی یتکای .

تنبیه ) دوست و صالین تیلار بولسانک عاشق  
بول اگر اوزلو کونک بیله بولسانک عاشق لار  
تیکراسی دا ابورول . اول اوت شعله سی اگر سنکا  
هوس دور بیر شرر سینک ساری یوزلانسایس دور .

﴿ قطعه ﴾

عشق بیر اوت دور که اینک شعله سی دین بیر شرر  
توشا کردون پرده سی غه اورتار انداق کیم حریر  
سین که جسمینک پرده تاریدین داغی بولغای ضعیف  
توشا اول بانکلیغ جاقین توزکایمو اول تار حقیر .

( تنبیه ) ایران لار خدمتی غه اول که عمرین صرف  
ایثار اگرچه عمری کیتار اما جاوید عمر غه یتار .  
اوزونکنی بو زمره دین یراق توئما باشنک بارسا بو  
مدعائی اونوئما . عمر فانی دور و بی وفا اول باقی حیات  
و موجب بها .

سوز اعلیٰ نینک دمی بیر یسل دور کیم انابت  
 خاشاکین ساوورور و غضب توراغین سوپورور  
 عاشق ایشی عجز و نیاز دور و عشق دایلی سوز  
 و کداز . پروانه غه کویماک و اورتانماک آیین بلبل غه  
 ناله زار و فریاد بی اختیار دین قایدا تسکین . کیچه  
 ایشمار قورت زبانه آتشین قیلاس و کوپلاک پروانه  
 ایشین بیتلاس .

### ❖ بیت ❖

کبشی اوننی یاساغان بیرلا بواورمو عاشق  
 صبح کاذب یاروماس ایلاکه صبح صادق  
 هر نی کیم بی بقادرور تباہ دور انکا کونکل باغلاماق خطا  
 دور و اول که اندین اوزکا باری غه معرض زوال دور  
 اول بیربار لم یزل ولا بزال دور . اینت عشقین  
 بیرک توت اول باقی دین اوزکا باری فانی لارنی اونوت

### ❖ بیت ❖

اینک عشقینی بیرک توتماق کیراک  
 یانا یار و یوقنی او توتماق کیراک .  
 نذیه ( مجازی عشق غه که بی محبوب بولغای  
 اینک عشق دا بخود و مطلوب بولغای حقیقی عشق  
 بی قراری و اینک تجلی صدمنی نینک بی اختیاری



لنک دور تنکری بولی غه بوکورا الماس . اکر کیشی  
پادشاه یاساغلیق دور ابشی نینک ایلکاری باروری  
عنایت غه باغلیق دور .

( تنبیه ) اکر حق دین عنایت بولسا قول لار قولی  
شاه لار شاهی و اکر اول بولمسا عالم شیخ الشیوخ  
عالم نامه سیاهی . لقمان که بیر قول ایردی حکمت  
و نبوت بیله فرقین کوککا یتکوردی جالوت غه اینک  
دیک مینک قول ایردی غضب و سیاست تیغی  
اینک باشین یی کا توشوردی .

تنبیه ) مظلوم غه بخشایش کورکوز که ظالم دین  
اسایش کورکای سین زیر دست لار غه نفع یتکور  
اگر تیلاسانک که زیر دست لار دین ضرر  
کورماکای سین . خردمند مخالفت دین قاجار  
و موافقت غه ملایمت ایشیکین اچار . زنبور  
غوغای دین نیش منصور دور و عسل سوداسی دین  
نوش میسر دور . سعادتمند یتک دور که شهوت  
میلی قیلاس کیم بی سعادت قاری نینک خود  
ایلیکی دین هیچ ایش کیلاس .

تنبیه ) درد اهلی نینک نفسی بیر اوت دور که  
قاتیغ کونکلی یومشاتور و قوروغ کوزنی ییغلاتور .

قارلوناچ نینک بی ملال یانکشاماغی ملالت کینمورور  
و مصحف اوراقین خرد پیری تلاوت قیلوردا لئیم  
طفل نینک ییل پوکوج بیله ورق نی ساورماغی کدورت  
یئتکورور . اما ییل اگر کوککا ییتسون که سبکباردور  
و بی مقدار تاغ اگر توفراقغه باتسون که صاحب  
وقار دور و حلم شمار اینک ضمنی دا اوتغنه یاقیلغودیک  
خس و خاشاک و مونینک جوفی دا شاه تاجی غه  
تیکیلکودیک لعل انشاک .

### ❖ بیت ❖

اغیرلیق وزیدین دور سیل دین غم سیرنهری تاغی  
یینکیل لیک فرطی دین برباد ابرور ققاق یافراغی .  
( تنبیه ) تنکری دوست لاری نینک حکایاتی و الار  
اخلاقی نینک روایاتی افسانه دور کیم اویوغان  
کونکل لارنی اویغاتور و ترانه دور کیم خیرهلیغ دین  
قایتقان کوزنی ییغلاتور . یخشى لارغه ایریشماک ایتنی  
پاک لار جرکاسی کا قاتنی و یامان لارغه قاریشماق اینیا  
اولادین جهنم غه اوزاتنی .

تنبیه ) انکا کیم یقین کوزی کور دور تنکری  
دوست لارینی کورا الماس و انکا کیم توفیق اماغی

مخالف نفس لار صرصری اوچورماق دین .  
 اسراغوجی و منافق بو الهوس لار هرزه سی تندبادی  
 ساوورماق دین ساقلاغوجی . خلايق دین کیشی کا  
 موجب تعظیم و اعزاز و اکابر دین اصاغرغه باعث  
 النفات و امتیاز . نیچه اولوغ کیشی نمسخر و  
 طیبیت قیلسا اینک قاشی دا بی شکوه و وقار  
 انجا که مسن کیشی اهتراز و خفت کورکوزسا اینک  
 قاشی دا بی شوکت و اعتبار . اما دوران باغی نینک  
 خس و خاشاک آیین لاری ویـلدیک بی ثبات  
 و تمکین لاری کوزیکا حلم اهلی اغیرلیق غه منسوب  
 و کران جائلیق غه معیـوب دورلار . قویون دیک  
 توفراغنی هواغه ساوورورلار و اول سبکسارلیغ  
 بیله باش لارین کوککا ینکورورلار . تاغ پیکرین ایاغ  
 استی غه الماق آیین لاری و دشت اجزاسین هواغه  
 ساوورماق تمکین لاری ییل دیک هر ایشیکیدین  
 کیمارکا عارلاری یوق اوت دیک انشدان لیغ دین اوزکا  
 شعارلاری یوق . ییل اگرچه لاله تاجین اوچورغای  
 اما قیا کمری غه نیتا الغای اوت اگرچه تاغ ایتا کین  
 کویدورکای اما قویاش اختری غه نیچوک ییتا الغای  
 حق کوی قوش نینک تمکین بیله ذکر ایتوری قاشی دا

ظلمی دین فغان و فریاد تا عالم بناسی دور بو وقعه دا  
مین کیبی هیچ کیشی اور تاملی دور وتابی وفالیق  
ابتداسی دور بو یالین غه هیچ کیمسه مین دیک  
چور کانمایدور زمان اهلی بی وفالیقی دین کو کسومدا  
توکان لار و دوران خلقی بی خیالیقی دین باغربمدا  
تیکان لار هر قایسی غه رفم اورای دیسام صبر ایوب  
انکا وفا ایتماس و قلم سورای دیسام نوح عمری دا  
تمام غه ییتماس . حق یا الارغه انصاف و رحم  
ساری توسل بیرکای یا بو مرحوم جفا کس غه  
صبر و تحمل .

### ❖ بیت ❖

یا مرحمت اول خیل ستم کاره غه بیرکیل  
یا صبر و تحمل مین بیچاره غه بیرکیل .

تنبیه حلم ذکریدا ) حلم انسان وجودی نینک  
فواکه لیک باغی دور و ادمی بلغ عالمی نینک جواهرلیق  
تاغی حلمی حوادث در یاسی دا کیشی ایک کیمه سی نینک  
لنکری دیسه بولور و انسانیت میزانی تاشی غه  
نسبت قیلسا بولور . اخلاق شخصی نینک اغیر بهالیق  
لباسی دور و اول لباس جنس نینک سنکین دیبایسی



کیم وفا مسکن قیلور حیا هم تاپیلور هر مسکن دا کیم  
 اول تاپیلور بوهم تاپیلور وفاسیزدا حیا بوق حیا سیزدا  
 وفا و هر کیم دا بوا یکی بوق ایمان بوق و هر کیم دا  
 کیم ایمان بوق اندین ادمی لبق کیملاک امکان بوق.  
 عمر کیم وفاسیز دور اندین امید کوزین یاروتسا بولماس  
 محبوب که بی وفا دور اندین جاوید وصالی طمع  
 توتسا بولماس. ارازلار اهل وفا و خاتونلاری وفا  
 کامللار اهل حیا و ناقصلاری بی حیا. وفا و حیا  
 عالم تیره. مکنیدین اوتوب دورلار و لامکان عالی دا مکان  
 توتوب دورلار قالغان وفاسیز بی خیالار الارنی  
 اوتوتوب دورلار و اوزلارین بیر بیرلاری اوتوتوب دورلار  
 هر کیمکا کیم بیر وفا کور کوزدوم یوز بی وفالغ  
 کورما کونجه قوتولادیم و هر کیم بیله بیر مهر و محبت  
 آیینی توزدوم مینک جور و مذلت تارتماغونجه  
 خلاص بولادیم.

❖ بیت ❖

کیم کا قیلدیم بیر وفا کیم یوز جفا سین کورمادیم  
 کور کوزوب یوز مهر مینک درد و بلا سین کورمادیم.  
 دور بی وفالاری جوریدین داد و دهر بی خیالاری

تنگری پناهی دا بواسونلار و هم عزت و شرف  
ارامگاهی دا .

( تنبیه وفایی دا ) وفای اول صفت دور کیم کرم و مروت  
خلق فی انسیز کوروب اییب دورلار وائی تیلانماک کا  
عدم ملکی ساری گیتی دورلار . جهان کلشی وفا کلی  
دین زینت یزدور و بشریت کلی وفا رایحه سی دین  
نکته سیز . وفا شمع دور که دهرتین خاکدانین  
یاروتای دور و زمان بی وفالاری کونکلی بیله الفت  
توتای دور و زکسی دور که دوران چنی غه کوز  
سالمای دور و کونکلاری غنچه سی دا حقد و حسد  
دیک کرلرین بازمای دور . محبوبی دور پاک خلقت  
جز پاک کونکل کا انس و الفتی یوق مطلوبی دور  
پاکیزه طینت جز پاکیزه فطرته میل و رغبتی یوق .  
دری دور ثمن انسانیت تاجی غه زیور کوهری دور  
آتشین آدمی لبق باشی غه افسر . و عالدا انسانیت  
نابود و عالم اهلی دا آدمی لبق ناموجود . و فاعه حیا  
بیلا پیوسته لبق انداق که حیا غه وفا بیله وابسته لبق .  
( تنبیه ) کرم و مروت اتا و انا دورلار وفا و حیا  
ایکی همزاد فرزند هر نیجه اول ایکاوکا نور بیله  
صفادور بو ایکاوکا اتصال بیله پیوند . هر کونکلنی

سالماق . کرم صفی اکرم الاکرمین ابشی دور  
صاحب کرم کیشی حق نینک بو نوع صفی غه متابع  
کیشی دور بوورد کرم سبزی سی تره فروش دکانی دین  
اوزکا ییردا تاپلاس و مهرکلی سپهر تیزکوش  
کلشنی دین اوزکا ییردا چتلاس . کرم بشر طبعی دا  
نایاب و نابود دور بو سبب دین کرم اهلی ناپیدا  
ونا موجود دور .

کرم کافین کویا کیمیا ابتداسی دین الب دورلار  
و راسین سیمرخ راسی دین و ممین خوبلار اغزیدین  
توتوب دورلار چون اوچالاسی معدوم دورلار ایل  
انی اونوتوب دورلار بو جوهرنی عالم اهلی دین  
تیلماک قویاشنی ذره دین تیلماک دور و فلک نی  
سهادین ایستماک .

( تنبیه مروت بابی دا ) معدوم لوق دا مروت کرم نینک  
اوروق قویاشی دور بلکه توأم قارداشی .  
ایکالاسی چون ایل بی و فالغی دین اکه بولوب دورلار  
بولاردین قاچیب عدم ملکی سفری غه همره بولوب  
دورلار . صاحب کرم اول نفیس مناعی دین ایرلورنی  
صلاح بتلای دور و صاحب مروت داغی اول شریف  
خلق دین ایرلمای دور کیم ایکالاسی قایدا بولسالار

دیرلار . مباحات اوچون بیرماک خود نمالیق و  
 ایندک بیله اوزین سخنی دیکن بی حیالیق . اول که  
 ایل کورماکونجه بیرماس لئیم دور سخنی ایماس .  
 تیلاب بیرکانی هم سخنادین بیراق بیل ابرام بیله  
 بیرکادین بیرماکانی بخشی راق بیل . بیر ته اوتماکئی  
 ایکی بولوب یاریمین بیراج غه بیرکانی سخنی دی  
 اوزیمای بارینی محتاج غه بیرکانی اخی دی .

تنیه سخانی نوع قیلوردا) هنزلارنی تاماق ییدورماک  
 دور و عیب لارنی یاماق کیدورماک دور . محلی دا بیرکان  
 ایسکی چارتاره تون سخاوت و بی محل بیرکان زربفت  
 چارقب شقاوت . دیسانک که طعمایک ضایع بولماغای  
 ییدور و تبلاسانک که لباسینک ایسکیرماکای کیدور .  
 سخا طریقین مذکور بولغان سوزکا انکلا اما  
 کرم آیینی و قنوت رسومی اوزکا انکلا .

( تنیه کرم و قنوت طریقیدا) کرم بیر جفاکش نینک  
 شدتی یوکن کوتارماک دور و انی اول صعوبت دین  
 اوتکارماک . بیر آوینک محنتی خاری حلین قبول  
 قیلماق و اول تیکن نوکی دین کل دیک اچماق و اول  
 قیلغانی تیل کا کیلتورماک و اغیز غه الماق و اول  
 کیشی کا منت قویماق و اینک بوزی کا کوز هم



سخنی ناموغ غه بارماس اگرچه بنده حبشی بولسون .  
 سخنی بولوت دور ایشی خرمن بلکه مخزن بیرماک  
 بخیل موردور دابی خوشه بلکه دانه تیرماک . همت  
 اهلی غه دور سخاوت اختصاصی بویکی شریف صفت  
 شاه ولایت خاصی . ادبی بدن دور همت انکا روح  
 همت اهلی دین عالم دا یوز مینک فتوح . همت سیز  
 کیشی ابرسانی دا ایماس روح سیز بدن کیچی تیربک  
 دیماس . عالی همت شاهبازی دور بلند پرواز بی همت  
 سیچقان صیادی یورتیچی باز . شونغار مسکنی شاهینک  
 بیلاکی یورتیچی مقامی اولوکسینک ساسیغ بدن  
 و سرنکاککی . ارسلان ایشی صید اوروب سباعی  
 تویغارماق سیچقان ورزشی درم اوغورلاب توکونی  
 اختارماق صاحب همت مقاس لبق بیله پست بولماس  
 همت سیز کنج تاپسا بیک لارکا همدست بولماس .  
 چنار ایلکی خالی لیغی دین بیک لیک کا فی نقصان  
 توفراقه نهان کنج لاری بیله فی علو شان . همت  
 اهلی غه اگرچه بیک کوکبه دور اما سخاوت غه نیچه  
 مرتبه دور اسراف سخا ایماس و اتلاف فی معنی اهلی  
 سخا دیماس . حق مالین کوبدورگانی دیوانه دیرلار  
 و باروق کوندا کافوری شمع باققانی عقل دین بیکانه

بولار جفا سین بو جفاکش جانیدین جور و ستم لاری  
جراحت لارینی مجروح بولغان باغری زخمی دین کور .



جفالار کیم میننک جانیمه بیتیش دهر خلقی دین  
بیری کفاردین کیلاس اسیر اولغان مسلمانغه  
نی پیدادی که ایستارلار قیلیب سونکرا اوکش منت  
داغی بوکلارلار اخر بو جفاکش زار و حیرانغه  
بو پیداد اهلیدین کر جان بیریب مخلص ابرور ممکن  
قیلیب جانی فدا بالله که منت قویغامین جانغه .

( تنبیه سخاوت بابی دا )

سخاوت انسانیت باغی نینک بارور شجری دور بلکه  
اول شجر نینک مفید ثمری دور . آدمی لبق کشوری نینک  
بحر موج وری بلکه اول موج و بحر نینک مین  
کوهری . سخاوت سیز کبشی باغین سیز ابر بهار دور  
ورایحه سیز مشک تتر . میوه سیز پیغاج همان اوتون  
همان باغین سیز بولوت همان توتون همان .  
سخا سیز کبشی پیلا کوهر سیز صدف نینک بیر حکمی بار  
درسیر صدف بیرلا اولوب قوروغان کشف غه نی اعتبار .  
بخیل بهشت غه کیرماس اگرچه سید قرشی بواسون

کیشی نینک ایشی یوق . جانینک نی دوستلیغ لاری دا  
 بیرماسانک دشمن جانینک ایرورلار خاطرلاری اوچون  
 ناحق قانغه راضی بولماسانک قانینکغه تانوقلوق  
 بیرورلار . دایم تیلانلار لاری دیک قیلغانینکغه بیر  
 نوبت تقصیر بولسا عیرونکدا قیلغانلار باری ضایع  
 و مدام ایستاکانلاری دیک قیلغانینکغه بیر قاتلا  
 تأخیر بولسا شکایت و تشنعلاری شایع . پیای  
 الماق الارغه هنر یوزدین بیری کا عوض خیالیدین  
 کونکل لاری کا ضرر . ایمکاک لاری کا کوپ چیداسانک  
 اتینک بی ادراک تکلیف لاری دین اگر از باداسانک  
 ذاتینکغه نهت امساک . بارجا مالینکنی فدا لاری  
 قیلسانک بیر قاتلا سهودین لقینک بی مروت  
 جفالاری مقابله سی دا عذر خواه لقی غه جان بیرماسانک  
 خطایینک بی حیت . باشلاری غه کل ساچسانک  
 الاردین یوزونک کا تیمکان سانجیلور اگر اول کل  
 ساچاغنی بس قیلسانک باغری نکغه چوکور نیکیلور  
 متعاقب نیازلارغه متواتر ناز پیشه لاری پیای  
 ستم لارغه فمادم لطف و کرم کوز تومماق  
 اندیشه لاری . بیچار اول مظلوم که بو ظلم کیش لارغه  
 گرفتار و بو ستم اندیش لارغه فرمان بردار بولغای .

تورماك كبراك و هر كبشى كا يوز ملايمت كور كوزدينك  
مينك غلظت و كدورتغه صلا اورماق كبراك . اتى كيم بير  
دعا قيلدينك كوپ قارغيش بيله قوتولماق يوق دور بير  
آوكا كه بير مدح ديدينك اون ذم بيله خلاص بولماق  
يوق نور بير ساغر مى بيركاندين قدح قدح خوناب  
يوتماق كبراك بير قدح نوش ايجوركاندين اياق اياق  
زهرغه اوزنى اماده توتماق كبراك . هر خدمتكارلىق  
قيليب مقابلدها هم جفا كورسانك يانا خدمت كوز  
توتارلار و هر وفادارلىق قيليب اوزودا رنج و عنا  
هم چيكسانك يانا عبوديت طمع قياورلار هر وفاغه  
يوز جفا تارتسانك كه كارسين و هر مهر و محبت غه  
مينك درد و محنت قبول قيلسانك تبه روزكارسين  
الارغه جان فدا قيلسانك شكرانه جانغه منت قويماق  
تيلارلار اكر بو شكرانه ايا قيلسانك تكرارغه  
شروع قىلماق ايستارلار . يوز مدعالارى حاصل بولوب  
بيري قالسا باشدين اياق مقصرسين مينك ارزولارى  
بوتوب كبشى بير عذر اراغه سالسا اياقدين باش  
مدرسسين . يامانليغ قيلغانلارى جا اون بخشىلىق  
قيلسانك سيندين يامازاق كبشى يوق ناز قيلغانلارى جا  
مينك نياز كور كوزسانك سينيك ايشينك دين يامازاق



سعادت ابد پیل فته و افت یاجوجی دفعی غه  
سد پیل . انسانیت باغی نینک دلپسندراق شجری  
احسان دور و ادمی لیغ کافی نینک ارچندراق کوهری  
هم احسان دور . جمیع پسندیده صفات و مستحسن  
حالات احسانغه تابع وانینک ضمنی دا مندرج و واقع  
دور . و اول بارچه بخشی لیغ لارغه جامع و باری  
بخشی لیغ لار فی الحقیقه انکا راجع .

❖ قلمه ❖

عجب صفت ایرور احسان که هر شریف صفت  
که کیلسا جنس بشردین انکا ایرور داخل  
جواهر انکلا صفات انی جوهری قفسی  
که باردور اندا قایو بیرنی ایستامانک حاصل .  
تنیه ) اما بو زمان و دوراندا یا دوران و زمان  
انقلاب و قصوریدین یا دوران و زمان اهلی خرد  
وانسانیتی فتوریدین حالا بو ورق ایوریلوب دور  
و بو قضیه بر عکس بولوب دور . بخشی لیغ جزاسی  
خشونت دین اوزکا و ملایمت پاداشی تکبر و رعونت  
دین باشقا نقش توتماس و صورت باغلاماس .  
هر کیم کا بیر خدمت قیلدینک اون شدتغه مهیا

تنبیه ) تکبر شیطان ایشی و بیک ایک نادان ایشی  
متکبر تنکری دوست لاری الیدا مطعون و تنکری  
قاشی دا مردود و ملعون . خود پسند ایشی باری  
ایل کا ناپسند بیلکی کا مغرور بیلور ایل کا معیوب  
و تنکری غه مقهور . بت پرست بلغ بخشی راق که  
خود پرست ابغ .

تنبیه ) یانا بیر امر عظیم احسان دور کیم  
انینک بیانی دا کوب سوز عیان دور « الانسان  
عبید الاحسان » انکا دال و « هل جزاء الاحسان  
الا الاحسان » انکا کواه حال . جمیع مذاهب و ملل  
اهلی قاشی دا ثابت دور کیم بخشی لیق جزاسی  
یوق دور بجز بخشی لیق و نبوت لسان معجز بیانی غه  
داغی بو اشارت اوتو بتور کیم « احسن کما احسن الله  
الیک » اول حضرت مونداق امر ای تب دور که  
بخشی لیق یتیکور انداق که تنکری دین سنکا بخشی لیق  
یتیب دور . بو امر صفی غه موصوف بولماقغه دور  
موندین عظیم راق امر نی نوع بولالور و یانا انبیا  
و حکما و اولیا و عقلا و علما داغی مونکا  
متفق لاردور و هیچ کشی مخالفت قیلای دور و  
موندین احسن طریق پیشلای دور . احسان صفی

تنبیه ) سبحان الله نی وسیع درگاه و نی رفیع  
بارگاه دور کیم اندا پیل خرطومی پشه خرطومی غه  
زبور دور نی عجب اگر سرکش مبهوت و علمی  
نکون دور . اینک که یوز قلاده پیل بار ایدی یاریم  
پشه مهلاک نبشی غه زبون و زار ایدی .  
بودعوی غه اول که روشن دلیل دور اصحاب  
فیل واقعه سی یله طیرا ابایل دور .

تنبیه ) هر نی کیم بقاسی پیوسته ایماس پرستش غه  
شایسته ایماس . هر نی کیم بیر اوزی دیک کا  
محتاج دور الوهیت کشوریدین اخراج دور .  
تنکری دور کیم کبشی کا اوخشاماس و کبشی انکا  
اوخشاماس اولکه بو نوع ایماس تنکری لیک کا  
یاراماس . اول دور که نی کبشی انکا اوخشار و نی  
اول کبشی کا هراینه کیم هیچ کبشی نینک هیچ ابشی  
اوخشاماس اینک ابشی کا . نی انکا زمان و مکان  
احتمالی نی هیچ مکان و زمان اندین خالی نی  
خلا اینک پیری دور نی ملا اما هم خلا و هم ملا  
اندین تولا . کبریا و جبروت ایاسی خالق جبار دور  
بو صفت غه اول سزا و بو صفت انکا سزاوار  
دور . جل جلاله و غم نواله و لاله غیره .

یبتیشتی و دوزخ غه یبتاسدین بورون بضمینی  
 گویدوردی لار بضمینی سویدوردی لار و کولینی  
 کوکا ساوردی لار و الارینک فته سی اوتین  
 اوچوردی لار .

اوچونجی نوع بولاردین داغی غفلت کردارراق و  
 لعنت غه سزاوارراق هم اوتوب دورلار که غریب  
 دعوی یولین توتوب دورلار انداق که فرعون بی  
 عون و نمرود مردود و یانا هم بولاردیک بی ادب  
 و بی خیالار که قلیب سهو و خطالار اغیرلاری غه  
 تاش و توفراغ که مذکور بولالمای ایش کا دعوی  
 و لاف لار اوردی لار و دعوی لاری استی دا کزاف لار  
 سوردی لار و اخر خداوند بی مثل و مانند که انکا  
 یوق دور شبیه و شریک و والد و فرزند یکتای دور  
 بی اشتباه و بی اکراه و حده لاشریک له لاله الا الله  
 غیرت الهی بیله و غضب نامتناهی بیله الارغه  
 هم نی رسوا بخلار نصیب ایتی و درک الاسفل غه  
 کیتیب ایش لاری نی بیرکا ییتی .

❖ یست ❖

ذره دین مینک قاتلاکم راکیم قویاس لبق اورسا لاف  
 کیم که بولسا ذره عقلی بیلور کیم دیر کزاف .



وجودی التونی اول قلب و غش دین ایرلیبان  
 سونی جوهری انی کا تاپار تمام عیار.  
 اوچنجی قسمی یو نوع ایشی دا مفرط بی اعتدال لیق دور  
 و اول هم اوج نوع دور.  
 اولخی نوع بو مذکور بولغان اطواردا مفرط  
 بی اعتدال لیق توزماک دور و اول غایت غه جا افراط  
 کورکوزماک که باشی غه سلطنت هواسی بنیاد بولغای  
 و اول باش بو هوا بیلہ برباد بولغای. بو نوع کوب  
 بی خرد نادان لار اوزلارین عزیز و شریف تصور  
 قیلغان ایله قلبان لار شریف و عزیز عمر ترکین  
 قیلدی لار و مذلت و خواریغ بیلہ سیاست داری غه  
 اسیلدی لار. تاج خیالی بیلہ باشلارین ترک ایتی لار  
 و عدم ملکی نینک تخنکاهی غه کیتی لار.  
 ایکنجی نوع بو جماعت دین مقصود راق و بوکروه دین  
 خود پسند راق و متکبر راق اول خیل دور که نبوت  
 دعویسی میدان غه مرکب سوردی لار و بو فاسد  
 خیال قلعہ سی برجی غه علم اوردی لار. شعبده لاری غه  
 اعجاز تهتی باغلا دی لار و بی معنی هرزه لارین وحی  
 کسوتی دا جلوہ بیردی لار هر خان کاذب که بو دعوی نی  
 قیلا کیریشتی انبیا ارواحی دین انکا جزا رسوالیغ لار

دین انکا کوب مذلت یتکای . بو نوع کیشی که انکا  
مونداق بولغای کردار حالا بو دوردا موجود و حاضر  
بار . بو طوردا یانا عزیزلار هم جلوه قیلرلار که زمان  
اعلی تأمل قیلسالار بارین بیلورلار که اگر بعضی  
مذکور بولغان عزیز دین کیچیک بولسا بعضی اولوغ دور  
واکر بعضی ایشلاری اندین اوکسوک بولسا بعضی  
ارنوق دور کیم کوپی کا بو فقیر مظلوم نامقدور  
رعایت لار یتکوروب دور و مقابله دا نامحصور ظلم  
و تعدی لارین کوروب دور و کورماسکا سالیب  
کیچوروب دور . کریم تنکری الارنی انصاف حرمی غه  
خاص قیلغای یا بو مظلوم نی و سایر مظلوم لارنی الار  
ظلمی دین خلاص .

بو مذکور بولغان افعال و مسطور بولغان خصال  
بارچا کیشی قاشی دا اوز محبوبلوغیدین دور و نفس  
شیطانی امری غه مأمور و مغلوب لوغیدین که مجموع  
زمایم افعال مونکا داخل دور و باری نینک رفعی  
شکسته ایک و فتادین حاصل .

❖ قطعه ❖

کیشی که تاپسا فنا کوره سی اوتی غه کذار  
اگرچه ذاتی دا یوز نوع قلب و غش لبق بار .

مجلسی دا اوکنه حکم لار سوار چاغی بار چا اجرای  
 احکام بیر بوداغی . گرفتار مجلسی دین قویارغه سوروک  
 قلیتانی مانع و اگرانی غافل قلیب ایشیک کا یتسا  
 دربانی مانع . مبتلاغه بلایی توشکای که اولومنی  
 کوزی کا توتیا قیلغای اوانوروب بو بلادین سینی  
 قوتغارای دیکانکا جانین فدا قیلغای . اگر قوتولسا  
 روم بلکه فرنک کاجا تورماغای یانا مجلس اگر  
 بهشت بولسا اول یان قدم اورماغای . بو خودپسند  
 بدکردار و بولوند مردار بو پلید مجلسی دا که زندان  
 اندین بنحشی راق و نجسی مجلسی دا که مستراح  
 اندین اریغ راق . اگر ایلائی دین کیکرسا و کینی دین اوزکا  
 ییل سیکرسا اوز قاشی دا محبوب لوغی اول مرتبه دا  
 و اوز افعالی نینک خوبلوغی اوز الییدا اول مثابه دا  
 کیم طمعی بو کیم بزمی داغی حاضرلار و بو افعال  
 و احوالی غه واقف و ناظرلار بو واقع بولغان  
 حرکات نینک هم اونین دلپسند دیکای لار هم رایحه سین  
 دماغ غه سودمند و بو قبایحنی انکاکشی ایسا الماغای  
 و ایسا الغار نینک سوزی کا قولاق سالماغای و ایشیتسا  
 هم مسلم توتماغای . ناملایم ایشنی اوز شریف ذاتی غه  
 یاوومماغای و ناصح غه ایذا و قصد ایتکای و بو نصیحت

بویردا اختصار اوچون اوج قسم غه منقسم  
بولور .

اولخی قسم اولدور که اوز نینک اقوالی و افعالی و اشکالی  
هرنی کیم بار اوزی کا خوب کورونکای اگرچه ایل کا  
مردود بولغای انکا محبوب و مرغوب کورونکای  
انداق که مذکور بولدی و اوراق دا مسطور .

ایکنجی قسم اول دور که جمع حالاتی و ناخوش  
خیالاتی اوزی کا پسندیده و ربانیده و مستحسن  
و خوش آینده کورونکای و اول قبایحی یخشی دیب  
اوگونکای . کریمه ذات اوزین یوسف کنعانی دیکای  
و «انکرالاصوات» اونین یوسف اندکانی الحانی .

ناموزون ایاتین سلمان نینک مصنوع قصیده سی دین  
یخشی راق بیلکای و بی معنی هذیانین جارالله بیتبکان  
کشاف کان قیلغای . حق نینک هیچ امری غه بویون  
قویماغای شیطان نینک بارجا بویروغین بجا کیتورور دین  
تویماغای . اوز الییدا دانا و چین هر نامقبول  
قیلادورغانی انکا مقبول و مستحسن . می غه حریص  
و بد مست و مدمن مجلسی غه گرفتار بولغان نینک  
قوتولماغی ناممکن . نامبارک برمی غه اول که گرفتار  
اولاغای نامعقول حرکاتیدین غری دین بیزار بولغای .



تارتار مائی • بوانینک سوزین رد قیلور اول مونینک  
سوزین هر قایسی سی بتکانور اوز سوزین و اوزین •  
تنبیه ) خود پسند ناخردمند خود آرا شاهد رعنا  
مستغنی مغبون متکبر ملعون شهوت پرست نفس غه  
زیر دست خود پرست بت پرست بو بلالاردین  
نفس نی فنا قوتقارور و بو مهلکه لاردین نجات  
ساری اول باشقارور •

تنبیه ) فنا اعلی غه کوب آیتاق مردود دور و کوب  
ایشیتماک مطلوب و محمود • ایشیتماکی ایل نی تولاقیلور  
و ایتاق خالی ایشیتکوجی و آیتقوجی نینک بودور  
حالی • کوب دیکن کوب یانکیلور کوب ییکان کوب  
ییکلور قالب امراضی نینک ماده سی کوب بیماک دور  
و قلب امراضی نینک ماده سی کوب دیماک •  
کوب دیماک سوزکا مغرورلوق و کوب بیماک نفسی غه  
مأمورلوق آدمی غه بو صفت لار زواید و بارچاسی  
خود پرست لیق غه عاید •

تنبیه ) خود پرست لیق که ارور ماده اربار موند  
داغی تفاوت و مراتب بار • خود پسند که فی  
قیلغانی اوزی کا چوب دور بو ناپسند فعل غه تفاوت  
کوب دور • اگرچه انکا کوب اقسام لازم بولور اما

شدت . ویانا بیر عزیز نفسی غه بی عدد محنت انکلاسا  
 انجا متأثر بولماس که اوزی کا ازکلفت یارجاغه  
 اوزکادین اوزی عزیزراق و اوزکالار سوزیدین اوز .  
 سوزی تمیزراق . عالم بخشی ایغین کیشی اوزیدین  
 دریغ توتماس اما اوزکا کیشی کا یاووتماس .  
 تنیه ) ایرانلار یاسانماغی که نمایش اوچون دور  
 خاتونلار بیرانما کی دور که ارایش اوچون دور  
 اگرچه بو معنی ایکلاسی کا قبیح دور اما ایرانلارکا  
 کوراک موجب تفضیح دور . بارچا اوز نمایش  
 و آرایشی غه علیل و بو اوز قاشلاری دا محبوب لوق غه  
 روشن دلیل . شاعر که هرزه سی کولماک کا لایق اوز  
 خیالی دا سعدی و خسرو غه فایق کاتب که کلاغ پای  
 زاغ ملوث ایاغیدین منکوبراق اوز الییدا جعفر  
 و اظهر خطیدین محبوب راق مصور که موحشی دور  
 صورتی نینک یامانی اوز تصویر دا عبد الحمی دور  
 و مانی مذهب که خطاییسی خطادور و فرنگیسی قلم  
 اهلی تنکی عطار دغه طعن اورمانی دور سوزی نینک  
 رنگی . هریشه ورکه هنری تعریفی دا مبالغه واقع دور  
 اول تعریف فی الحقیقه اوز نفسی غه راجع دور . جدل  
 اهلی نینک مدرسه دا قیل و قالی هم خود پسندلیق غه

## اوچونجی قیسم

( متفرقه فوائد و امثال صورتی . )

جاه استغناسی غه دوا تنکری تعالی نینک ملک و ملکوتی  
نینک ناملی دور و کبر ابتلاسی غه علاج هم اینک  
کبریا و جبروتی نینک تعقلی بولالور . سعادتمند اگر  
عالم بولسا نادان لار سوزی انکا موجب عبرت و اعتبار  
بی سعادت جاهل بولسا عالم سوزی دین انکا عار .  
فی الحقیقه جاهل لیق دین بی سعادت لیق راق اوزکا  
نی نیمه بار . اول که اوزین بیگانکای زهی غباوت  
و اول که اوزسوزین بیگانکای زهی شقاوت . عالم اهلی  
اوزلاری قاشی دا محبوب دورلار و سوزلاری اوزابلای  
لاری دا مرغوب . بشر جنسی بو صفت غه مجبول  
دورلار و نفس لاری بی اختیار بودعوی غه مشغول .  
تنبیه ) اندین که نفس کامی وزر و نفسانیت مقامی  
هیچ کیم اوز کونکلی کا غم تیلاماس و اوز نفسی غه  
الم ایستاماس اما اوزکانینک شریف ذاتی غه صد  
ندامت کورسا انجا تفاوت قیلاس که اوزی کا جزوی

اوی دا تیرب دور اندین نی ایستاین دعا قلیب نی  
 تیلاین الارکه اکاهلیغ تیلائی دورلار منکا مطلوب بیر  
 زمان غفلت دور و اوز حالیم غه ابورولکالی بیر نفس  
 مهلت کیم اینک وجودی تجلیسی صدماتیدین  
 بی تاب و توان مین اول اغیر بوک استی دا خس دیک  
 ناتوان مین که اینک جالی حیرتیدین اوزوم دین  
 خبریم یوق دور و اوزلو کوم دین اثریم یوق . عشق نینک  
 غایتی بو بیرکاجه دور و عاشق غه وصال نینک نهایتی  
 بو سوزنی دیرکاجه دور . عاشق لار که حق الیدا  
 قبول اهلی دورلار بو طریقت اصطلاحی دا وصول  
 اهلی دورلار بولارنی تنکری غه عاشق دیسا بولور  
 محبوب هم و حق غه طالب ات قویسا بولور  
 مطلوب هم . ❖ رباعی ❖

بویورکا یتورسا بندرسین لطف اله  
 تحقیق بیلور هر کیشی کیم باراکاه  
 کیم تاپماس اینک الیدا موجود سواه  
 اول قالدی و تنکری قالدی الله الله .



روح لاری غه کام یوق و حق مشاهده سی دین اوزکا  
کونکل لاری کا ارام یوق . بولار دور عشق دا وصل  
دین کام تاپقان و « عند ملک مقتدر » مقامی دا  
توتقان . بو طایفه نی واصل لار دیب دورلار عشق دین  
وصل مقصودی حاصل .

حکایت) حج شرفین حاصل قیلغان مشایخ و اولیا  
علیهم التحية والدعا عرفات دا مناجات قلیب هر  
قابلی سی بیر مراد ایستارلار ایردی و اوزلاری اوچون  
بیر تیلک تیلارلار ایردی . کوب نینک دعا سی  
بواوردی که الهی ییزکا توفیقینک بیله همراه یغ بیر  
واوز حقیقتینک دین اکاه یغ . قطب السالکین  
و سلطان العارفین عرفان طریق دا اولیادین ممتاز  
شیخ ابو سعید خراز قدس الله سره العزیز اغزی دا  
سکوت مهری ظاهر جمال تجلیات غه مستغرق  
و متخیر توروب ایردی و کوزین اسمانغه اوروب ایردی  
بیر آو دیدی کیم باشیخ دعا بو محول دا مقبول و باری  
مشایخ دعاغه مشغول دور سین ییچون دم اورماس سین  
و دعا رخشین اجابت میدان یغ سورماس سین . شیخ  
دیددی کیم هر نی کیم بو خلایق دعا بیله تیلای دورلار  
بارین مینکا بیریب دور بلکه ارتوغراق کولکوم

صحت تابی و اول سوز تکرار بدین بدنی قوت :

## ❖ بیت ❖

عاشق غه کرچه ضعیف و مرض لیق دورور مزاج  
 معشوق ذکر ی اول مرضی غه ایرور علاج .  
 عشق نینک اوچونجی قسمی صدیق لار عشق دور کیم  
 الار حق نینک تجلیات جالی غه مظهر واسطه سنی دین  
 ابرو واله و مغلوب دو لار و اول مشاهده بخود لوغی دا  
 شعور الار دین مسلوب . شهو ذلاری استغراق غه  
 یتکان و اول استغراق دین استهلاک مقامین حاصل  
 ایتکان . اگر حوادث ییلی سپهر کاشنی اوراقین  
 اوچور سا الار غه اندین خبر یوق و انجم کلبرک لارین  
 هر ساری ساوور سا الار غه اندین اثر یوق .  
 حواس لاری ناکار تجلیات جالی صدمات بدین و شوق لاری  
 نامقدار عشق هجومی غلبات بدین . انبیاء مرسلین  
 یتکان دین نظر لارین مقصود دین المای و ملائکه مقربین  
 اوتکان دین نظر لارین اول ساری سالمای . حال لاری  
 مطلوب مشاهده جالی و اشتغال لاری هم اینک  
 لاحظه صنایع و کمالی وصال می زور بدین  
 کونکل لاری بخود و مست متعاقب تجلیات سطوت بدین  
 اعضا لاری دا شکت . وصل باده سی دین اوزکا

که سوزکا بو ترانه دور و موندین اوزکا بارچا افسانه  
سوز عشق سوزی دور و کونکل دا حیات نشاء سی  
عشق اوزی دور .

سوزکه معیسی دا عشق اوتی نشانی بولساغای  
بیر تحرک سیز بدن انکلا که جانی بولساغای .

حکایت ) مجنون عشق اوتی هجر کزاری غه  
اولاشتی ضعیف بدنی غه اول حرارت دین ایستیه  
شعله سی توانشتی . باری معالجه کیم قیلدی لار سود  
ایتمادی مرض آرتتی و ایستیه کیتادی . چون بیمار  
ایشی نزع حالتی غه یتتی بیر او اول خالدین لیلی غه  
خبر اینتی پری و شنی اول خبر ناشاد قیلدی دیوانه سین  
سورار غه نامه سواد قیلدی . قاصد که اول نامه نی  
مجنون غه یتکوروب بیردی روح دین تنی دا رمق یوق  
ایردی . مهربان لار که نامه نی مطالعه قیلدی لار بیمار غه  
استماعی دین اثر بیلدی لار هر کیم که انی تکرار ایتار  
ایردی اول نفس دین بیمار تنی غه روح یتار ایردی .  
اول دم که ایشی حرز و دعای دین اوتتی معشوق  
نامه سی حرز و دعای یرین توتتی مریض ضعیف دین  
صحت تاپقونجه تکرار قیلدی . چون صحت تاپتی  
بوینی غه طومار قیلدی عشق سوزی دین مرضی

هر بیری نینک عجیب حالاتی و غریب خیالاتی  
 و غایت سیز بوالعجب لار و نهایت سیز رنج و تعب لار که  
 یوز لایب دور اینک اظهاری لازم کیلیب دور . اول  
 جمله دین معشوق حسن و جمالی نینک بی نهایت لیخی  
 و ناز و استغناسی نینک بی حد و غایت لیخی و انداق  
 احوال که مونکا موافق بولغای . اندین سونک عاشق  
 درد و شوقی نینک فراوان لیخی و عجز و نیاز و سوز  
 و کدازی نینک بی پایان لیخی و هر امر که مونکا مناسب  
 دور . یا ناایکلاسی نینک بیر بیری کا امتزاجی ترکیبی دین  
 و اختصاص و ترتیبی دین وقوع تابقان حالات  
 اداسی دا و یوز کور کوزکان مشکلات املاسی دا که  
 هر بیزی دا اگر کتاب لار تصنیف قیلیسا و مجملد لار  
 ترتیب ایتمیلسا هنوز اولجه اینک اداسی نینک حق دور  
 تحریر رقیق کیوورماک و تقریر قلمین سورماک متعسر  
 کورونور بلکه متعذر دور . کاینات بازاری نینک  
 غوغاسی و عنصریات چار سوسی نینک علااسی  
 بو تکلم و ترغیم یله دور . مونسیز انسان کلامی تنی دور  
 جانیسیر و بشر الفاظ و عباراتی چینی دور کل و  
 ریجار سیز . سوز که نظم چاشنی سی دین عبارتی  
 بولغای و نظم که عشق حرارتیدین حرقی بولماغای  
 نورسین شمع بیل و سرور سیز جمع کان قیل . حاصل



الاسلامی حضرت مرشد و مخدومی نور الملة والدين  
عبدالرحمن جامی نور الله مرقدہ دورکہ اگرچہ  
الاروصفی نظم غہ نسبت بیوردين یوقاری راق دور  
اما هر صنف نظم دا بی نظیر ایردی لار و نیجه کہ  
تعریف لاری شعر دا مهارتین تاشقاری راق دور  
ولیکن هر اسلوب شعر دا جهانگیر ایردی لار .  
نظم لاریدا هر شعر بیلہ عشق اوتین عالم غہ  
اوروب دورلار و شعر لاری دا هر بیت بیلہ درد اہلی  
جان و کونکلی لارین کویدوروب دورلار . یانا اول  
حضرت جام محبتی دین درد کش لار و ارشادی  
سلوی دین فانی وش لار کیم درد و عشق طوری  
اداسی دا گفتار لاری ترک اولوسیدا حرارت امیز  
و سارت خیالی دا افتانگیر دور . باری نینک  
غرضی گفتار لاری اشتغالی دین و اشعار لاری قیل  
و قالی دین بو عشق اظهاری دور و بارجانینک شوق  
و عنا بالینی دین عجز و نیاز مندرلیغ حالی و درد و بلا  
چاقینی دین سوز و کداز غہ مباحاتی اوزین بو عشق غہ  
منسوب قیطاق دور بلکه مغلوب بیتاک .

بو عشق عالمی دا عاشق لیق نینک صعب حالی  
و معشوق نینک مفرط وصف جالی و هریری دا

سالماق دور و پاك كونكل اول پاك يوز اشو بيدين  
 قوزغالماق و بو پاك مظهر واسطه سي بيله عاشق پاك باز  
 محبوب حقيقي پاك جىالى دين بهره الماساق . عشق  
 اهلى نينك پاك باز لارى و شوق و نياز ايلي نينك نظم  
 طراز و افسانه پرداز لارى متقدمين دين انداق كه  
 نظم بيشه سي نينك غضنفرى و درد و عشق اتشكده سي  
 نينك سمندرى و ذوق و حال و ادبى نينك پاك روى  
 امير خسرو دهلوى دور كيم پاك نفسى و گفتارى  
 و پاك الفاظ و معنائى ليق اشعارى عشق اهلى  
 اراسى دا غوغا و وجد و حال انجمنى فضا سى دا  
 علا لا مالىب دور . يانا سوزى پاك و كوزى پاك  
 عشق اهلى اراسى دا مجرد و مفرد و بى پاك بو طايغه نينك  
 بى نظير و عدیل طاقى شيخ فخر الملة و الدين عراقى  
 دور كيم عشق صفات يغه متصف دور و لمعات پاك  
 معانى و تراكي غه مصنف . منأخرين دين ايكى  
 عالمى بير داو بيله اويتاغان مسخر شيوه لار پاك بازى  
 و عشق دير فناسى دا حقيقت باده سي دين مست  
 زندلار همرازى شمس الملة و الدين خواجه حافظ  
 شيرازى دور كه دنيى و اخرتى بير اه بيله اور تاكان .  
 پاك عشق لار امامى ملك و ملكوت دا سايرلار شيخ

ارمانیدین رستاخیز توشلانکای و قیامت یوزلانکای  
 کیم جزع اکبر و اویلاسی و اشوب و فزع محشر  
 و شوقاسی الارینک نهادیدین فلک غدارغه میل  
 ایتکای و سپهر دوارغه یتکای . بو حالتی دورکه  
 مونونک شدتی تقریردین ناری و صمودینی تحریردین  
 تاشقاری دورکه مونی کورماکان کیشی بیلاس  
 و مونکا یتماکان باور قیلاس که هجران و فراق عبارت  
 موندین دور . عشقغه مراتب لاردور و اول اوچ قسم  
 بیلا منقسم بولور .

اولخی قسم عوام عشق دورکه عوام الناس اراسی دا  
 بو مشهور و شایع دورکه دیرلار فلان فلانغه عاشق  
 بولوب دور و بو هر نوع کیشی و هر نیچوک  
 کیشی کا بواسون شغب و اضطراب لاری جا لذت  
 جسمانی و شهوت نفسانی ایماس و بو قسم نینک  
 بیک راک مرتبه سی شرعی نکاح دورکه باری خلایقغه  
 سنت دور و مباح پست راق مرتبه سی دا پریشانلیغ و  
 مشوس لیغلار و بی سامانلیغ و نا خوشلیغلار که ذکر  
 ترک ادب دور و بیانی بی حجاب لیلیق لارغه سبب .  
 ایکنجیسی خواص عشق دورکه خواص اول عشقغه  
 منسوب دورلار اول پاک کوزنی پاک نظر بیله پاک یوزکا

عاشق مهجور کوزی روزنی شیشه لارین روزن کوزی  
 شیشه لاری دیک حیران قلیب عشق برپاک عیاری  
 اول روزن یولیدین اوزین کونکل معوره سیغه تاشلار  
 اول معور: دا خراب لبق اغاز قلیب و خرد و هوش  
 خیلی غه قوزغالان سالاباشلار اول معلوم ایماس که  
 حسن سلطانی نینک بو ظالم چاووش پیدادی دین  
 اول ملک اهلی نینک مظلوم لاری نیتکای و حال لاری  
 اینک تشددی صعوبتی دین فی بیرکا نیتکای باوجود  
 بو حال اول کشور نینک اسیرلاری و اول ملک نینک قتل  
 و تاراج کورکان اهل فزع و نفیرلاری اول جلوه  
 می دین مست بی خود و اول جمال نمایشی دین واله  
 و بی خرد بواوب اینک هواسی غه مشعوف و اینک  
 تماشاسی غه مغاوب بولورلار ایمدی کیم اول کشورنی  
 تسخیر قیلدی و اول ملک ایلین یغما و اسیر ایتی .  
 یانا اول سلطان جلوه کاه قضا ارمی دین خلوتگاه خفاسی  
 حرمیغه میل ایتیب . همول نور و ظلمت پرد لاری غه  
 بوزلانسه و جمال قوباشین همول شب اندود نقاب  
 سحاب لاری غه یاشورسه بو ترکاز تاپیب مسخر بولغان  
 ملک اهل یغمه و بو قتل و تاراج کوروب بوزلغان کشور  
 ایلی کا اول تماشا حرمانیدین و اول نظاره امتدادی



بیری فرهاد دور و صحرای جنون نینک زبون لاری دین  
 بیری مجنون • شبستان سوداسی دیوانه لاری دین بیری  
 پروانه و گلستانی هواسی ناشکیب لاری دین بیری  
 عنایب دیوانه • اشکاء خراقی کرم رولاری دین  
 بیری خسرو نامی و میکده دردمندانی نامی لاری دین  
 بیری جای نور مرقدہ نورا و وفقنا الله طریق شمارهم  
 واهدنا لسوکه اثارهم •

### ❖ بیت ❖

که تابواغای بولار بیربیرلاری بیرلا قرین بولسون  
 سمندرلار کیمی عشق اونی ایچرا هم نشین بولسون •  
 بو تعریف قیلغان عشق و بیان ایتمکن اهل عشق  
 معشوق وجودی بیرلا قائم دورلار و بو ادا تابغان  
 حالاتغه منسوب لوغ لاری دایم • اول معشوق عبارت  
 حسن دین دور کیم « ان الله جیل یحب الجمال » اندین  
 خبر بیرور کیم عشق بو اعتبار جلالی بیلہ و بو اختیار  
 استقلالی بیلہ حسن سر پرده کبریا و بارکاء استغناسی  
 تیکراسی دا بیر بنده چاووش و بیر کینه حلقه بکوش  
 دور کیم هر قاچان حسن سلطانی محبوب لوق نقاب  
 لاری دین و مستور لوق حجاب لاری دین چیقماق اسبابین  
 توزنا و ظهور تجلی سی بیلہ جلوه کور کوز سا اول نور

چو موركان و ناغی دور رفیع هر تیغی مینك تقوی  
 باشینی او جورغان . شعله دور سوزنده خاشاکی کوب  
 جان و کونکل بولغای و برقی دور فروزده کوب جان  
 و کونکل اشعه سی کول قیلغان . اردهایی دور خونخوار  
 عالم نی دم بیه تارنامق انکا کام پادشاهی دور قهار  
 کامی هر دم عالم اهلی غه قتل عام . هر نیجه ظلم قیلغان  
 سایی انکا اوسانمق بوق و هر نیجه قان قیلغان سایی  
 انکا قانماق بوق . صاعقه دور عقل و دین خرمنین  
 کویدور کوچی و صرصری دور الارینك کولین کوکا  
 ساورغوجی . عنادی الیدایتینك هم پادشه هم کدا  
 بیدادی قاشی دا بیر هم فاسق و هم پارسا . عاشق  
 کونکلی کا معشوق هواسین سالغوجی همول بیر جلوه سی  
 بیه نقد حیاتین الغوجی همول . عاشق مونداق  
 بلانینك کرفتاری و مونداق افتنینك بی اختیاری  
 مونداق طوفانینك غریقی و بو نوع صاعقه نینك  
 حریق و مونداق غدار پیرزادینك مقتون زونی  
 و بو نوع دیو کردارینك مجنون و مونونك دیک  
 اشوب نینك شیفته سی و بویانکلیغ قاتل نینك فریفته سی  
 بو طور خوزیزینك هلاکی و بوتورلوك بلا انکیز نینك  
 دردناکی . عشق کوهستانی بیدادی نینك ناشادلاری دینی

خوار اونك كوزنى عزيز بيلكاي و بو خوار و عزيز  
 اراسيدا تميز هم قيلغاي انكا رضا شرطى اولدور  
 كه امرغه اطاعت قيلغاي و مأمور بولغانغه اظهار  
 طاعت . بو شيرين ميوه ولايت باغى شجره سي دين  
 بولغاي و بولذيد فاكهه هدايت شجره سي نينك ثمرى  
 بولا الغى .

### ❖ بيت ❖

ولايت لاردا بولغاي ميوه لار كوپ ط و عم حالت ليق  
 ولى قابى ولايت ايجرا بولغاي . و نجا لذت ليق .

### اونونجى باب

( عشق ذكرى دا )

عشق اخترى دور رخشنده بشريت كوزى نور  
 و ضياى اندين و كوهى دور درخشنده انسانيت  
 تاجى نينك زيب و بهايى اندين . مهرى دور طالع  
 محزون خاطر لار خارستانى اندين كلشن و بدرى دور  
 لامع تيره كونكل لار شبنمانى اندين روشن . بحرى دور  
 و سيع هر ايكريمى بوز عقل و هوش كيمه سين

## ❖ بیت ❖

راضی اولغای کر یامان کر یخشی بولغای جلوه کر  
صنع کلکی دین مصوردور چوهر یانکلیغ صور.

( حکایت ) ولایت در یاسی نینک کوهری و هدایت  
سپهری نینک اختر ی اسد الله انغالب امیر المؤمنین  
علی ابن ابی طالب رضی الله عنه و کرم الله وجهه  
رضا مقامی تعریفی دا و سالک نینک راضی لبق غه متصف  
بولغائی توصیفی دا ورق یوزی کا معارف نکار خامه  
اوروب دور بو نوع دقیق نکته سوروب دور کیم رضا  
مقامی غه کمال و اوز جفا سین حق رضاسی غه موافق  
قیلغانغه حال بو دور کیم اگر دیسالا ر کیم سول کوزونک  
خانه سی خیر ایشیکی کا مکان بولسون و اول باشغه  
اچیلور بایله لوردا اول مکان دا ایورولستون ایشیتکوجی  
عین رضادین اوز شانین اونوتماغای و غایت تعظیم دین  
اونک کوزین اول خدمت او چون ایله کاری توتماغای  
اگر مونداق قیلسا اولجه انکا قضا دور انینک مقابله سی دا  
هم فضول لوق هم عدم رضا دور . رضا مقامی دا  
اوزین نابود و فرمان بردار لبق دا اوزلوکین ناموجود  
قیلغانغه بو وجود قایدین کیلیدی کیم سول کوزنی



و فرعون ذمی دا داغی مبالغه کور کوز ما کای .  
 خلیل الله اکاه پيله نمرود مردود اراسی دا مخالفت ایشیکین  
 رست کور کای و موافقت رشته سین درست . افرینس  
 باغی دین اگر ایاغی غه تیکن سانجیلسون و اگر باشی غه  
 کل سانجیلسون چون باغبان چن آرا رضا و اختیاری  
 بيله دور نی اول بیر دین ایاغینی ییغیش تورغای و نی  
 بو بیر دین باشین یاشورغای . دوست رضاسی غه  
 جان فدا قیلغای و اگر یانا جان تیلاسا اینک او چون  
 بولغای که مونینک شکرین ادا قیلغای . تیریک لیک نی  
 اینک رضاسی او چون تیلا کای و اولوم دا اینک  
 رضاسین تاپسا جان بیرب ایستاکای رضاسین حق  
 رضاسی بیلش بولغای و مرادین اینک خواستی دا  
 محو قیلش بولغای و اوزلوکی دین خبر قالمامیش  
 بولغای و اوزی کا اوز رضاسی دین اثر . حق دین اگر  
 غفارلیق یتار اینک مرغوبی و اگر قهارلیق ظهور  
 یتار هم اینک محبوبی . نیش یتسا زخی غه مرهم  
 و اگر مرهم یتسا باغری زخی غه هم مفتنم .

## توقوزونجی باب

( رضا ذکریدا )

رضا اوز دلخواه و رضاسی دین کیچماک دور حق سبحانه  
و تعالی رضاسی جامین لاجرعه ایچماک . اوز کونکلی  
بیلاکان لار موتی عزاسین فرض بیلاک و محبوب  
حقیقی . رضاسی بیله تیر بیلاک . بو مقام دور سالک نینک  
اعظم مقاماتی و ارفع درجاتی نیوجون که سالک  
بیاید دا مسکنت و حقارت مقامی دادور حقیر نینک  
رضاسی و مطلوبی هم حقیر بولور چون اوز رضاسین  
بالکل فنا اوتی غه آتی و حق سبحانه و تعالی  
رضاسی بیله اوزین توزاتی ماسوی الله لوئی  
عاری دین قوتولدی و المتخلق باخلاق الله صفتی  
بیله متصف بولدی . عجب مقامی دور که اگر بو  
کارخانه دا خطایی نقشین کورسون و اگر اسلامی  
بارچانی نقاش نقشبند خامه صنعی دین مصور بیلاکای و  
هر بیرینی اوز بیریدا بی نظیر تصور قیلغای . روضه  
خلدی دین کوب شاد دوزخ دودی دین کوب تیره نهاد  
بولماغای . کلیم الله مدحی دا مبالغه ترانه سین توزماکای

و شیدالیق غه باش چیقاردی اطفال قاووب تاش  
 اورارلار ایردی و کوچه دین، کوچه غه سورارلار ایردی  
 اینیک اغزی دا شهزاده اتی مذکور و کونکلی  
 اینیک ذکر ییله مسرور، چون اطفال تاشی دین تو بار  
 ایردی قاچیب کلخن غه یوز قویار ایردی . چون  
 کلخنی "مجنوننی شهزاده عشق مشهور ایتی بو سوز  
 شهزاده قولاغی غه هم یتتی انداق که پاك عشق  
 بالخاصیه معشوق کونکلی کا جاذب بولدی شهزاده  
 پریوش دیوانه سین کورار کا راغب بولدی سیر  
 اثناسی دا مرکب نی اول کلخن ساری سوردی . چون  
 دیوانه نامراد بو مرادنی کوردی نظاره و توجهی  
 انداق بخود لوق غه اولاشتی کیم کلخن اوتی  
 باشدین ایاغی غه توتاشتی . اول نظاره دین بی خبر  
 ایل یتیب اوتین اوچور کونجه اندین نی خبر قالدی  
 و نی اثر . شهزاده قاتل دیوانه سی حالیدین بیغلاب  
 غصه یوتنی طرفه کور کیم اوزی اولتوروب  
 اوزی عزا توتتی .

❖ بیت ❖

مجازی عشق دا مونداق توجه ایله خیال  
 کر اولسا عشق حقیقی دا کورنی بولغای حال .

انکا بیر زرافشان کاغد ماوی برق حوادث انکا  
 ییل اوچورغان بیر ساریغ کل یافراغی بیله مساوی .  
 مهر منیر الییدا ذر دین حقیر و خاکسار بحر زخار  
 نظری دا بیر قطره دین بی مقدار یعنی اول توجهی غه  
 مانع ممکن بولماغای و اول نظارسی شمله سی دریالار  
 سویی بیلا ساکن بولماغای . بو مقام سالک نینک  
 صدق غه دال دور و اخلاصی غه کواه حال و داغی  
 عاشق لیق دا یکدل ایغی غه دلیل بی اشتباه . یک روی  
 و یک جهت لیک کا کواه صادق و شوقی غایت سیر  
 ایرکائی کا و محبتی نهایت سیر ایرکائی کا دلیل موافق .

❖ مشق ❖

توجه بیرلا هندو سعی ایتار چاغ  
 توشورور کوک ییغاج دین تازه یافراغ  
 کشف ایلاب توجه بیضه سیغه  
 یارار کوز بیرلا باسای کاسه سیغه .

حکایت) بیر کلخی محنت کش کونکلی کا بیر شاه زاده  
 خورشید و ش عشقی حرارتی توشتی و اول حرارت  
 دین قانی قوروشتی و روحی مفارقت نیرغه  
 یا ووشتی . خرد متاعی ایلکی دین باردی و جنون



## سیکیزینجی باب

( توجه ذکری دا )

توجه حق سبحانه و تعالیٰ غه یوزلاماک و اول یان  
ایلاماق دور و خلق دین تعلق تارین اوزوب انکا  
اولانماق دور . جیع ارزو دین چیقماق که حق نینک  
غیری غه ایلامدورغای و ما سوی الله اشتغالی غه  
چیرماندورغای . انداق که دنیا و آخرت سعادتین عرضه  
قیلسالار و صدیق و پیغمبرلار مراتبین جلوہ بیرسالار  
سالک اول یان نظر اوقین اتماغای و کونکلی کا الار  
رد و قبولین . مطلقا یا و و تماغای . اگر توجه دا یوزی کا  
اوقلار کیلسا کوز یومماقنی اونوتقای اگر بیر کوزین  
اول اوقلار ضایع اینسا یا نا بیرنی ایلکاری توتقای  
اگر اول نظاره دا تاش یا غسا باشین یا شورماغای  
وانی محافظت قالفانیغہ قاچورماغای . اگر الیدین شیر  
ژبان یوزلانسا انکا مورچه کیلماکای یا مان اگر پیل دمان  
اوچراسا اول همان بولغای و پشه همان . سیل بلادین  
توجهی ورقی غه نم بیتماکای و صرصر افت بیرتار  
موین خم ایتماکای چرخ غدار فتنه لبق نجومی بیلا

و مین باشوردوم . مین که باشوردوم تاجدارلیق  
 منکافریب بولدی اول که اشکار اینتی دارغه تاج  
 اولماغلیق انکا نصیب بولدی . اول هنوز خام ایردی  
 و بو معنی دین خروش قیلوری بی هنکام . ایشیتکوجی  
 ابا اینتی و انکا یتتی اولچه یتتی . مین اول سوزنی  
 انجمن دا اظهار ایتارمین و اظهار ایتار  
 و تکرار ایتارمین هیچ کیشی منکا نیمه دی الماس  
 و دیماس کیم سوزوم نینک اگرچه معنیسی اول دور اما  
 صورتی اول ایماس کیم صورت اهلی صورتغه نظر  
 سالورلار و معنی اهلی معنی دین بهره الورلار . الهی  
 بو اگاهلار ایاغی نینک توفراغیدین بیر کمره لار تیره  
 کونکلی کا اچوغلوق یتکور و قارارغان کوزلاری کا  
 یاروغلوق یتکور .

### ❖ یت ❖

همول کمال الجواهرنی کوزومکا توتبا ایلا  
 اول اکیر سعادتنین وجودوم کیمیا ایلا .

اصلی طلبی دا قدم اور ماق • اوز و یاتدین بیکانه  
 بولماغونجا بو محبوب بيله اشنا بولسا بولماس و بود  
 و نابود دین خالی بولماغونجه بو حیات زلایدین  
 تولسا بولماس • بودریاغه کیرکان کوهر مقصود تیلاسه  
 دم اسراماق کیراک و بو حرم غه یول تابقان  
 محرم ایق تیلاسه دم اورماماق کیراک • شاه رازین  
 اسراماق دا تیلین تیمخان نینک باشی باریب دور و  
 غیرت و سیاست تیغی ایننک نهادی دین دمار چیقاریب  
 دور • بومی ایچکان دین کیفیت اظهاری کونکل بی تاب لیغی  
 دین دور و بو باده بدمست لیغی نینک شراب لیغی •

### ❖ رباعی ❖

میخانه دا جمعی که ایرور باده پرست  
 ظاهر می ایچکان دین اولور بدمست  
 مینک دین بیر ایماس بومی حقیقت می دین  
 ایچکان اتی اخسوملاسا تانک یوق پیوست •

حکایت) مقرب حضرت باری خواجه عبدالله  
 انصاری قدس سره دیدی کیم اول تکلم غه که  
 تصور دم اوردی مین هم اوردوم اول آشکار اینتی

## یتینجی باب

( ذکر شرحی دا )

ذکر کونکل بیله حق یادی اشتغالی دوز و تیل بیله  
 داغی هم اول تکلم مقسالی و بعضی تیل کا اول  
 امر دین معزول لوق دیب دورلار و کونکل کا  
 مداومت و مشغول لوق . کونکل حق یادی بیلا  
 توملاق دور و اینک غیری خیالی دین خالی بولماق .  
 اول مشغول لوق غه ما خلق الله فناسی دور و  
 ما خلق الله خالقینک بقاسی و نفی کله سی بیله که لاله  
 بولغای ماسوی الله نی اونوتماق دور و اثبات کله سی  
 بیله کیم الا الله بولغای کونکلنی اووتماق و مشغول  
 توتماق دور و اینک نهایت مرتبه سی ذاکر مذکوردا  
 نابود و یوق بولماق دور بلکه ذکر ذاکر و مذکور بیر  
 اوق بولماق دور اندا تیل کا کلکل یوق و تقریر و بیانغه  
 مدخل یوق . نی لسانغه تکلم دین خبر و نی بیانغه  
 ترغ دین اثر بو حرم غه کلی محرم بولماغلیق نفی خواطر  
 دور و افنای موجود و ناموجود و غایب و حاضر .  
 اوزنی بود و نابود خیالی دین قاچورماق و مقصود



اکاه . غافل جهل یوزیدین خودپسند اکاه تواضع  
 و ادب زیوری دین ارچند بیرینک اسمی مدبر  
 جهان کرد و بیرینک اتی مقبل جوانمرد . اول  
 بیابان داغی یواغه عازم و شهر ساری بارورغه جازم  
 پویه نما و دشت پیا اوردی لار . چون در طلب ایلار  
 ایل کا یاووشتی لار اول خیلنی باشلاب چیققان  
 تن کا یولو قوشتی لار مدبر تکبر بیله انکا باقای اوتتی  
 مقبل انسانیت طریقین ایلاکاری توتتی و اول سالارغه  
 ادب و تواضع بیله باش ایندوردی ایاغی استی دا  
 کوهر خود توشکان ایرمیش کوردی . الیب او پوب  
 اول سالارغه توتایردی . اول خود موعود صله  
 نینک و کیلی اوردی مقبل نینک ایلیکین توتوب  
 شهرغه قایتتی و اوتکان حالاتنی خسرو قاشی دا  
 شرح بیله آیتتی . خسرو خوشحال و منبسط بوالدی  
 و انینک عذرین دیکاندین ارتوق احسان بیلا قولدی .  
 مدبر تکبر نتیجه سی دین شهر کلخنی دا ارام توتوب  
 مقبل ادب و تواضع فایده سی دین کوهر مقصود  
 تایب شاه کلشنی دا مقام . ❖ بیت ❖

متکبر کیزبیان شهردا خوار و مردود  
 متواضع نی غنی ایلادی در مقصود .

او چون بولسا انعظیم لامر الله سعادتى حاصل  
 واکر خلق دوستلوغى او چون بولسا و الشفقه  
 على خلق الله دواتى واصل . بوعالى مرتبه غه  
 و شایسته و لابق موفى دور ذاتى فقر دواتى غه ملايم  
 و موافق يوق که منکبر و خودپسند و جاهل  
 ناخردند . ❖ پیت ❖

عقل و حکمت ایشى دور بیلا معاش و این  
 قایدا تاپقاي مونی هر نفس پرست خودین .  
 حکایت) اخبار راوی لاری و اثار حاوی لاری مونداق  
 روایت قلیب دورلار که بیر آو هنگامه سی غوغاسی دا  
 و چاپماق و اتمانق اراسی دا خسرو پرویز نیک  
 سرافرازلیق تاجی دین بیر کوهر ابدار و در شاهوار  
 اوزلوب بیرکا توشی آو اشتغالی دین انکا و هیچ  
 کیشی کا خبر بولمادی آودین مداین غه قابتی لار . اول  
 ایشنى بیلدی لار خلایق نی منادی بیله چیقاردی لار  
 و اول کوهر نیاب نی تیلای باردی لار . چون اول  
 زیب تاج ملک خراجی ابردی تاپقانغه کوب نیمه  
 و کرامند صله وعده بولدی . خلق اول بیابان دا  
 کوهر جست و جویی دا و صله سی ارزوسی گفت  
 و کویی دا اتفاقا ایکی همراه بیرى غافل و بیرى

اوشاغ لارنى كوزكا اولوغ قیلور اطراریدین خلق  
اولوغ لوغ بیلور خلق جانبی دین بی حرمت بلغ ایشیکین  
باغلار و کیشی نی خلق هزل و استخفافی دین سافلار.  
طبیعت غه انسانیت طریق دا اندام بیور و مزاج غه  
ادمی لبق منزلی دا ارام . کیچیک لارکا کیم اندین مونجا  
نتیجه بولغای اولوغ لار غه کور کیم مونجه نیجه بولغای  
محبت غه زب و پیرایه ادب دین یتار و مودت غه  
رونق و بها ادب ترکی دین کیتار ادب و تواضع دوستلیغ  
کوزکوسی کا جلا بیور و ایکی جانب دین یاروغلوق  
یتنکورور . تواضع و ادب اهل غه تعظیم و حرمت  
یتار اول دانەنی ایککان بو محصولی جمع ایتار .  
خلق اصطلاحی دا حمیده اخلاق ابتداسی بو خصال  
دور و بورسوخ تاپسا محبت اختلالی محال دور  
ایکی جانب دین اگر خلق کریم بولغای ادب و تواضع  
مقابله سی دا عزت و تعظیم بولغای . خوشا بو نوع  
احباب اراسی دا صحبت و بوطور اصحاب اورتاسی دا  
مودت و مونداق اهل محبت و وداد و خل محبت و  
اتحاد . اگر ظاهر دا دوستلوق صفاسی اوچون دور  
دنیا دا کامکارلیغ دور و اگر معنی دا تنکری رضاسی  
اوچون دور آخرت دا امید رسته کارلیغ دور اگر تنکری لبق

## التنجی باب

(تواضع و ادب ذکریدا)

تواضع خلقنی کبشی محبتی غه شیفته قیلور و اولوسنی  
 فاعل وودتی غه فریفته دوست لیغ کلشی دا نصارت  
 کل لاری اچار و اول کلش دین انس و الفت بزمی دا  
 تو اولو کل لار ساچار . متکبر دشمن غه . ولایت ساری  
 یول کور کوزور و معجب خصم خاطری غه انسانیت  
 ذوقین او انور غوزور . تکراری حیا سیر مدعینی اویات  
 سرحدی غه باشقارور و تعدادی انصاف سیر عدونی  
 یامان لیغ دین او تکرارور . اگرچه بارچه ایل دین خوب  
 دور و بای خلاق دین مرغوب اما سرافراز لاردین  
 خوبراق دور و بی نیاز لاردین مرغوبراق . انای جنس  
 دین بیر بیریکا مستحسن و اکا بردین اصاغر غه احسن  
 سخا قیلای ایلنی شاد قیلور و عطا کور کوزمای  
 کبشی نی غم دین ازاد ایلار . ادب کیچیک باشلیغ لارنی  
 اولوغ لار دعاسی غه سزاوار ایتار و اول دعا برکتی  
 بیله عمر دین برخوردار . کیچیک لار مهرین اولوغ لار  
 کونکلی کا سالور و اول محبت کونکل دا مؤبد قالور



بیر اوشالغان درم چیقاری جمعی که انی کوردی لار  
ایش کیفیتین سوردی لار . اولجه جوابی دین مفهوم  
بولدی بو حالت . معلوم بولدی کیم سیاستی نینگ  
هنکامه سی دا منظوری حاضر ایرمیش و بیرکوشه دین  
انینگ حالی غه ناظر ایرمیش انکا تیکرو که اول بیداد  
ستم تیشی استیدا ایرمش اول درم عذاب اعتدال دین  
اوتاردا درم غه تیش برکتور ایرمش و تیش زخیدین  
اول درم نی پاره پاره اوشاتور ایرمیش و منظور ناظر  
البیدا صبر و تحمل قبلور ایرمیش و انینگ نظاره کر  
ایرکانین بیلور ایرمیش . منظور چون بو حالی  
بیلدی مهر و شفقت بیله باشی غه کیلدی یومشاغ سوز  
بیله یاره لاری غه مرهم بینکوردی و چوچوک تیل  
بیله مجروح تی غه جان کوردی . خیالی غه کیچماس  
دولت غه سزاوار بولدی و کانی غه اوتماس سعادت غه  
کامکار . بو بارچا اول شدت داغی صبر و شکیباییغ  
نتیجه سی ایردی و اول صعوبت و شدت دا تحمل  
دین اوزکا انکا دست بیردی .

### ❖ بیت ❖

کیم که بیر شدت ارا صبر و تحمل ایلادی  
بخت انینگ نشنی نوش و خارینی کل ایلادی .

و صوبتی حلی غه کاملار دینیری محمد عربی

❦ بیت ❦

عجب رنجی که اندین صعب یوق رنج  
ولی چیککان کیشی نینک بهره سی کج

( حکایت ) بیر ناتوان کونکلی کا بیر کلهذار خار خاری  
بولدی و اول تهمت بیله زندان گرفتاری بولدی .  
اول ایش اقراری اوچون انکا قیلانغان عذاب  
قلامای اما اول مخفی سرین کونکل دین نیمه تیل کا  
سالما دی . عاقبت بیر کون عسس لار باردی لار وانی  
زنداندین سودراب چیقاردی لار باش باغ دین تارتیب  
اوزاتی لار و بیر قوجاق ییغاچنی اینک اعضاسی دا  
اوشاتی لار انداق که باشدین ایغی جراحت بولدی  
وباری اعضاسی نینک تیرسی سویولدی تاباغ اعضاسینی  
انداق افکار قیلدی که قانی اول معرکه نی لاله زار  
قیلدی مظلوم مطلقا دم اورمادی و اقرار تکلمین  
تیلی کا سورمادی چون تعذیب شدتیدین هاردی لار  
اول مجمع دین سودراب چیقاردی لار و نو میداغ دین  
قوا بیردی لار و انصاف عالی دا محق ایدی لار .  
چون جفایشه لار بیراق باردی جفاکش اغزی دین

پژمرده اما سونکی دا صحت واصل . عشق اهلی  
 ذکر دین متغیر ولیکن غایتی و صلغہ امیدوار لغ  
 ہجر اہلی بادی دین متغیر ولیکن نہایتی .  
 اتصال غہ کامکار لغ . قفسی دا جان بلبل غہ نی  
 خوش لوق سود ابتیب نی نوا و الحان مجلسی دا  
 روح نینک طوطیسی غہ نی سکوت نفع یتکوروب  
 نی فریاد و فغان . صحرایی دا فراغت همان واضطراب  
 همان بیداسی دا درنگ همان و شتاب همان .  
 سوختہ فراق اولما کدین انکا غم بوق و غم اندوختہ  
 اشتیاق کوئما کدین انکا المیوق ہجر شامی دیک تیرو اوزون  
 اما غایتی صبح وصال حج یولردیک قاتیغ و بیراق  
 اما نہایتی کعبہ اقبال . ہر گرفتار غہ کہ اول نابود  
 حیاتی اندین بری و ہر امیدوار غہ کہ اول ناموجود  
 روحی اندین سپری . عاشق لار غہ مرضی دور قاتل  
 و بیمار لار غہ زہری دور ہلاہل . صحیح اینک صعوبتی  
 دین بیمار حواس اینک عقوبتی دین ناکار . روح  
 یشی اتی تارتاردا تعلل کونکل اینک قاتیغ لبغی  
 دین بی طاق و تحمل . بولی با-یہ سی دا ظلمات  
 افات حضر دیک اتی قطع قیلغانغہ بہرہ ذلال  
 حیات . شدتی یوکی کا حامل لار دین بیری ایوب نبی

## یثینعی باب

( صبر ذکریدا )

صبر اوزنی چیقارماق دور حظوظ نفسانیدین  
و تنعمات جسمانی دین و نفسنی حبس قیماق دور  
عبادات محنتی دا و قدمنی ثابت توتماق دور ریاضت  
صعوبتی دا . حق یولی دا قاتیغ ایریک کا توزماک  
دور یخشی یامان دین هر نی ایشیتکان کورکان کا  
تحمل کورکوزماک دور . اجیغ دور اما سه ودمند  
قاتیغ دور اما دافع کزند . قایسی نامراد ایلیک صبر  
ایشاکی کا اوردی کیم مراد تاپمادی و قایسی کرفتار  
کونکل صبر بندی غه قویدی کیم کشاد تاپمادی .  
فرج لار مفتاحی دور و بندلار فتاحی دور . رفیق دور  
صحبتی مل اما عافتی مراد غه قرین لبق و حریف دور  
امیدی اوزون اما نهایی مطلوب غه همنشین لبق  
سمندی دور کاهل خرام اما منزل غه ینکور کوچی  
و بختی دور ثقیل کام لیکن مأمن غه توشور کوچی .  
ناصر تلخ کفتار دیک طبع اندین ازده لیکن ضمنی دا  
مقصود حاصل طیب اطلی الالاج دیک مریض اندین



کورکوزور ابدی بو قناعت نتیجه سی « عز من قنع »  
 حکمی بیله اول بیرکایتی کیم هراة دارالسلطنه سی دین  
 سلاطین مسند نشین و علماء دین و مشایخ اهل یقین اوج  
 شرعی یولنی اول بزرگوار خدمتی غه بارور ابدی لار  
 و استانی توفراغین اویماک بیله تفاخر باشین فلک دین  
 اوتکارور ابدی لار اول زراعت نانی دین و اول  
 فواکه خوانی دین هر نی ایلک لاری کا توشسا  
 کوزلاری کا سورتوب قویون لاری غه سالیب تبرک  
 اوچون شهر غه عیال و اطفال لاری اوچون کیتورور  
 ابدی لار و اندین ییکان لار آخرت نجاتی غه هم  
 امیدوار بولور ابدی لار قناعت . نتیجه سی موندین  
 کامل راق از ظهور قلیب ایرکین و خرسندلیق باغی  
 نینک ریاحینی موندین طراوت لیغ راق کم اچیلیب ایرکین .

❖ قطعه ❖

جهان ایچرا کوب صنع کورکوزدی صانع  
 ایماس دور کیشی طرفه انداق که قانع  
 کیشی دین طلب سیر غنا حاصل ایماک  
 یانا جود غه بولسا ماق هیچ مانع .

توامان دور اول موندن یامان و بواندین یامان  
ایکلاسی یاماندین یامان . پیری لئیم و پیری مدبر  
ایکلاسی نینک حقیقتی بیر . مخبر صادق صلی الله علیه  
و سلم مونکا موافق دیب دور قانعنی عزیزغه و طاعنی  
ذلیل غه نسبت بیرب دور .

### ❖ رابعی ❖

هر کیم که قناعت طرفی نسبتی بار  
بار چا ایل ارا تواضع و عزتی بار  
اول کیم طمع و حرص بیله الفتی بار  
بخشی یامان ایچرا ذلت و نکبتی بار .  
( حکایت ) کاشف اسرار الهی شیخ شاه زیارتگاهی  
قدس الله سره عبادت فراغتی اوچون قناعت شعار  
قیلیدی و زیارتگاه قصبه سی دامسکن اختیار قیلیدی .  
اولوس نذر و هدیه سین پروا قیلادی و سلاطین  
انعام و سویورغالین که زکا ایلما ی محقر موروثی  
محوطه سی غ اشجار تیکتی وایکین ایکتی اوز مبارک  
ایلیکی بیله ایکین سوارورغه بیل اورار ایردی و اشجار  
زبیدی غه نیشه واره سورر ایردی بونوع قناعت  
بیله ماش نوزوب تنکی نینک عبادتی غه اشتغال

قیلسانک ییری بار . حصارى دور که اندا کیرسانک  
 نفس شربیدن قوت و اورسین و کوهساری دور که اندا  
 چیقسانک دوشمن و دوست دین مستغنی بولورسین  
 افتاده لیغی دور که نتیجه سی سرافرازلیغ نیازمند لیغی  
 دور فایده سی بی نیاز لیغ . تخمی دور بری غنا و شجری  
 دور ثمری استغنا می دور اجیع اما انشاء سی طرب انکیز  
 بول دور قانغ اما منزلی فرح امیز . قناعت دا نیجه  
 کیم فراغ بال عکسی طمع دا رذالت و نکال . خدیس  
 طبع غه دوستی دور لثیم وش کدا شیوه لیک و رذالت  
 ایندک طور یغه خوش . موافقی غه اثر خوار لیغ  
 مناسبتی غه بهره سبکبار لیغ هر طبع غه کیم اول موجود  
 بولدی اول کیشی اولوس طبعی غه مردود بولدی .  
 لثیم لبق و رذالت غه کال اندین آدمی لبق و انسانیت غه  
 زوال اندین . اوتی دور ناموس اوین کوی دور کوچی  
 ییلی دور عزت خرمین ساوور غوجی و وقار شمعین  
 اوچور کوچی طمع انعام غه انداق دور که شره طعام غه  
 اول ییری دوزلار حرکاتی بو بیری بهایم صفاتی .  
 قناعت جوهری دور که ابائی مونداق ایکی بلادین  
 اونکارور و مونداق ایکی ابلالادین قوتقا ور  
 و بوا یکی ذمیمه فعا که یامان دور کویا ایکی ناخوش

## تورتونجی باب

( قناعت ذکرى دا )

قناعت عبادت قوتى حاصل بولغونجه قوت بيله  
 اوتكارماكدور واندین ارتوق بارجا نیمه نینک هوسین  
 خیال دین کیتارماكدور و بی نوالغ بيله نفس نی  
 ازرده توتماق دور و محروم لوق بيله قوای شهوانی نی  
 پزمرده توتماق . قناعت چشمه دور که سویی الماق  
 بيله قوروماس و مخزن دور که نقدین سایغاماق بيله  
 اوکسوماس . مزرعی دور که تخمی عزت و شوکت  
 بار بیور و شجری دور که شاخی استغنا و حرمت  
 ثمر کیتورور کونکل کا اندین اچوقلوق فایده سی  
 یتار و کوز اندین باروغاوق نتیجه سی کسب یتار  
 قانع درویش نینک قوروغ نانی طامع شاه نینک  
 خطایی خوانی دین خورانی دور و فارغ فقر اندیش  
 نینک باوغان اوماجی الغوجی غنی نینک نباتی کلاجی  
 دین مرغورانی . شاه اولار که الماعی و تیرکای کدا  
 اول دور که ساجاعای و تیرکای . اول که قناعت غه  
 معتاد بولدی . شاه و کدا ترددی دین ازاد بولدی .  
 ممش اوی کرچه بو اور تار اما هر نیمه مباغنه



و اوزولمای دور ارتوق شرایی تاشلا . مرید دیب دور  
 تاشلامای چارم یوق ایردی ضرورتدین تاشلادیم  
 و کره بیله بارور ایردیم بولدا ناکاه نعلینیم شرایی  
 اوزولدی توروب ایلک اوردوم که انی نعلین دین  
 سوغوروب تاشلاغای مین و شیخنی اول امردا طعن  
 قیلغای مین کوردوم که نعلین یانی دا بیر شرک  
 توشوب یاتور . مین نجب یوزیدین اول شرایی  
 نعلین غه تارتیم و شیخنی ایربشتیم هر قاچان نعلین  
 شرایی کا احتیاج واقع بولسا ایردی ههول دستور  
 بیله مهیا شرک ظاهر بولور ایردی . بوایش دا مینینک  
 توکلوم درست بولدی . توکل اهل حق بولین بو  
 نوع باریب دورلار و ایندک غیری غه توسل خیالین  
 کرنکل دین چیقاریب دورلار .

✽ قطعه ✽

توکل چون درست ایرمای محل دور  
 انکا نعلین نینک ارتوق شرایی  
 درست اولغاج ییغیلسه کنج قارون  
 یوق اول دم راه رونینک هیچ باکی .  
 الله ولی الهدا .

چو ب دورلار روزی ینکور کوجی حقنی بلیب  
دورلار . اتی ینکور کوجی هم اتی عقیده قلیب دورلار  
شک و تردد قاطع طریق لاری دین اعراض ابتیب  
دورلار . و واسطه سیز توکل بادیه سی غه قدم اوروب  
مقصود کعبه سی غه ینیب دورلار .

## بیت

کیم که قطع اینسا توکل قدمی بیرلا طریق  
یاغین و سبل انکا مودی ایماس و برق حریق .  
( حکایت ) شیخ ابراهیم سنبه بیر مریدی بیله  
توکل قدمی ایله کعبه عزیمتی قیلدی لار شیخ مرید غه  
ابتی کیم سین دا هیچ معلوم باره و مرید شیخ غه  
دیددی کیم یوق مین توکل بیله بویول غه قدم  
قوبوب مین مین دا معلوم نی تیلار . یانا بیر نیجه قدم  
بارغانین سونکرا شیخ ابتی کیم سین اوزنک دا  
یخشی احتیاط قیل معلومونک بواسا تاشلاغیل کیم  
مینیک یاغیم اغیرلیق قیلادور یانا مرید دیدی کیم مین دا  
بیر ایکی نعلین شراکی بار که بادیه قطعی دا نعلینیم  
شراکی اوزولسا اتی تارنار غه الیب مین . شیخ مرید غه  
دیددی حالا خود نعلین نینک شراکی بوتون دور

یانا بیر او بیماس ایننک هم نصیبین سین یماک  
 ممکن ایماس . سیننک روزینک سنکا دور ایننک  
 قسمتی انکا تیلاماسانکیز هم یتکورور و بیماسانکیز  
 هم یتدورور . مونی انکالافانلار قوتلواب دورلار  
 روزی اوچون محنت چیکاردین و تینیب دورلار  
 فراغت اوچون دانه ایکاردین . روزی اوچون کسب  
 اهمی توکل قسوریدین بولغای و معیشت اوچون  
 سعی مالا کلام یقین فتوریدین . تنکری رزاق لیغین  
 ییلکان روزی اوچون غم بیماکای و قسام لیغین ییلکان  
 رزق ازو کوی دین سوز دیماکای . اول که وحش  
 و طیر رزقی غه ضامن دور سنکا یتکورماکای . و  
 اول که مور و ملخ غه روزی بیورور سنکا بیرماکای مو .  
 سعی بیله ازل قسمتین ارتورای دیکان باغین رشته سی غه  
 کره اورای دیر وجد بیله قلم یازغان قضائی قایدارای  
 دیکان قوروغ بیرداکیمه سورای دیر . بوایش لار  
 کونکلی اوی بیقین نوری دین تیره لار ایشی دور و باطنی  
 کوزی حقیقت قویاشی دین خیره لار عادت و ورزشی  
 دور . توکل اهلی بارچا اسباب و واسطه دین  
 کوزیوموب دورلار و « فلی توکل علی الله » دریامی غه

## اوپچنجی باب

( توکل ذکریدا )

توکل حق یولی دا واسطه اسبابین رفع قیطاق دور  
 ووسيله حجابین دفع قیطاق و سبب لارغه میانجی لیق  
 دین عذر قولماق و سبب و عذر سیر مسبب غه  
 بنده بولماق . تقدیر قدرت بازوسی الیه دا سبب  
 رشته سی چوروك دور وقضا مشعلی پرتوی قاشی دا  
 واسطه اوچقونی اوچوك . توکل اهلی که مقصود  
 وادبسی غه قدم قویوب دورلار یول زادین حق  
 خوان احسانی دین بیلیم دورلار و اندین توویوب  
 دورلار . توکلی درست ایل نینک بیماکی حق خوان  
 انعامی دین دور و ایچماکی انینک شربخانه سی  
 جامی دین وکیماکی انینک خزانه احسان و اکرامی دین  
 بس بولار موجود کورونکاندین اول نیکا خوشحال  
 بولغای و نابود ایکندین انکا ملال . دریادین اوتاردا  
 کیمه نی سبب دیسانک تابانی نم بولمای او تکوچی لارکا  
 نی سوزونک بار و بیابان قطع ایتارکا مرکب نی واسطه  
 کان قیلسانک طی ارض بیله بارغوچی لار الیه دا  
 مرکب کانی اعتبار . انداق که سینک نصیحت نی



اووچ درم کیلتوروب التماس قیلیب دورکیم اوشو  
 نیازمندایغنی قبول قیلاغای مولانا دیب دورکه چون  
 مین بو طریق ییلا عادت قیلیب تورین هیچ نیمه کا  
 احتیاجیم بوق تور اکر سیرتینک خاطرینکیز اوچون  
 السام منکا تعلیم قیلینک کیم انی نی قیلای و قایدای  
 قویغای سیرتینک بیر ملازمینکیز نینک بیر جزوی  
 وصله سیغه اولتورورین منت دار بولدوم سیر کرم  
 قیلیب مینی معذور توتونک . کچیک میرزا بوسوزکا  
 جواب ایتمای یغلاب قولاق توتوب بیر اووبوب  
 چیقیب دور . اوزی رجه الله بو فقیرغه مونداق  
 تقریر قیلدی بیر نیجه وقت دین سونکرا بو فقیر هم  
 مولانا خدمتیغه مشرف بولوب سیرتینی .  
 بو طریق ییلا موافق تابیم بلکه ارتوغراق هم  
 حق تعالی بارچه طالب نیازمنزلارغه اول کلساندین  
 نفخه و اول رباحین دین شمه نصیب قیلسون .

✽ بیت ✽

کیم که کونکلی دین اندینک فقر ارزوسی کینکای  
 بودورور امید کیم حق انی نوید ایتماکای .

یارحیم • ❖ یست ❖

بو طلب دا کیم که بولسا انکا روزی ایتما حرمان  
 بو تعب دا کیم که اولسا انکا وصل ایله درمان •  
 ( حکایت ) قدوه اهل یقین مولانا شمس الدین  
 معراوچه قدس سره جام ولایتی دا مذکور بولغان  
 کنت دا بواور ایردی اوتوزیل ایردی که جمیع ظاهر  
 تنعمات دین بی بهره قائم اللیل و صائم الدهر ایردی بیر  
 مسجد دا منزوی ایردی کیم غیر تجدید وضو اوچون  
 مذکور مدت دا اندین چیقماق دور ایردی و جنس  
 بشر دین نیمه قبول قیلای دور ایردی • حضرت  
 رسالت پناه صلی الله علیه وسلم متابعتی غه کیم احد  
 غزوه سی دا ایکی مبارک تیش لاری شهید بولوب ایردی  
 اوتوز ایکی تیشین اوشا تیب ایردی و بو اوتوزیل دا  
 یانی استی دایر بوریا باشی استی دا بیر خشت بیله اوتکاریب  
 ایردی کیچیک میرزا علیه ازجه اول ولایت دین  
 اوتاردا بو عزیز نینک مذکور بولغان صفاتین ایشیتیب  
 اینک زیارتی غه یتتی مولانا هم اول مسجد غه کبرکاندا  
 ایکنی داکی خرقه و باشی داغی ایسکی بورک بیله  
 ایردی و تعلق رنگی اطلاقین انکا قیلسا بولماس  
 ایردی مذکور میرزا نینک کونکلی کا رفت کیلیب بیر

مسموعات دین ایللیک تارتماق دور بارجه نامشروعات  
 دین ایاغ لنگ لیک دور خلایق ترددی دین و نطق  
 کنک لیک دور سوزدا ایل تشددی دین اغیزغه صوم  
 مهری دور نیدین که نفس تمناسی بولغای و نفس غه  
 یأس کافوری دور هر شی دین که طبیعت تقاضاسی  
 بولغای . طعام قلمتی دور انجا کیم میسر وانینگ جبلتی  
 رعایتی دور انجا کیم مقدر خلوت غه الفت دور علی  
 الدوام عزلت غه مداومت دور مالا کلام . و لیل  
 قیامی غه مواظبت دور و ذکر دوامی غه مداومت دور  
 هر سالک کاکیم بو مقام تاریغای و خلعتی ریاضت  
 نوری بیلا نفسانیت لوئی دین اریغای کوکلی اوی کا  
 اشغالغ شمع دین نور یتکلی و اول نور پرتوی  
 اینک کونکلین مسرور یتکلی . عبادت نتایجی یتا  
 باشلاغای و ریاضت فوائدی بهره مند ایتا باشلاغای  
 اول ساعت بساعت ایشی دا ایسیق راق بولغای  
 و لحظة فليضة فیلیشی قیریق راق بولغای . بو فیض  
 ساغرلاریدین ایچیب قائماغای و ذوق قدح لاریدین  
 لاجرعه تارتاردین اوسانماغای . یارب اینک جرعه  
 جامی دین محروم تشنه لارنی کامیاب قیلغیل و بو  
 وادی دا اغزی قوروغان لارنی سیراب یتکیل باکریم

❖ قطعه ❖

توبه کیم اینک سـ مادتق دین  
 بیه قول اوغلی بو پایه کسب ایتکای  
 کیم انکا شاهلار قول اوغسای لار  
 مونکا اوزلوك پـله نیچوک ییتکای .

ایکینجی باب

( زهد ذکرى دا )

زهد دینی ارزولاری دین کیچماک دور و نفس الار  
 نینک موتی زهرین ایچماک و مال و جاه خیالی  
 رشته سین کونکلدین اوزماک دور . ننگ و ناموس  
 بتلارین اوشاتورغه اوزونی توزماک و قبول امیدیه  
 ریاضت طریقین توتماق دور و نفس نینک بارچا مدعا  
 لارین اونوتماق شریعت جاده سی دا مردانه تورماق  
 و طریقت وادی سی غه درد مندانه قدم اورماق .  
 باشنی ریائی سجده غه ایندور ماماک دور بلکه انداق  
 طاعتنی خیال غه کیچور ماماک . کان کوزنی اسراماق  
 دورور بارجا نامحرم یوزدین تیلینی توتماق دور بارجه  
 نامشروع سوزدین . قولاق کرلیکی دور مالایعنی



اثر سیز توروب اوردی انکا تیکرو کیم تانک قوشی ناله  
 توزدی و سحر مؤذنی نغمه کور کوزدی اول ایشیتکاج  
 ساغیندی کیم خفتن نمازی نینک ندایی دور وعشا صلواتی  
 نینک اداسی ابتداسی چون تانک یاووشتی قویاش دیک  
 ایچی کا اضطرار و اشوب توشتی و صبح صادق نور بدین  
 کونکلی کا یار و غلوق یتتی و ملهم هدایت انی اکاه  
 ایتتی اوزی کا دیدی کیم ای مبارک نینک نا مبارک اوغلی  
 وای تنکری نینک قاچقان و بی ادب قوی خفتن  
 نمازی قرائتی دا اگر امام اوزوزاق سوره اوقوسا  
 ملاینک توتار و یوز فاسد خیال کونکلیک کا اوتار  
 قیش نینک بیر اوزون تونی نی انداق شوم نفسینک  
 هواسی غه مشغوف و مذموم طبیعتینک کامی خیالی غه  
 مغلوب اوتکارورسین که خفتن اوتکاندین و قوفونک  
 و سحر یتکاندین شعورونک بولاس بو حالاتین انینک  
 ایچی کا قوزغالان توشتی و اویتدین روحی بدن دین  
 مفارقت قیلغالی یاووشتی . عنایت الهی قولدادی  
 توبه هدایتی غه بولدادی کیم انداق ریاضت و سلوک کا  
 راسخ بولدی که از وقت دا مکه و مدینه دا شیخ  
 المشایخ بولدی . امید اول که حق سبحانه و تعالی  
 بارچا اولدین حقیقان لارنی اکاه لیغ بیله ارجند قیلغای  
 و بو نوع توبه سعادت بیله بهر مند قیلغای .

❁ رباعی ❁

ایتیب دور .

حق دین انکا کیم ییتی عنایت وقتی  
کونکلی کا یامان فعلی سرایت وقتی  
عصیان غه فاش اولور نهایت وقتی  
بو بولدی هدایت غه بدایت وقتی .

(حکایت) مظهر صنع حق تبارک شیخ عبد الله مبارک  
قدس سره نینک توبه سی نینک بدایتی وتوز یولغه کبرار  
نینک هدایتی بو ایریش کیم حالی اوایل دا بیر پری وش  
عشق غه گرفتار ایردی و خلق اراسی دا مجنون شعار  
وکونکلی بیر شوخ حسن غه مبتلا و هوش و خرد  
کونکلی ملکی دین جلا . بیر قیش کجه سی معشوقی  
دیواری توبی دا وصلی امیدغه پابست و یوزی  
خیالی دین انداق بی خود و مست ایردی باوجود اول  
کیم بواوت هوادین زمهریر بار و تون مشکی اول  
زمهریر دین کافور کردار ایردی و دی صرصری دین  
قار کونکلی ملکی کا عشق سپاهی چاپقونی دین  
نشانه کور کوزور ایردی و پروت دشتیدین اشجار  
یا فراغ لاری ساوغ ایلتنکان لال تیل لار حالیدین فسانه ایتور  
ایردی و اول عشق اوقی حرارتیدین بو حال دین خبر سیر  
ویالانک اعضاسی قار و زمهریر پروتی شدتیدین

نفس اماره فسادى غه کونکل کا نافرمانلىغى دين متغير  
 بولماق دور و روح غه نافر جام ليغ دين متغير بولماق  
 دور حق دين نجات وقتى يتماك دور و بنده نفس متابعين  
 ترك اتماك يو كوهر شب چراغ هر تيره روزكار لايق  
 ايماس و بوشمع توفيق نى هادى عنايت هر كيمكا بيرماس  
 اما قايسى اربغ طينت ليغ بولدين از ميس بولغاي و قا يو پاك  
 خلقت ليق جاده دين چقيق قيلور ايشين يازميش  
 بولغاي كيم انكا غريب حالات جادث بولميش بولغاي  
 و اول حالات غه نفس شوم باعث بولميش بولغاي بادي  
 توفيق يتماك و انى اول حالات دين اكه ايتماك  
 چون اكه بولدى حياتى دين تاريخقاى و اويا ت دودى  
 دماغيدن چيققاى و اعتذار بيله قيلادو غايدن  
 ابا قيلغاي و استغفار بيله قيلادو غايدن استغفار  
 قيلغاي و ناهموار افعالى غه اندام بيركاى و بى راه ليغ دين  
 چقيق حقيقت يوليغه كيركاى و يو مرتبه طريقت  
 اهلى نينك اولغى كامى دور . مقصد واديسى نينك  
 اولغى منزلى غه خرامى . بوسعدت كيشى كا اوزلوى  
 دين يتماك حاشا « ذلك فضل الله يؤتيه من يشاء » .  
 هر صاحب دولت غه بواكه ليق بير و سيله بيله يتيب  
 دور هر سعادتمند بواقبالى بير واسطه بيله كسب

# ایکینچی قسیم

( حیدہ افعال و ذمیہ خصال خاصیتی دا )

( اول اون باب دور )

## اوانی باب

( توبہ ذکریدا )

توبہ حقیق مذموم افعال قباحتی غہ مطلع بولماق دور  
و توفیق رفیق بولوب اول افعال دین اجتناب  
قیلماق دور. توبہ مجرم بندہ نینک وقتی کوز کوسین  
عصیان ژنکی دین آری تور و نیاز مصقلی بیله اول  
کوز کو بوزین باروتور شقاوت طریق نینک نہایتی دور  
و ہدایت جادہ سی نینک بدایتی دور و انانیت غفلتی دین  
سیسکائماک دور و بشریت اوبقوسی دین اویغائماق.  
اوزناشایست احوالین انکلاماق دور و نابایست افعالین  
تانکلاماق دور یاراماس مخفی لارغہ کاشف بولماق دور  
و کیراکاس دعوی لارغہ واقف بولماق اعمال قباحتی دین  
شرمندہ لبق دور و افعال فضایحی دین سرافکنده لبق  
واکہ لبق دور بشریت عنادی غہ واقف لبق دور



و باطن لاری اساسین توزوب دولار . قضادین  
فی کیلسا اوزلارین رضاغه یاساب دورلار و عالم  
اهلی نینک قاتبع زنج و ایریک ملامتی غه چیداب دورلار  
ییماک ایچمالک دین کیچیب دورلار حق رضاسین  
ایستاردا غم ییب قان ایچیب دورلار رضاء و تسلیم  
زاویه سی مقام لاری فقر و فنا هاویه سی دا ارام لاری  
ادب و تواضع الارغه کیش دشمن و دوست غه  
نیک اندیش . بو صفت و این بیله بولغان ایرور  
درویش .

❖ رباعی ❖

یارب که فنا قوشینی رامیم ایلا  
رایم دیماین که صبد دامیم ایلا  
هم فقر طریق دا خرامیم ایلا  
هم زاویه فنا مقامیم ایلا .

---

بولسا یوز نیش تاشی بولغای مرهم ایین و ملامت  
 کیش . درویش کیراک که صدق و فنا طریقین توزکای  
 و اوزین نیچوکه بار انداق کورکوزکای . انانیت  
 غلظتی غه قاتیع ریاضت بیله صفا بیرمیش بولغای  
 و نفسانیت شدتیدین عظیم مجاهدلار بیله چیقیب  
 فقر طریق غه کیرمش بولغای بلکه وجود تفرقه سی  
 وادی سین قطع ایتمیش و فنادار الامانی جماعت  
 خانه سی غه یتیمیش بولغای . همتی نظری غه  
 ماسوی الله ناموجود بلکه وجود مطلق دین اوزکا  
 بارچه نابود . ایچی تاشی بیله موافق بلکه اریغ راق  
 باطنی ظاهری بیله مساوی بلکه یاروغ راق . اگر  
 ظاهری دا باطن اخفایی اوچون کورونسا غش لبق  
 اندین مرادی بولسا ملامت کش لبق . باطن صاقی  
 ظاهر تبره لیکی کانی منافی . درویش تونی ییرتوق انداق  
 دور که کنج مکانی بوزوق صفا اهلی چپاندا انداق  
 دور که فربدون کنجی ویراندا معنی اهلی دا حقیقت  
 مخفی و صورت اهلی نینک حقیقتی دعوی و دعوی  
 حقیقت دا بی معنی . ایرانلار حال لاری صورتین  
 یاشوروب دورلار و ملامت صورتی دا نعل باز کونه  
 اوروب دورلار و ظاهر لاری بناسین بوزوب دورلار

ایاق غه تو شما کدین انبساطی . مغ دبری دا بیر دم  
 ساخالای دهر خیر و شری غه کوز سالمای . زمان بخششی  
 یامانی بیله ایشی یوق دیسا بولغای که عالم دا مونداق  
 کیشی یوق . دهر اهلی ظلمیدین مونداق معاش غه محق  
 عفو رحتی غه مستحق وجود فنا سی می کده سی تو فراغیدا  
 فانی امیدی حق کرمی دین بقای جاودانی . زندو کده غه  
 کیم یتیب بو اقبال و دولت شاه لار غه اینک حالی دین  
 ارزو و حسرت .

رباعی . زندی که فنا جامینی تارتار پیوست  
 دیسا بیله آخرت غه ایماس پا بست  
 حق رحتی امیدی بیله تون کون مست  
 کوب ارتوغراق که زاهد رزق پرست .  
 امید اول کیم باری نامراد لار غه حق تعالی بو فنا  
 دواتین قریب قیلغای و توبه سعادت بیلا بقای جاوید  
 نصیب قیلغای امین .

## قیر قینجی فصل

( درویش لار ذکر ی دا )

درویش اول دور که بولغای رضا اندیش اگر ایچی دا

دیک باده هواسی باشی دا صراحی دیک باش قویار  
 ییری ساغر قاشی دا . دیردا هر قایان که بزمی کوروب  
 سبوکش لیک وسیله سی بیله اوزنی یتکوروب . ناموس  
 دستارین باش دین الیب بیر جرعه اوچون می فروش  
 ایاغی غه سالیب . میخانه تردی دین بی خاتمان لیغی  
 و پیانه اتالیق دین بی سر و سامان لیغی . هر مغیچه  
 ایلکی دین که جامی تارتیب چشید دین استغنا و شوکتی  
 ارتیب مغیچه لار یوزی الیدا بت پرست دیر پیری  
 ایاغی دا باشی توفراقغه پست . یاقاسی میخواره  
 شوخ لار ایلکی دین چاک کونکلی هم الار عشق تیغی دین  
 زخمناک دیردامی کدالغی غه اشتغالی ایلکی دا میخانه نینک  
 سینوق سقالی رسوالیق کوی دا ایاغی بالانک باشی هم  
 بدمست لار دست بردی دین مانکلا بی زخم لیق قاشی  
 هم . وجود شخصین قیلور اوچون پامال مجالس دا  
 ییری صف نعال باشی غه عمامه محنتی ارتمای بوبنی  
 ردا متین تارتمای . نفسی کرچه توفراقغه همدست  
 همتی الیدا فлак پست زمان نوایی دین کونکلی  
 غم سیز فлак حوادثی دین خاطری الم سیز . وجود  
 وعدم دین بولمای هراسان بار و یوق همتی الیدا  
 یکسان . صراحی دیک تلخ یغلاماق دین نشاطی می دیک



حرکاتی غرض امیز . واقعه سی بارچا یاسالمان اویقاغلیغ  
 دا دیکانی بارچا یالغان . سماعی اصول دین تاشقاری  
 وجد و صعقه سی تعریف اهنکی دین ناری صورتی دا  
 مونجا پیچ در پیچ معنیسی خود باشدین ایاق هیچ .  
 بوخیث ذات غه مونجا ارایش پاک ابرار لار حالی دین  
 اندا . ایش . هیهات هیهات اویات و یوزمینک اویات .  
 طرفه بوکیم بو مظهر غه مریدلار هم بار خدمتی دا بارچه  
 شیفته و بی قرار و اول بو دکانی بورونوب تدبیر  
 بیلا و بو معرکونی تونوب تزویر ایله کیم شیاطین غه  
 محل حیرت دور و دیو لعین غه، موجب عبرت .

❖ قطعه ❖

فقر اسمی بیلا مونجا شید و زرق و بوریا  
 سلطنت دیک دور که قیلغای پادشاه بوریا  
 بواکر درویش اوزین قبلهسا بکان اول پادشه  
 یوق عجب چون ایکبسی دایوق دورور عقل و حیا .

اوتوز توقوزونجی فصل

( خرابات اهلی ذکریدا )

رند خراباتی که می ایچماک بیله اوتار اوقاتی حباب

و عهت حله سی دین یوزلاری دا برقع . برقعنی اول  
یوزدین حق بیراق قیلماسون و فتور یسلی دین بو  
پرده اول وجه دین اچیلماسون .

## او تو ز سیکیزینجی فصل

( ربائی شیخ لار ذکر ی دا )

شیخ ربائی رعنائیق جلوه نمای مسی دور التون بیله  
روکش تاشی خوش نمای و ایچی ناخوش . صورتی  
درویش وش معنسی سراسر غش . وارسته لیغی بارچا  
قید کراماتی تمام شید عمامه سی ریاست یوکی باشی دا  
بیر فاسد خیال هر قوی ایکنی داک ی مرقع رنگ امیرلیغ لار  
بیله ملمع . رداسی عیوبی نینک پرده داری ریا چرخ  
ایکبرکان هر تاری . مسوای طبع تیشین ایتورورکا  
سوهان شاهه دانی دا ریش خند الی نهان . مهره بازلیق  
تسبیحین ابوورماک اوزونراق نماز دین غرضی ایل  
کورماک . کلاه دولت اول دولتمندغه دسار اوزونراق  
علاقه سی تولکو قوبروغی دین نمودار محل سیز صبحه سی  
بغایت ساوغ انداق که وقت سیز اون تارتقان تاوغ  
غفلتی دین اورادی دا علا لا نیچوک کیم مست لار  
بزمی دا درنا تلالا . بارچه کلماتی حیلانکیز و مجموع

الارقاشيدا غول فساد و حيله دا شيطان الاراليدا  
 كول . ملايك الارقاشيدا بلاهت بيلامعيوب شيطان  
 الاراليدا حقاقت غه منسوب . خاواده لار بوزماق  
 الارغه مسجد ياسار ديك فن ناحق قان الارغه  
 اولوك تيركوزكونجا مستحق . بوزنخشي ليق غه مينك  
 يامان ليق ايش لاري نوش يتكورك انكا نيش اورماق  
 اسايش لاري . عفت و صلاح اوي الاردين بوزوف  
 عافيت و زهد بناسي الاردين ييقوق . الار مكري  
 تعريف دا كوب علوم ليغ دانا و كوب دقت ليغ حكما  
 كتاب لار تصنيف ايتيب دورلار و مجلدلار بيتيب  
 دورلار و مبالغه لار بيله بسط لار قليب دورلار و  
 هنوز اوزلارين عاجز و مقصر بيليب دورلار . بو بير  
 نجه پریشان كلمات بيله نى نوع تعريف لارين ايتسا  
 بوانغاي و توصيف لاري دين بوزدين بهري كا يتسا  
 بوانغاي . اما خاص الخاص لاري بولارغه عكس  
 مطلق . حق كوي و حق شناس و تيسل لاري دا حق  
 و كونكل لاري دا حق علماء اسلام غه الاردين فائده اميد  
 اولياء عظام الار انفا سيدين مستفيد انبياء مرسلين نى  
 الارغه مادح بيلكيل و ملائكة مقربين الارغه  
 ايكاجي سينكل . عفت تاري دين باش لاري دا مقنع

حيله سازليغ ياسانديب انلانماغ ليغ لاري اسبك بازليغ .  
 حيله لاري عنكبوت تاري ني پرده پوش بوانغاي  
 كيشي نينك بونوع پرده داري كنپره ايشكي سناج غه  
 غازه سورتكاي و تيتراي تورغان باشغه تيتراكوج  
 سانچقاي اولي اولدور كه فلاك اينك باشين اجل تاشي  
 پيله يانچقاي . بو طائفه دين اكر قاري ددك دور كه  
 ياسـ لورغه راغب دور و اكر ارپايي الماس ايشاك  
 دور كه نقشين افسار و جلغه طالب . بولارينك  
 زبون ايرارلاري يوك تارتار ايشاك لاري و عاجز  
 قلبان لاري قول لاري بلكه ددك لاري . انداق كه  
 باري خلايق دا تفاوت بار بولارينك هم تفاوت لاري  
 بي حساب دور و بي شمار بو تفاوت اوج قسم دور  
 بيري عوام دور بيري خواص دور و بيري خاص  
 الخاص . عوام لاري بهاييم و سباع مانند ايجماك  
 و بيماك و اويقوغه خرسند طاعت لاري زيب و ارايش  
 عبادت لاري زينت و نمايش شعارلاري اسلام دين  
 غفلت مراد و كام لاري فسق دا شهرت خواص لاري  
 ابليس شعار و ديو ايين شيوه لاري مكر و پيشه لاري  
 كين . صواب رأي لاري ريب و مكارليق صلاح  
 و تقوي لاري ستم و غدارليق . غدر و مكر دا ديو



هوراتب دور و فعل لارین ناخوش قلیب دور و کوبراک  
 ایران لارنی الارغه زبون و بارکش قلیب دور فتنه  
 و مکر الارغه پیشه افسون و غدر الارغه اندیشه حق  
 نعمت لاری غه ناسپاس خلق بخشی لبق لاری غه ناشناس  
 ناحفاظ لیغ دین لاری نا انصاف لیغ این لاری خود  
 نمالیق الارغه شیوه خود پسندلیق الارغه میوه .  
 دین لاری کا عقل یوقی دین قصور عقل لاری دا دین  
 یوقی دین فتور لباس لاری دا نفس لوقی دین ناپاک لیک  
 صفات لاری دا ذات خبائتی دین بی بک لیک هشیار لاری  
 جهل میی دین مست و اوسروک لاری می و  
 معشوق پرست . عیب بین لیک نظر لاری عیب  
 جوی لوق هنر لاری . کید و فریب دا فسونساز مکر  
 و حيله دا سحر پرداز بی جرم لارغه قصد و غیت لاری  
 قتل پیوند بی کنه لارغه کذب و تهمت لاری راست  
 مانند . حق طرفین تو تمناق لاری متعسر باطل جانبی  
 دین اوتماک لاری متعذر . ایتیک لیک بیله یوز قیزار تمناق  
 الارغه تزین سوز انناسی دا بوز لاری کا قرا تیلاناک  
 الارغه این . شهراده پری صورت ابوشقه غه  
 ایش لاری غدر و بیداد زنیکی دیو سیرت ابوشقه  
 رسم لاری محبت و اتحاد . پرده دا اولتور ماق لاری

اول و چرخ دوار دین هر ابتلا کیلسا جلیسینک اول .  
 کونکلونک غمی دین اول غمناک و بدنینک ضعف ملالی دین  
 اول هلاک . اگر حسن و جمال اورتا چاغلیق دور  
 و موافقتی رشته سی مخالفت غه باغلیق دور خوف  
 و رجاییله تیریمک دور و حکمت و مدارا بیله معاشینی  
 بیمک دور و کتخدالغ نینک بعضی مشکلی بولسا اسان  
 دور اما کوبرک حالی دا کونکل هر اسان دور بو نوع  
 نی نافر جام لبق و ناکام لبق تحمل قیلغای و هر نیچوک  
 بولسا اوتکار یلکای اما نعوز بالله ناساز جفت  
 ایوکا مهلاک مرض دور اشکار و نهفت سلیطه بولسا  
 کونکل اندین رنج و قبیحه بولسا روح غه اندین  
 شکنجه . یامان تیل لیک بولسا اووشقه کونکلی اندین  
 یارالغ یامان ایش لیک بولسا ایرکا اندین یوز قرالغ  
 میخواره بولسا اوی دین ابادلیق بر طرف بدکاره  
 بولسا اوی اندین بیت التلف اول که اول مذکور  
 بولدی و یوقاری راق مسطور روزگار اناسی دین  
 یوز ییل دا بیر توغراس و یوز مینکدین بیر یولوقاس  
 یواوقغان کیشی کا تاج تارک بولسون و بو سعادت  
 انکامبارک بولسون اما بو طایفه نی حق تعالی ناقص  
 و چپ یاراتیب دور و کمال و راست لیغ نی ذات لاری دین

## ✽ بیت ✽

بونوع مسخره ليق ايل کا بس دورور حيرت  
که اولکای ايشيتيان کيم کا يار ايسه غيرت .

## ۱۰ توزيتينجی فصل

(کنخدالغ صفتی و خاتون لار ذکرى دا)

کنخدالغ قوتولا الماس بلاغه مبتالغ دواسير  
رنجغه خوار و زار بولماق و علاج سير ايمکاک کا گرفتار  
بولماق . اگرچه بوايش باشدین اياق الم و آزار دور  
اما انينک کيفيتى دا تفاوت لار باردور . موافق توشسا  
کدبانو دولت و جمعيت غه بولماق تور هم زانو .  
اوى نينک ارايشی اندین و اويلوکنينک اسایشی اندین .  
جمالی بولسا کونکل کا مرغوب و صلاحی بولسا  
جانغه مطلوب عافله بولسا روزکارغه اندین انتظام  
و معاش اسبابی غه اندین ترتيب و سرانجام . بونوع  
جفت کيشی کا قاووش سا بلکه مونداق کامکارليق  
ايلیک کا توشسا باری نهانی غم و محنت دا هم راز  
و همدمينک و مخفی و پنهان درد و مشقت غه دمساز  
و محرمينک بولغای . روزکاردين هر جفا ييتسا انيسينک

اقلیغی غه مناسب سپیده باردور کیم قاری محنت  
 مبهوت و اینک خانه زاده سی گفتار فرتوت . شرکت  
 بیه مشاطه لیغ توزکای لار و بوکیلین زیب و زینتی دا  
 سحر لار کدر کوزکای لار و قاشین الیب و سمدغه شایسته  
 قیلغای لار اما و سمد لارین پیوسته قیلغای لار سقالین  
 قیرقیب ایکی قولاق توزلاری کا زلف لار اشفته حال  
 قویغارلار . اما ایکی اعذاری طرفیدین داغی چپ و  
 راست ایکی خال قویغای لار . تربتی دستاردین باشیغه  
 بورونجاک قیلغای لار که عروس مستوره و کبر  
 یزدی نامستوردور کشیده لیک یاغلیغ دین فرقی غه لجک  
 سالغایلار که جوان مخدر و حله نازک اوکی نامقدور .  
 بونوع اراسته قیلغاندین سونکرا چنبرشاخ یورغه  
 اوی کا تیرسکاری میندورکای لار و شهرنیک کوی  
 و محلاتی غه کیزدورکای لار و اگر ورق یوز قرالینغی  
 دین اویات و قلم قرا تیل لیک بولوردین حجاب بولسا  
 انکا مناسب حریف لار مسطور و موافق عاشق لار  
 مذکور بولغای اوردی عیش و نشاط بزمی قورولغای  
 اوردی . اما انداق سبه روی نینک تقبیحی و اول نوع  
 قرا یوزلوک نینک تفضیحی بیرنجه دعا اهللی غه ملتس  
 بولسا مونجا اوق بس بولغوسی دور .



اول دور کیم مقابلہ سبدا قوللوق و خدمتکارلیق بلکه  
 یک جهت لیک و جان سپارلیق قیلغای و تیلای که انکا  
 جان فدا ایتکای تا شفقتی حقوقین ادا ایتکای .  
 حیت اول ایماس که مخدوم یانا بیر اوکا کوب ملتفت  
 بولغاندین شکایت اظهار قیلغای و کله مندلیغ  
 گفت و کذاری تا ایش انکا ینیکای که نعمت کفرانی  
 اراغه توشکای و حق ناشناسلیق طغیانی ماجراغه  
 سوروشکای و بوادمی سیرلیق قاچاغنه منجر بولغای  
 و عدو ایشیکی کا بارورغه مقرر بولغای . اوزین بیر اوکا  
 قول دیب قاچقسان ددک دور بلکه ددک دین یوز  
 قاتلا کم راک . بتخصیص که مفرط تربیت کورمیش  
 بولغای و مقابلہ دایندام لاف لار اورمیش بولغای .  
 ایرکه بیر ییردین یانا بیر بیرکا قاچقهای نامردلیق  
 توفراغین بیکت لیک باشی غه ساچقهای . چون مونداق  
 کیشی ایرلیک سانی دین ناری دور و بیکت لیک نینک  
 دایره سی دین تاشقاری حاکمی کیم کیاستی بار اینک  
 قاشیدا مونداق کیشی کا قاچان ایران لار سیاستی بار .  
 ایرانلار دین مردانه کنه وجودغه کیلسا بوینی غه  
 بوکلاکاندین سونک بوینین اورارلار قیزیل یوزلوق  
 قبلور اوچون بوینی غه تیغ سورارلار . اما اینک  
 سرخ رولوغی غه کاکونه سزاوار دور و یوز

فترای کا باغلاب اوی کا یاندی اوزی و قوشی قیلغانلاریغه  
قواندی . شوم نفس حظی غه بیر ایکی اباغ لارین  
ارتکاب قیلغای اویدا اشراغه سین کباب قیلغای  
بعضینی که تانکلا بیکی کا ایلنپ نارتقای ایندک  
التفات دین کونکلی کا جولدو طبعی ارتقای . قوشی  
تعریفی دا اویکانی بارجا لاف اوز تحقیقی دا سوزلاکانی  
باری کزاف . مونجه مذموم امرغه باعث نفس کامی  
خواه اینکاکلی خواه مماشاسی خواه کبابی خواه  
بیکی انعامی . ❀ مشور ❀

بولار باعثی بارجا نفسانیت  
که اندا ایماس داخل انسانیت  
قوناغه الیب قایدا قونسه درم  
اتی ارپاسی هم قوشی غه طعمدهم .

### اوتوز الینجی فصل

تریت تاپیب حرام نمک ایک قیلغان نوکر ذکریدا .  
نوکر که ولی نعمت دین رعایت کورکای و بیسک  
مخدومی دین تربیت و عنایت کورکای ایرلیک و انسانیت

## اوتوزیشیجی فصل

( قوشجی و صیاد ذکریدا )

قوشجی صیادلارغه مقتدا و حکمران و بوجاءت  
انکارهیت و مأمور فرمان . کیم که ایلکی دا بیر قوش  
کیجه و کوندوز رنج و مشقت قه توش . کیجه اوبقوسی  
حرام و ایمکاک دین یوق انکا ارام . نفس حظی  
اوچون بیر کته سیز ایاغی غه سالیب بند و اوزون  
تونلار اینک عذابی بيله خرسند امل رشته سین طمع  
ایکنه سنی کا چیکب اول بی زبان نینک کورار کوزنی  
هم تیکب . مقصودی اتی صیاد قیلاق اوزکا  
جانلیغ لار قصدیغه جلاد قیلاق . کوندوز دشت  
و وادی غه چاپب بیر نیجه زبوننی غافل تاپب  
یوز مکر و حيله بيله قوشین الارغه سالیب و اول  
سالغان اول مظلومنی الیب الدورغاندین سونکرا  
اول صید باشی اوستیدا توتوب اورون اول قانی  
تولغان زبوننی بسم قیلاس دین بورون نی دی  
قاناتین سوکوب قولتوغین مویارا دور و اوزی  
اول قاتل قوشین شفقت ییلا تویغوروب نیجه مونداق  
نینک که قانین توکتی قولتوغین باروب قناتین سوکتی

مملو بنکی لار خاطری دیک متوع خیالاتی دین  
 خریطه سی تولا ربانی صوفی لار ضمیری دیک متلون  
 خواطر حالاتی دین . هر درم کیم توکوب غسال دین  
 اوزکا کیشی اچاق محال هر سیم کیم ییرکا کوموب  
 توفراغ دین اوزکا بیر اوانی بیماک کا یوق احتمال .  
 کوزلاری حرص نینک صادی و طمع نینک عینی بو  
 حرص و طمع دین جان و کونکل لاری دا محروم اوق  
 شینی . بولار اراسی دا اوزی کا قلندر ات  
 قویغان ملعون ادمی لیغ دین مغبون و دبو و شیطان  
 الیدا مطعون . انسانیت و مسلمانیق دین ییراق و  
 ایغ ادمی لیغ دا الار دین یخشی راق . شکل تغیری بیله  
 ادمی لیغ دین کران پوستین ابوورا کیماک لاری حیوان لیغ  
 سبعیت دین نشانه اولوغ کیمیک دین هر تورلوک دا  
 کدای موخش فاسد خواطر دیک صافی کونکل کا  
 مشوش .

### ❖ ربانی ❖

بیرماک بولاس بولارغه انسان حکمی  
 یا آدم و مؤمن و مسلمان حکمی  
 فاسد اخلاطغه کیم واجب دور دفعی  
 بولغامو کشی بیرای دیسا جان حکمی .



و قیرلاری کوی و کوچدهدا بو تراشیب . هر قایسی هر  
نی کیم حاصل قلیب اقسام بارچا بیریرکا یغیلیپ  
تایقانلارین توکانما کونجه اویقو میلی قیلای تانکلا نی  
ییکومیزدور دیماک سوزین بیلای تانکلا ایشلاری  
اوتکان بورونخی کون ایشی بو هم بیر ایش دور اگر  
فیلاسا کیشی . بورذالت کیشی لیک تکبری دین خوبراق  
بوضالات بخششی لبق تصویریدین مرغوبراق . میت

کیشی اگر کیشی بولسا اوزین کیشی دیماکای  
قبایوردا هیچ ایشینی هم کیشی ایشی دیماکای .

### اوتوز تور تونجی فصل

( مهیم کدالار ذکریدا )

تیلانجی و کدا کوپرای بی عزت و بی حیا کوندوز  
کیزماک لاری ابرام ایلا ایلدین الماق اوچون کیجه  
کیلیب اوغورلارغه ایل جهاتی غه کوز سالماق اوچون  
نی نعمت الیب منعم دین شاكر نی انعام تاپیب مکرم  
عذری غه تیللاری ذاکر . ییماک بیلا جوع اهلی دیک  
معدله لاری غه تولماق یوق تیلماق بیلا مستقی دیک  
سودین سیراب بولماق یوق . کدو کچکولی

مروت لبق و بی باک لیک . شهر نینک سار ارذالی حشرات  
الارض الاردین احتراز واجب دور بلکه فرض .

خلاق غه اذا الارغـه صفات  
بی دیدی کیم اقلوا الموزیات .

### اوتوز اوچونخی فصل

( غریب و بی نوالار ذکریدا )

جت واولی کوپراکی نینک مضحک حرکاتی و توز  
اصولی . معلق اورماق لاری دا خاکسارلیغ آشکار سر  
نکون تورماغ لاری دا بی اعتبارلیق بدیدار . انانیت لاری  
یوزی کا تیرک سالیب چن ور انسانیت لاری دأره سی  
میمون لاری غه چنبر . کیشی لیک دین سیکریماک لار بیله  
قاچیب بخششی لیغ دین مسخره لیغ لار بیله ملامت  
ایشیکین اوزلاری کا اچیب . بو کون تاپقانی یدب  
تانکلا غین یمای تیلاب نیمه بیرماکار دین شکایت سوزی  
دیمای . وطن و مسکن لاری خوارلیق و برانه سی  
منزل و مأمن لاری خاکسارلیغ کا سانه سی تانک انتاج  
ایروخاتون کسب اوچون هر طرف تارقاشیب اوغول

❖ قطعه ❖ کیم که دهقانلیق ایلادی پیشه  
داغی نان بیرماک اولدی انکا شعار  
بیلا کیمسه صلو رفعتدین  
ادم اولماسه ادمی خود بار .

## او توزا کینچی فصل

( ینیم و لئیم لار ذکریدا )

اوباش بیله ارزال مسلمانلار دیک الارغه نی معاش  
ونی خصال . انسانیت طبع لاری دین عاری حیوانیت  
بلکه سبعت الارزینک شعاری ینیم کا بیچاق اورماق اینک  
ایتی بولغای اوزی تیلبه ایت بیچاق اینک تیشی  
بولغای . ساغ لیغی دا قوتوز ایت اوسروک لیک دا  
اندین قاچیب یوز ایت . نیجه لاری نیش اجل قلا نی  
نیچوک که دشت سباعی اولتورور کون اوچون  
ایمان دیک اورکا تیب رباعی . بخشی بامانغه سوکونج  
یتکوروب عقرب دیک هر نیکا که یتسانیش اوروب  
نی عقل الاردا نی دین نی حیا الاردا نی تمکین .  
ایش لاری نا اعتمادلیق و ناپاک لیک ورزش لاری بی

هم اندین اوفی . مسافرغه اندین طعام مجاورغه اندین  
 کام . ایتمالچی تنوری اندین قیزیق علاف بازاری  
 اندین ایسیق فقرا رزقی اندین وافی غرباقوتی اندین  
 کافی . زاهدغه اندین حضور طاعت عابدغه اندین  
 لاف قناعت . سایل خریطه سی دا اندین مهیا اقطاعی  
 شاه خزانه سی دا اندین بحر و کان متاعی دهقان نینک  
 بیر دانه ساچاری دا بو حال دور اوزکا ایش لاری تعریفی  
 محال دور . باغی جنت دین نمودار پالیزی دا روح  
 قوتی بدیدار اشجاری نینک هر بیری چرخ اخضر  
 اول شجر ریاحین و فراکهی نجوم و اختر . فقرا  
 سرکه و دوشابی اندین اغیا نقل و می نابی اندین .  
 کونا کون فواکه ییله باغ دا تزیین چن ملکی دا باغلانید  
 تعبیه و این . مونداق کیشی کیراک بخل دین معرا بولسا  
 و کذب و اساکدین مبرا . شاه مالین بیروردین ابا  
 قیتاسا وزبون شریک کا جفا قیتاسا تا دانه سی  
 در سعادت بر بیرکای و تخم ساچیب انجم علو  
 رفعت تیرکای . مونداق دهقان ادم نینک فرزند  
 و خلفی دور بلسکه مرزوق لار انکا فرزند و اول  
 ادم صفی دور .



## اوتوز بېرېنېجې فصل

( دهقانلیق ذکرې دا )

دهقان که دانه ساچار یېزې یرماق بېله رزق بولین  
 اچار اگر راستلیق و صلاحی باردور اوبی صالح  
 نافه سی دین نموداردور . قوشی ایکی هم زورپهلوان  
 بویکی کا بویون سونوب الییدا روان . ایشی فیلوردا  
 همدم وهم قدم دهقان الارنی سوراردا انداق که  
 ادم . عالم معمورایغی الار دین و عالم اهلی مسرورلوغی  
 الار دین هریان قیلسالار حرکت ایل کا هم قوت ینتکوروب  
 هم برکت . دهقان که توزلرک بېله دانه ساچار حق  
 بېری کا یتتی بوز ایشیکین اچار . ساچقان دانه  
 کوکار کونجه و اوروب خرمن قیلیب محصولین  
 کوتار کونجه قورت قوش اندین بهره مند دشت  
 وحشی اینک بېله خورسند . مورلار اوبی اندین  
 آباد کورلار خاطری اینک بېله شاد . کبوترلارغه اندین  
 مستلیق تورغای لارغه اندین نشاط هم دستایق .  
 اوراقجی غه اندین روزی با شاقجی نینک یاروب اندین  
 کوزی . بزرکرغه اندین کام حاصل پشته کش غه  
 اندین مراد واصل . کدا اندین توق کتخدا توقلوغی

دیر که داروغه چیکاردا بخشی توردی بیری دیب که  
 بو بنین چاردا بخشی اوانوردی . بیری مقتول نینک  
 بیکیتم لیکی دین تحسردا بیری یتیم لار نینک رباعی  
 اوقوماغی دین تحسردا . بو نوع صعب حال بیحد دور  
 ومونداق غریب احوال بی عد . عمل حرصی چاغی  
 عسس مجرم نینک توتولماغی غه ساعی اما اوز  
 مطلوبینی حاصل قیلغاندین سونکرا فوتولماغی غه  
 داعی . دنیا دا بو منزل قیامت کردار دور و محسردا  
 دوزخ دین نمودار . بند وزنجیر لیک کنه کارلار شهر  
 زندانیدا انداق که عشق مقیدلاری بیت الاحزانیدا .  
 تنکری بار جانی بو بیرکا کیلتورور افسال دین بیراق  
 توتسون و بو منزل غه توشورور احوال دین قیراق .

### ❖ بیت ❖

بیر منزل ایرور اندا بسی رنج و عقوبت  
 توشکان کیشی کا اندا اوکوش درد و صعبوت .

### ❖ نظم ❖

ولی اول حرم ایچرا بولغانغنه خاص  
 امید اول که هم تنکری بیرکای خلاص .

ایلابان بو طریقنی و رزش  
که بیر اوکا یوکورتکای لار ایش  
کر وودی غنی بوق ابرسا فقیر  
انکا بازی بیروردا بوق تقصیر .

## او توزینچی فصل

( شهنه و زندنی لار و عسس لار ذکریدا )

داروغه و شهنه و عسس اوغری خونیه ممد  
فریادرس . زندان اهلی دوزخ اهلی و عسس لار ملائکه  
عذاب . شهنه مالک دوزخ دیک حکمران و عالی  
جناب . کناه اهلی طوق و زنجیرغه گرفتار بو زنجیر  
و طوق لاری سلاسل و اغلال دین نمودار . کبسه بر بیه  
مقمر عسس لار دین بازار و قارخانهغه مستأجر .  
زندان چاهی دین اوغری لار کونکلی تیره ایکی معلوم  
جرم اهلی غه اندا پریشان کونکل غه خواطر دیک هجوم  
کنه کارغه اندا امید دین بیم کوپراک و بد کردارغه  
اندا عناد دین تسلیم کوپراک . هر قاتلا که بیر اونی  
تارتیب چیقارغایلار اندا قالغان لار اوزلاریدین  
بارغای لار . قایتیب کیلکان لارینیک نقل لاری موخش  
و خبر کیلتورکان لارینیک ماجرالاری مشوش . بیر

علی سوداسی دین اعراض لاری و عمل میزانی  
عدالتی غه اعتراض لاری . اوغول اتاغه بازی بیرماک  
پیشه لاری دغلابق لارین کرام الکتین دین باشورماق  
اندیشه لاری .

بو لار دین کیم که اوزنی دیر ولی دور  
اکر قیلماک یقین بیر داغلی دور .

### یکرمه توقوزونجی فصل

(سائر هنرور صنعت پرداز ذکریدا)

هنرور صنعت پرداز یاغان لاری کوپدین کوپ  
وچین لاری ازدین از . ایش لاری دا دغلابق مقدوز  
و حد دین ناری و عده لاری دا خلاف خیال و کاتدین  
تاشقاری . چین سوز که ایل کا اولوغ هنر دور الار  
قاشی دا عیب تمام یاغان که خلایق غه اولوغ عیب  
دور الار الییدا هنر مالا کلام .

❖ مشهور ❖

تازک دین اقشامغه ایش دا صنعت ساز  
هنر اطواری دا فسون پرداز



ارتوق سوز ديب . شالنى تورقه اورنيغه اوتكارا  
 الور بولسا تقصير يوق دكانى دا بارجا متاع بوريا  
 بولسا زبفت ييزى كا ساتالسا تاخير يوق . كلبه سى دا  
 بارجا متاع موجود غير انصاف نا انصاف ليغى دين  
 بارجا جنس حاصل غير تقصيرغه اعتراف . تاجر مسافر  
 اول كد باوغه هم زانو بلكه انى چيريكى ديسا بولور  
 مون لك بانو . انكا سود و الغوجي غه نقصان مال  
 ايكي جانب دين بالغان انت الجيجى دلال .

### ✱ ميت ✱


بو خيل آدم ايماس لار بخشى باقساكت  
 ايرور سودينك الاردين كر ييراقساكت

### ييكرمه ييكزىنجى فصل

( بازار كاسب لارى ذكرى دا )

بازاردا سودا كر وكاسب تنكرى غه خاين و وعد غه  
 كاذب . بيركا ارزيرنى يوزكا ساتماق دين الارغه  
 مينك مباحات مينك كا تيكارنى يوزكا الماف دين  
 الارغه يوق بيرذره اويات راستلىق ييله سودا الارغه  
 زمان كاراق وعد غه وفا الارغه بد كردارلىق . آخرت

اوچون بولسا و سودی کونکل فراغنی اوچون  
 بولسا سفردین عزیزلار صحیفی غه یتیمک مرادی اولسا  
 ورعایتی دین نامرادلار ایشی کشادی بولسا . شرعی  
 ذکات بویینی دا قالماسا فقرا حقین اوز بویینی غه  
 الماسا . یوق که مالین عزیزا سراب اوزینی خوار  
 ایتکای اوز مالین تمغادین اوغورلاب اوزی کا مذلت  
 یتیمکای . یا وارث سیار اوچون یتیمغای یا حادثه  
 قوزغار اوچون قازغانغای . مونداق کیشی خواجه  
 ایماس مزدور دور اوزلیم و رذیل لیکی دین همیشه  
 رنجور .



مونداق کیشی دا یوق خرد و هوشدین نشان  
 یلکیل کدا اگرچه ابرور خواجه جهان .

## سیکرمه یتیمچی فصل

( شهر دا الیب ساتقوجی لار ذکریدا )

شهرتی سوداگری غه درکیش اوزی کا سود  
 و مسلمانلر غه قحط اندیش ایل کا زبان اینک سودی  
 اونکای الیب یونکول ساتماق اینک مقصودی . الورد  
 کانی بوز دیب ساتاردا بوز وصفی دا کتان دین

بیست

ایماس افلاک و انجم حالی بی نفع و ضرر لیکن  
انی تنکری بیلور ایرماس منجم بیلای ممکن.

بیکرمه التیجی فصل

( تجارت اهلی ذکری دا )

تجار سیاحت شعار اقالیم و بلدان حالیدین خبردار  
عجایب دین افسانه گذار و غرایب دین نادره گفتار .  
جبال تاشی و دشت قومی غه نافه سورکان بحار اواجی  
تلاطمی دین نفع و ضرر کررکان . حلال روزی کسی کا  
مسافت لار قطع ایتهکان جمیت ظاهر تیلایو باطن  
پریشانلیغ لاری انکا یلتهکان پیری یوز بولور دین باشی دا  
سودا بوزی کتان بولور دین کونکلی دا تمنا . مونداق  
کیشی نینک مقصودی تمام آسیغ بولماسا و بواسیغ  
حصولی اوچون رنجی قاتیغ بولماسا سودا اوچون  
تینکیز کا کیمه سورماسا در اوچون نهنت کامی غه  
قدم اورماسا مال و درمنی عظمتی غه سبب قیلماسا  
خدم و حشمنی حشمتی غه جهت بیلماسا نفیس  
اجناسنی ایپ چپان کیماسا لذت اغذیهنی  
یسیرکاب قوروغ نان ییماسا . رنجی معاش سهوات

## پیکرمه یث نبی فصل

( اهل نجوم ذکرى دا )

منجم که ثابته و سیار نظراتی دین حکم سورار رمال  
 دیک دور که نقطه لاری حسابی بیله لاف اورار .  
 زیجی هیچ تفهیم و تقویمی غلط تقسیم و اصطربابی  
 واجب الاجتناب رقعۃ القمری بی فایده وثر غافل دور بو  
 اشیا بیله هنگامه توتقان و حق تعالی فضا و تقدیری  
 سوزین اونوتقن . اوزایلیکی دا بیر انار بولسا بیلاس که  
 نیجه پرده و نیجه خانه سی بار و هر پرده و خانه سی دا  
 نیجه دانه سی بار اول دانه اجیغ مودور یا زمخت و ش  
 و یا خود چوچوک مودور یا میخوش باوجود که بارلار  
 انی کیسیب یدب دورلار و خاصیت و کیفیتنی بیلیب  
 ایل کا هم شرح بیله دیب دورلار . فلک مدور نجوم  
 و برجی دین افسانه دیر و الارینک سعد و نحسی حکمین  
 سوروب ترانه دیر . با وجود اول که اون سوزی دین  
 اتقاقی بیری هم راست کیلاس . مونینک قباحتین یا  
 بیلاس یا بیلیب کوزی کا ایلاس . کذب المجمعون مضمونی  
 بیله ایندک سوزی یا لغان دور و اوزی راست لبق  
 کشوری دین بیراق قالغان دور بصیرت کوزی کا غفلت  
 پرده سین سالغان .



اوز یورو ماکان بولغه ایلانی باشقارماق مسافرنی  
 یولدین چیقارماق دور و بیابانغه کیتورماک و بادیه دا  
 بیتورماک دور . اوسروک که ایل کا بو بورغای هشیارلیق  
 اویقوجی دیک دور که کیشی کا اور کاتکای بیدارلیغ .  
 اویقوسی دا سوز دیکان چولیکان بولور اول دیکان  
 دیک قیلغان فی دیکان بولور . وعظ بیر مرشد اکا ایشی دور  
 و بیر کامل اهل الله ورزشی دور اول بیر یولانی بارماق  
 کیراک اندین سونک ایلانی باشقارماق کیراک . بولنی  
 یورمای کیرکان ایتار و غیر مقصود بیرری کا بیتار . واعظ  
 اول دور که مجلسی غه خالی کیرکان تولغای و تولا  
 کیرکان خالی بولغای . واعظ که بولغای عالم ومتقی  
 اینتک نصیحتی دین چیققان شقی . اول که بو یوروب  
 اوزی قیلغای هیچ کیم کا اثر و فایده اینتک سوزی  
 بیرماکای . نظایر خوان بیله سور کوجی مقال  
 دستیار بیله بیر لاغوجی قوال .

❖ قطعه ❖

واعظ که دستیار سیز اولمای سخن گذار  
 انکا بیر او و مونکا ایالغوجی حکمی بار  
 تنکری سوزین ایالغوجی بولمای دی الماغای  
 بیر ساز و اساهم کیراک اول قیلسه اختیار .

## يیکرمه اوچونجی فصل

( قصه ساز و قصه خوان ذکرى دا )

قصه ساز بی کار قصه خوان هرزه گفتار کیم معجون ناک  
 یابنکی کونکلی دا اینک معرکەسى اهنکی بیدک . اون بيله  
 اووج قاقاغی هر دم خرد و آزر م قوشلاری تاپـاق  
 اوچون رم . حرکاتیدین ظاهر تیلبله لار اطواری کلـاتی دین  
 باهر اوسروک لار شعاری . تیوه قومالاغین ساتاردا  
 قند دیکوچی معرکەسى داغی معتقدلاری اتی ساتقون  
 الیب ییکوچی .

## ✽ بیت ✽

کیشی کیم بولماغای معجون و قندی نینک خریداری  
 اینک هنگامه سی بیرلا توزالماس هیچ بازاری .

## يیکرمه تور تونجی فصل

( نصیحت اهلی واعظ لار ذکرى دا )

واعظ کیرک قال الله دین آبتسا وقال رسول الله مخالفتی  
 دین قابتسا خدا و رسول یولی غه قدم اورسا اوزی  
 کیرک اندین سونکرا نصیحت بيله ایلنی هم کیوورسا

چون بزم دا تنم از بولدی الار ایشی استغما و ناز  
 بولدی نعت دیکان نیمه که تمام یوق بولدی  
 الارینک کونکلی سین دین توق بولدی . اگر ییل لار  
 بهره الیب دور لار احسانینک دین اشنالغ بیرمای اوتار لار  
 یانینک دین از السالار ناسپاس کوب السالار حق ناشناس  
 اکثر فاسق و بدخوی و قالغانی کج طبع و درشت کوی  
 حرکات لاری خارج توزوک سیر ساز لاری دیک و کلمات  
 لاری حشو محل سیر ناز لاری دیک . وفا الار طبعی دین  
 مسلوب وفا اهلی الار الییدا مردود و منکوب . مغنی  
 وفاسیر مثل لولی حیا سیر اگر ییل لار رعایت قلیب سین  
 و هم خانه دور بیر قاتلا نیمه بیرمادینک بیکانه دور .  
 ایر صورتی دا شاهدی دور طناز و ملایم کسوتی دا  
 مفسدی دور خانه برانداز خواص غه دلفریبی دور  
 صوت و نغم ییله عوام غه راهرنی دور طبل و علم ییله .

❖ مشهور ❖

کیشی کا بولاسون بو فتنه دوچار  
 که اوقی دین نجاتی طبری اوچار  
 یانسه قونماقغه طبل اورار هر دم  
 کیم اوشول قوشغه کوراک اولغای رم .

هواسين باشيدن چيقارور نخت مد ناله سي بيله  
 يالبارور . و طنبور پرده داغي فته دين هلاك ايتار  
 و عاقبت پرده سين چاك ايتار . و چنك زارليغ بيله  
 بوغزين تارتار و عود اساني نغمه سي نيك ترغيي چنك  
 دين هم ارتار انداق كيم رباب باشين بيركا قويوب  
 نياز كور كوزكاي و قوپوز قولاق توتوب عيش غه  
 ترغيب اهنكين توزكاي . چون قانون و چغانه ناله سي  
 قولاق غه توشكاي و مهوش ساقى بوكونوب مى اياقغه  
 توشكاي اول وقت زهد و طاعت غه نى اعتبار  
 وهوش و خرد غه نى اختيار . اگرچه عشق فقر و تقوى  
 اهلينى رسوا قيلوردا بولاردين فراغ دور و ليكن  
 اول اوتنى ياروتور غه نى مى ييل دمي دين ياغ دور .  
 عرب تبوه سي حدى لحنى بيله باديه قطعى دا تيز  
 بولور بولوت بختى سي رعد صداسي دين صاعقه  
 انكيز انسانغه مخلص غلط خيال دور و ادمي غه  
 بوافتن دين قورقوماق ايق محال امانوطافه نيك ساري  
 هم اگرچه طرب ايبن و محنت زده لاردور وليكن  
 فى الحقيقه لثيم سيرت وكدا دورلار اينغوجى و چالغوجى  
 زارليغ و اينمالك بيله الغوجى تا بو بورغوجى دا صله  
 و انعام بار الار ملازم دورلار و خدمتكار تا صحبت دا  
 نعمت كوب الار غه بارجا امر و نهينك جوب



ترانه و نغم اگر ایشینکوچی نینک حیاتی انکا فدا بولسا  
 نی غم کونکل قونی خوش نواز دین روح قونی خوش  
 آواز دین . خوش خوان مغنی دین درد اهلی اونی  
 تیز دور اگر ملاحتی بولسا حال اهلی غه رستاخیز  
 دور . هر مغنی که درد مندانه راک نغمه چیکار زخه سی  
 زخم لبق یوراک کا کار کر راک تیکار . آتشین یوزلوک  
 مغنی که خلق دین ملایم سرود چیقارغای حال اهلی  
 نینک کویکان باغی دین دود چیقارغای . ملایم مطرب  
 که طبع و فهم انکا یار بولغای آدمی کونکلی ناش دین  
 بولسا انکا زار بولغای . خصوصاً کیم هم آبتغی  
 و هم چالغای کونکل ملکی کا نی فوزغالان لار که  
 سالغای سلوک اهلی غه بیر مخوف بیر بو منزل دور کیم  
 اندا هم نقصان و هم کمال حاصل دور . سالک  
 بویردا بیر مهلاک اهل به هم مقصود غه یتیب دور  
 و بیر ساغر جان کاه بیه ییل لار قازغانغانی هم ایلکی  
 دین کیتیب دور . شبلی و نوری قدس سرهما سماع دا  
 کیتابی لار و یول سلوکی بیه مقصود سر منزلی غه  
 یتیبی لار . بسا اهل الله که ارغنون اونیدین دیر غه کیردی  
 و دین و اسلام نقدین مغیچه لار کا یای بیردی .  
 میخانه ده کیم که می دین ابا قیلغای نی اونی بیر  
 دلکش نوا بیه اتی رسوا قلغای . اگر کیشتی می

## یگریمه بیرنجی فصل

(حفاظ ذکرى دا)

حافظ غه که بخشی مخرج وادا بیله تلاوت بولغای  
 مستمع لارنیک روحی غه اندین اسایش و جانی غه  
 حلاوت بولغای . اگر حسن صوت بولار غه باردور  
 ایشبنکوجی صاحب حال بولسا ایشی دشواردور . اگر  
 بد لهجه بولسا و بد ادا سرمه اینک خداسی قیلسون  
 خدا . اگر فاسق دور و بد معاش سرمه هم حیف دور  
 بوغزی غه مناسب دور تاش . اگر با وجود بو حال لار  
 بیلاکوب اوقوغای امید اول کیم اغزی صدف اغزی  
 دیک و تیلی سوسن تیلی دیک قوروغای .

❖ بیت ❖

یارب که هیچ بزم دا اول نغمه قیلاغای  
 اغزی غدادین اوزکا نیمه کا اچیلغای .

## یگریمه اکینجی فصل

(مطرب و مغنی ذکرى دا)

مطرب طرب افزا مغنی غم زدا ایکلاسی کا حال و درد  
 اهل خان قیلاور فرا . اول که که زکای ملائم

## یگره لانی فصل

( مفری لار ذکرى دا )

مؤذنى كه حق عبادتيغه ندا قيلغاي جان انكا فدا  
اكر يخشى صوت بيله ادا قيلغاي . اكر پاكليك و نياز  
بوايش كا ملحق دور خاص و عام كونكلى كا محبوب  
مطلق دور بوندا يامان لارنى فسق كنجى دين مسجد  
سارى باشقارور انداق كه فسونكرلار ييلاننى ترانه  
بيله توشوك دين چيقارور . و اكر مفرى لوندى دور  
بدآواز و كلغندى دور لحنى ناساز بدنى وضو قيددين  
ناپاك و هوشى وقت رعائتى دين بى باك و روحى  
طاعت ذوقيدى بى خبر و اوزى صوت الحيردين  
انكر منع و نهى توفراغين اغزيغه اورماق اولى  
بلكه طاق يا مناردى انى اوچورماق .

## ❖ بابى ❖

مفرى كه ابرور پاك رو و زاهدوش  
الحانى خوش و حسن اداسى دللكش  
جان انكا فدا كه روح ايتار آندى غش  
كر بولسا مونوئك عكسى نفس اورماسا خوش

بيك قرائتی محض رعنا ليق و ائمانيت جماعت دين  
ايلكارى چيقماغى عين رسوا ليق و نفسانيت . خيالى  
خلق غه پيشو ليق و تصويرى ايل كا مقنديل يق . نماز غه  
امامت كامل امام ايشى دور اوزين . ونداق تصور  
قليغان جاهل و ناتمام كيشى دور . امامت مناسب دور  
پيردين خيل مريد غه و يام . لم دين سوروك طفل  
نارسيد غه . يا عالم دين جهال غه شفقت او چون  
يا كامل دين توابع و عيال غه تربيت او چون . اداب  
عبادت تلفيق غه كاهى و تعليم شريعت ايني غه  
ناكاهى ناكام دين مناسب دور و ضرورت دين تجوز  
قياسا بولور . اما وظيفه و علوفه يماك و اوزين  
مقتدا و امام ديماك آدمى ايشى ايماس و انداق كيشى نى  
آدمى لار كيشى ديماس .

❖ نظام ❖

ولايت اهلى غه جمع ملا متبذ غه باق  
كه خلق كوزيدن ايلار نماز بنى ياشورون  
بو طرفه راق كه نمازى دا معجب نادان  
توتار امامت او چون خيل قبله سى دا اورون .



نمایان دور اما اطفال ناهموار یعنی اصلاحی غه  
ایر یک سوهان دور . اینک ایشی آدم دین کیلاس  
قایسی آدم که دیو فیلا بیلاس . بیر قاتیغ کیشیی بیر طفل  
محافظتی عاجز ایثار اول بیر سوروک کا علم و ادب  
اور کاتکای کور که انکا نی پیتار انجاسی بار که اول  
قوم ادراک و فهمی از توشار انداق کیشی کا یوز  
مونجا مشقت نی بوشار . هر تقدیر یله اطمال غه حق  
کوب دور اگر پادشاه لبق ینسا و انکا قولوق فیلسا  
خوب دور . شاگرد اگر شیخ الاسلام اگر قاضی دور  
اگر اندین استاد راضی تنگری راضی دور .

### ❖ بیت ❖

حق بولی دا کیم سنکا بر حرف او قوت بئش رنج ایله  
ایلاما ک بولاس ادا اینک حقین یوز کنج ایله .

### اون توتوزونجی فصل

( امام لار ذکر ی دا )

امامت قیلغوجی اوز قرانتی نینک شیفته سی دور و اوز  
نماز و نینک فریفته سی . کیشی لیک دین خیالی دا تصور لار  
و بخششی لیق دین ضمیری دا تکبر لار . اوز نمازین مقبول  
تخیل قیلغان جماعت نمازی قبولین هم تکفل قیلغان .

مالک دوزخ جهنم غه باشلاغانی بخشی . محبوب دین  
مکتوب هم خطی خوب بولغای هم مضمونی خوب  
جان غسه اول دور مرغوب و کونکلی کا اول دور  
مطلوب . خطی یامان هم بولسا یامان ایماس محب  
محبوب خطینی یامان دیماس یامان کاتب منزلی قلمدانی  
دیک چاه ارا بولسون قلمی دیک باشی یارا و یوزی  
قارا بولسون .

### ❖ بیت ❖

قایسی بیر کاتب که اول سوزکا قلم سوزکای خلاف  
اول قارا یوزلوک باشی بولسون قلم یانکلیغ شکاف .

### اون یکیزینجی فصل

( دیرستان اهلی ذکرى دا )

مکتب دار بی کند معصوم لار غه جفا کار اطفال  
عذابی غه راغب و الار تأدیبی غه مرتکب . ذاتی بی مدارا  
دماغی پولاد و کونکلی خارا غضب دین قاشی دا چین  
کنه سیرلار بيله ایینی کین . کوپرای دا طبع غلطی و طمع  
علی بیدار عقل قلی غه گرفتار اما توسن اطفال طبعینی  
جفا بیلارام قیلغوجی و ناهموار صفار طور یغه سیاست  
بيله اندام بیر کوچی . اگر چه خوی لاری درشت لیک دا

## اون یتینجی فصل

( کاتب لار ذکر ی دا )

کاتب شعرا سوزی نینک ورق نکاری دور و سوز  
مخزنی نینک خزانه داری خازن هنری امانت بولور  
وتصرفی خیانت بولور . امین کیم خیانت غه منسوب  
بولغای اوز هنری دا معیوب اولغای انداق نینک  
ایلیکی قطعی خوب بولغای . بخششی خط و نقطه دین  
صفحه غه جمال انداق دور که بخششی یوز صفحه سی غه  
خط و خال . خوش نویس کاتب سوزکا ارایش بیور  
و سوزلا کوجی کا اسایش یتکورور . راقم که رقی راست  
راست لار کونکلی کا قبول لیغی بی خواست . محرر که  
تحریری توز پسندیده دور اگر بیریت بیتیر اگر بوز  
اگر خط صورتی ناخوش دور معنی خیلی و اوقوغوجی  
اندین مشوش دور . خوش نویس هم کیم سهوی کوب  
بولغای ایلیکی قیلنج علی غه جوب بولغای . اولکه بی جا  
نقطه بیلا حبیب نی خبیث قیلغای و محبت نی محنت  
ایننک دیک خبیث و محنت زده غه یوز لعنت . یامان  
خط غه غلط بی حساب قاری مسخره سقالی غه  
خضاب . اول ساقالین مبرز غه تاشلاغانی بخششی و اباسین

مشقت بیلا ییتی بیت که باغلاشورغای لار دعوی  
 وازه سین ییتی فلک دین اشورغای لار . سوزلاری دانی  
 حقایق و معارف نوشی دین حلاوت و نظم لاری دانی  
 شوق و عشق اوتیدین حرارتی شاعرانه ترکیب لاری  
 احسن و نی عاشقانه سوز و درد لاری شعله افکن .  
 بعضی دین اگر کاهی بیرار یخشی بیت واقع بولور  
 اما نیچه یامان دعوی هم ظاهر بولور که اول هم  
 ضایع بولور . کر بیری بیر نازک معنی دا پسندیده هیچ  
 قیلور اما اون انجا ناپسند دعوی بیلا اتی هیچ قیلور .  
 کوبا اوزلاری کا عقیده دا موافق دورلار و سوزلاری کا  
 اعتقاد دا متفق . طرفه راق بو کیم هر بیری نینک  
 سوزی دا معنی ازراق اوزی دا دعوی کوپراک . نعوذ  
 بالله من شرور انفسنا و من سیئات اعمالنا .

### ❖ رباعی ❖

اعلا لاری دور نیدین که دیر سین اعلی  
 ادنی لاری هم بار چا دنی دین ادنی  
 اوسط لاری کیم هیچ نیمه کا یاراماس  
 بیل کیم نفس اور ماماق الار دین اولی .



مصلح الدین سعدی شیرازی و عشق کروهی نینک  
 پاکبازی و پاک روی امیر خسرو دهلوی و تصوف  
 و دقت مشکلاتی نینک کره کشایی شیخ ظهیر الدین  
 ثنائی و فرید اهل یقین شیخ اوحمد الدین و معانی  
 اداسی غه لافظ خواجه شمس الدین محمد الحافظ  
 یانا جمعی هم بار دورلار که مجاز طریق اداسی الار  
 نظمی غه غالب و الار بو شیوه غه کوپراک راغب  
 دورلار انداق که کمال اصفهانی و خاقانی شیروانی  
 و خواجهی کرمانی و مولانا جلال و خواجه کمال و  
 انوری و ظهیر و عبدالواسع و اثیر و سلمان ساوجی  
 و ناصر بخاری و کاتبی نیشابوری و شاهی سبززاری  
 یانا حقیقت و مجاز طریق دا کامل و علمی ابکالاسی  
 طریق دا وافی و شامل نظم اهلی نینک مقتداسی  
 و امامی حضرت شیخ الاسلام مولانا نورالملة والدین  
 عبد الرحمن جامی نورالله مرقده و قدس سره دور  
 کیم اولغی طبقه روش و کلامی دا هم شریف مقال  
 و سونکخی طبقه نینک اداسی لطیفی دا هم صاحب کمال  
 دور کیم عالم دا ذوق و حال اهلی بولار لطیفی بیلا  
 مسرور دورلار و بولار معارفی بیلا حضور قیامورلار  
 یانا ادنی طبقه سی جماعتی دورلار کیم نظم فقط  
 بیلا خشنود و خرسند و راضی بهرهمند دورلار یوز

ایل حرمتی جهت دین اتی شعر ادیماس . اما بو عزیز  
 قوم نینک پیشوا و مقتداسی و بو شریف خیل نینک سر  
 دفتر و سرخیلی ولایت بحری نینک کوهری و کرامت  
 اوجی نینک اختی امیر المؤمنین علی رضی الله عنه  
 و کرم الله وجهه دور کیم نظم دیوان لاری موجود  
 دور و اندا اسرار و نکت نامه دود . بو مظهر  
 العجایب غه کروهی کیم تابع دورلار بعضینی عرض  
 قیلالی کیم لار واقع دورلار . فارسی عبارت دا اول  
 جله دین ناظم جواهر اسرار شیخ فریدالدین  
 عطار دور یانا قابل مشنوی معنوی غراض بحر یقین  
 مولانا جلال الدین یعنی مولوی رومی دور که الار  
 مقصود لاری نظم دین اسرار الهی اداسی و معرفت  
 نامتاهی املاسی دین اوزکا یوق دور .  
 یا ناهم اولیاء اکاء و مشایخ و اهل الله بار که بولار غه  
 تتبع قلیب دورلار و بولار کلامی اداسین و حقایق  
 معناسین مستحسن بلیب دورلار . بو خیل دور  
 حقیقت طریق نینک سخن وری بلکه کیمیا کری و  
 کبریت اجری . یانا بیر جماعت دورلار که حقیقت  
 اسرار یغه مجاز طریقین مخلوط قلیب دورلار  
 و کلام لارین بو اسلوب دا مربوط ایتیپ دورلار .  
 انداق که معانی اهلی نینک نکته پردازی یعنی شیخ

اینک شربت . اگر فنی داماهر بواسا اما بدخوی و بی پروا  
و درشت کوی مر یض غه اگر چه بیر جانبین علاج  
یتکورور اما نیجه جانب دین تغییر مزاج یسکورور  
لیکن عامی کیم ایرور شاگرد جلاد اول تیغ بیله  
و بو زهر بیله قیافه و جی پیداد . اول موندین بخشش راق  
دور بی اشتباه کیم اینک قتلی کنه کارلار غه دور  
مونونک بی کنه لار غه . هیچ کنه کار انکا ذلیل  
بولماسون و هیچ بی کنه مونکا علیل .

حاذق طیب خوش کوی تن رنجی غه شفا دور  
عامی و تند و بدخوی ایل جانیه بلا دور

### اون الیمچی فصل

نظم کلماتی نینک خوش نغمه قرش لاری ذکر ی دا  
و اول نیجه طبقه دور .

اولخی جماعت نقود کنوز معرفت الهی دین غنی و خلق  
تعریفی دین مستغنی دور لار . ایش لاری معانی خزاینی دین  
جوهر تیرماک و ایل فیضی اوچون وزن سلکی کا نظم  
بیرماک . نظم اداسی بغایت ارجند و بی نهایت شریف  
و دلپسند اوچون ایات کلام دا نازل بار و حدیث  
معجز نظام دا تیرلاکان تاپار . چون مع القصد ایماس

قطعه

هرنی که آیتور اولسا خدا ورسولدین  
اندین سونک اولسا مجتهد و اولیا سوزی  
اندین کیشی نی کیم ایشیتور یا که اورکانور  
بولغای خدا سوزی یوق ایسه مصطفی سوزی .

اون یشینجی فصل

( اطبا ذکر ی دا )

طیب غه اوز فی دا خداقت کبراک و بیمارلار  
حالی غه شفقت . نفس تعبی غه طبعی ملایم و حکما  
قولی غه پیرو و ملازم . سوزی دا رفق و دلجوی اوق  
و اوزی دا ازرم و خوش خوی اوق . حاذق  
طیب که شفقتی بولغای عیسی روح الله غه نسبتی  
بولغای . عیسی ایشی چیققان جاننی تن غه کیلتورماک  
دعا بیله و مونوک ایشی تن دین چیقا دورغان  
جان غه مانع بولماق دوا بیله مونداق طیب نینک  
یوزی مریض کونکلی کا محبوب دور و سوزی بیمار  
جانی غه مرغوب دی علیل لار غه دوا قسری  
خسته لار غه شفا . خضر نجات اینک طلعتی اب حیات



فتویٰ دا چو بولدی مزد اوچون لا و نعم  
قیلساق کبراک اول قلم زن ایلسکینی قلم

## اون تور توتجی فصل

( مدرس لار ذکرى دا )

مدرس نینک کبراک که غرضی منصب بولماسا و بیلما  
علمی آیتورغه مرتکب بولماسا . خودنمالیغ اوچون  
درس حوزہ سین توزماسا و خودستان لیق اوچون  
تکلم و غوغا کورکوزماسا . جهل دین دستاری  
اولوغ و علاقہ سی اوزون بولماسا مباہات اوچون  
مدرسہ ایوانی باشی انکا اوروں بولماسا . دینی علوم  
بیلما و یقینی مسائل ایل کا تعلیم قیلسابی بالیک لار دین  
هراسان و ناپالیک لار دین کریزان بولسا . یوق که  
اوزین عالم و حلال بیلکای و نیجه مجهول غه انواع  
فسقنی مباح بلکه حلال قیلغای . قیلماس ایش لارنی  
قیلماق اندین معلوم بولغای و قیلور ایش لار ترکی  
اندین قاعده و رسوم بولغای . بو مدرس ایماس که  
مبتدع دور و مونداق کیشی صحبتي اسلام اهلی دین  
ممتنع عالم کبراک که متقی بولسا و اکاه و ایتوری قال الله  
وقال رسول الله .

## اون اوچنچى فصل

( مفتى فقیه لار ذکرى دا )

مفتى فقیهى کبراک متدین و عالی کبراک مؤمن اسلام  
 علمى دا ماهر دیانت نوری جبینى دا ظاهر • میل دین  
 کونکلی بنی قصور و حیلہ دین ضمیری بنی فتور • قلمی  
 روایت دا صادق رقی مجتهد سوزی بیله موافق  
 یوق که فاسق بولغای می خوار و جاهلی بولغای  
 بد کردار و غدار بیر درم اوچون بوز حقنی ناحق  
 ایتکوجی و از کرم اوچون کوپ لانی نعم بیتکوجی •  
 بیر سپد اوزوم اوچون بیر باغنی کویدور ماک دین  
 غمی یوق و بیر باتمان بوغداى اوچون بیر خرمنی  
 ساوورماق دین المی یوق • مفتی که حیلہ بیله فتوا  
 توزار قلم نوکی بیله شریعت یوزین بوزار • مزد  
 اوچون سیم الیب که مالی غه قاتار دیننی دنیاغہ  
 ساتار • مونداق مفتی ادمی کش طیب دور بیرى کا  
 اسلام قتلی بیرى کا مسلمان لار قتلی نصیب •

❖ رباعی ❖

مفتی که ایشی کا مزد الیب قیلسا رقم  
 مزد ارتوق ایسه میل کبراک قیاغای کم

قاضی رشوه خوار اسلام حصارى غه رخنه کر اول که  
 رشوه بیریب قضا الا لغای رشوه الیب هنم شرع نی  
 بوزا لغای . قاضی کیراک که جاده شرع دین قدم  
 چیقارماغای و صراط مستقیم دین تاشقاری بارماغای .  
 مستقیم خط هر قایان که میل قیلدی ایگری بولدی  
 ساز تارى دیک که اعتدال دین تجاوز قیلدی  
 توزوی بوزلدى .

اول که حکمی ایل مالی و جانی غه جاری بولغای کیراک  
 که داءبی پیغامبر شعاری بولغای . ایاغی که صراط مستقیم  
 دین تایلدی ویل چاهی تو بین مقام قیلدی . بو  
 ایش نی اوزی قیلورین دیکان بی باک و کاذب کاذب  
 و بی باک کا پیغامبر شرعی حاکم لیغی نی مناسب .

❖ قلم ❖

مخبر صادق شهری کیم قیلدی دینی و شرع نی  
 باری ادیان ناسخی انداق که ممکن ایردی توز  
 کاذب اول یوانی نیچوک توزکای که بیر کذاب هم  
 قیلدی کوب دعوی ولی قوبدی جهنم ساری بوز .

انی دیسا بولور والسلام . ❖ بیت ❖

موندین اولدی مقرب باری

شیخ الاسلام یریر انصاری .

اون اکینجی فصل

( قضات ذکری دا )

قاضی اسلام بناسی غه ارکان دور و مسلمانلار خیر  
و شری غه نافذ فرمان . دینی علوم دین کونکلی  
ملکی معمر کیراک و یقینی فراست دین خاطری جمعی  
بی فتور . میل شخصی ضمیری کشور دین متواری  
مداهنه طرازی ملایمتی دین صادق کونکلی عاری  
محکمه سی مخزن علوم شرعیه حکم قبلوری دا اشنا  
ویکانه انکا علی السویه . علم و تقوای دین کونکل  
لاردا شکوه دقت و فراستی دین بی دیانت لاردا اندوه  
کونکلی کلام الله احکامی دین قوی حکمی دا مقتدی  
احادیث مصطفوی . شرعی حبله لار کرهی دین  
قلبی اچوق فقها تزویرلاری تیره لیک دین ضمیری  
یاروق . رشوه خوار مفتی لار قاشی دا منکوب و حبله کار  
وکیل لار الییدا معیوب . عامی قاضی که می ایچکای  
اولتور کولوک دور دوزخ اوقی غه یتیماس دین بورون  
کوبدور کولوک .



و خیلین دریا تیکراسی دای انهار . دریا سوی غه  
کیفیت و خاصیت انهارغه هم اول خاصیت  
و کیفیت دور اول اجیغ بو اجیغ اول چوچوک بو  
چوچوک اول تیره بوتیره اول سوزوک بو سوزوک .

❖ مشو ❖

اریغ لار که اول بحردین ایریلور  
یلک لیک الارینک سویین بیر ییلور  
چوبیر دور سو دریا یله نهر ارا  
ایناس طعمی دا حاجت ما جرا .

### اون بیرینجی فصل

( شیخ الاسلام ذکرى دا )

شیخ الاسلام مسلمان لار پدشواسی دین عبارت دور و  
اسلام مقتداسی غه اشارت دور . موندان کیشی عالمی  
کبراک اسلام پناه و عارفی کبراک مقرب درگاه .  
خردمند شریعت شمار فقرغه خرسندی طریقت اثار  
بخشی یامانغه شفقتی و فیضی عام اولوغ کیچیک کا  
ارشادی نفعی مالا کلام کامی شرع قانونی غه راسخ  
بارچا مبتدع لار بدعتی غه ناسخ .  
انکا که بونوع اولغای این اسلام شیخ الاسلام

طرفه بوکیم چون حق نینک هر ایل کا عنایت پنهانی  
 بار بولار اراسی دا هم یاشورون ایران لار نینک امکائی  
 بار . اوردو بازاری اوزین یاساغلیق غه قاتغوجی  
 اونکای هم اونکمای اغیر ساتقوجی . چیریک  
 اولوشی دین هر بار الار شتل خوار انداق که ملک  
 اهلی دین عملدار .

سپاهی مالین اول خیل تباهی  
 تون وکون مفت الیب خواهی نخواهی .  
 ممکن یوق کیم ادمی زاد الارغه سزا بیرکای زبرا کیم  
 تنکری الارغه بلا بیرکای .

### اونونجی فصل

( شاه اولوسی اوزی کا مشابه بولور ذکریدا )  
 شاهغه هر کیم که ملازم وتابع بولغای ایشی وطوری  
 شاه ایشی کا مشابه واقع بولغای .. اگر شاه عدالت  
 شعار اولوسی نینک شعاری دا هم عدالت دین اثار  
 اگر اول ظلم پیشه ایل دا هم ستم دین اندیشه اگر اول  
 اسلام این خاقی شعاری هم اسلام بیله دین اگر اول  
 کفر خصال ایلی کا داغی کفر طریق دا افعال کیم  
 حکما شاهانی دیب دورلار بیر دریای زخار و قوم

## توقوزنجی فصل

( یساغلیق و قرا چیریک ذکرى دا )

یساغلیق دیکان قرا چیریک یا جوج و مأجوج خبلی غه  
شیریک . ایمکادین الارغه ارام یوق یاساق تارتاردین  
بیر نفس کام یوق ایش لاری تالای الغانی تالاماق  
یات یورت دا چوکورتکادیک سبره و یافراغنی یالاماق  
انسانلیق یله الار اراسی دا مبادت مسلمانلیق یله  
الار اورتاسی دا منازعت . فهم وادراکدین الار ذاتی  
عاری و عقل و انصاف . لذات باری . قایان غه  
که یوزلاندی لار الارغه ، یانماق یوق کچه و کوندوز  
تغافل اویقوسی دین اویغانماق یوق . یسیغ ساووغ  
تن لاری غه تفاوت قیلای اچایق یالانغاج ایق ضرربنی  
جسم لاری بیلای . ادی سیرلیق دا مخلوقاتدین ممتاز  
حیوانلیق لاری کوب مردم ایق لاری از .

❖ قطعه ❖

اول قوم دین اعجوبه خلایق بولماس  
کیم معدده لاری حرام دین تولماس  
اولکونجه بلاچیکیب ایرور لار موجود  
چین بولدی بودعویکه یساغلیق اولماس .

## سیکیزنجی فصل

( یساول کروھی ذکریدا )

یساول که بیر مظلوم ایشی کینی جا بارغای و اول  
مظلوم نی ظلم دین قوتقارغای اگر مزد تیلاماکی  
مقدور دین ارتوغراق دور اول ظالم غه اولوغراق  
اورتاق دور . اگر سعی غه یاراشا الور خیالی بولغای  
اتا میرانی و انا سوتی دیک حلالی بولغای . اگر طمعی  
حق السعی دین کم دور ایرلیک و مربوب انکا مسلم دور  
و اگر سعی قیلغای و الماغای مزد که اکا حق دور اتی  
دیسابولغای که ولی مطلق دور کوب ایرانلار بو ایشنی  
شعار ایتیپ دورلار و بو سلوک بیرلا کلی مقاصد غه  
یتیپ دورلار .

❖ مشورے ❖

اولیاء الله که هر صورت دا بار  
بعضی ایتیش بوروشنی اختیار  
چون ایرورلار قبه لار ایجرا نهان  
حق دین اوزکا کیمسه کا ایرماس عیان .



حالیغه صف شکن لاری اوز یا سالی غه . بو نوع  
بهادر هیچ معرکه دا بولماسون هیچ صف بوزاردا ایندک  
قانی تولماسون . شاه غه سپاه عاجز لار دعاسی دور  
فقرا همتی و تنکری رضاسی دور . شاه کیم انکا  
حق عنایتی سپاه بولغای لواسی نیک زبنتی نصر من الله  
بولغای شادغه نادوات بار دشمنی ایرور خوار و خاکسار  
دوات ینکوریچی تنکری هم الغوجی هم بیرکوجی  
تنکری اول بیرسه کیشی الالماس اول ینکورسا کیشی  
ییراق سالالماس . شاه که حق امرین بجا کیلتورکای  
بودوات کوب خوف لارغه رجا ینکورکای .

❖ نظم ❖

شهی که صدقی ایندک تنکری! بیرلاتوز بولغای  
نی غم عدوسی ایندک بیر بوق ایرسا بوز بولغای  
کیشی کا تنکری بیرور فتح بوق که خیل و سپاه  
بس اعتماد مونکا ایلاماک فی سوز بولغای

❖ بیت ❖

چیریک بولسا و بولماسا بخت یار  
سپه غه عدو خیلی نندک حکمی بار.

## یتیمچی فصل

( فاسق بدمعاش بهادر لوق لافین اورغانلار ذکریدا )  
 شاه ایشیکی کا یار ماما غنی ضایع قیلغوجی جماعت کیم  
 الاردین نی تنکری غه طاعت دور و نی شاه غه  
 اطاعت . طریق لاری خود نمای ایغ ورسم لاری هم  
 خود ارالیغ . ایش لاری مستایغ ورزش لاری هم  
 خود پرستلیغ . چین دیمک لاری لاف معنی لیق سوز لاری  
 کراف . جرعه کش لیک دین لاری کافروش لیک  
 آیین لاری . کونکل لاری توپچاق سیکریتور دین ارام  
 تپاق سوز لاری باش یالانک یوزکا چاپاق . بزم دا  
 دعوی لاری حاتم لیق رزم دا تلاش لاری رستم لیق .  
 اوتاغ لاری دین نسر طابره رم نیر لاری دین سماک  
 راح یوزی درهم . طور لاری دین اشفته راق الارغه  
 دستار دستار علاقه سی دین اوجا لاری دا ازار . ملک  
 دشمنی دفعی غه شهرت لاری شاه غه ملک اسرار منت  
 لاری . بو دعوی باش غه یلکونجا نیجه سینی می  
 اولتوروب نیجه سین اوزکا فسق دوزخ غه یلکوروب  
 یوزی دین بهری که معرکه غه یلتیب یورتاغ چاپیش  
 بیل اوزینی ضایع ایقیب مبارز افکن لیک لاری اوز

اندا طلبه . نوکرلاری غه اش خانقاه راتبه سی دین  
 و جهره لاری غه معاش شیخ و مدرس و وظیفه سی دین  
 . بزمی کامی کیتورکالی محتسب راضی و می غه باده  
 پالاریش قاضی . کشوری که اندا مناهی مونداق  
 بی حساب بولغای اسلام و شریعت غه نی عزت  
 و نی حساب بولغای . صدر کیراک علما غه دستیار بولسا  
 و مشایخ غه کارکنار و خدمتکار و سادات غه مدد  
 و فقرا خدمتی دا مجد و اوقاف بوزوغین توزکوجی  
 و زراعت کثرتی دا سعی کورکوزکوجی .

❀ مشهور ❀

یوق اول کیم فاسق و خیار و زکه  
 که بوزغای کرچه بولغای خواجده ده  
 رکابی نقش کیمسان بق سراسر  
 تونی دا اندین ارتوق زیب و زیور

❀ قطع ❀

کیراک که باشی غه قویسا علاقه لیک دستار  
 یاناردا هم اینسک ایکنی دا مو تون الی دیک  
 بوق اول که مرکبی بوینی غه باغلاب اس سا قوطاس  
 اسیلغای اوزی نینک اوز بوغزی دین سقالی دیک

کلاک لاری نوکی عقرب نیشی رعیت جانی غه  
 اول نیش تشویشی . نیجه مونداق نیش مظلوم لار غه  
 سانجیلغای امید اول کیم باش لاری اجسل تاشی  
 بیله یانجیلغای .

❖ قلمه ❖

بولاردین کر اعلا کر ادنی دورور  
 که اندین خلائق غه ایذا دورور  
 شه اولتورماک اول دور اول ایلنی بات  
 که دیب دور نبی اقتلوا المودیات .

التمیخی فصل

( ناقابل صدرلار ذکر ی دا )

بی دیانت صدور بدعت سیئه دور بلا ضرور بونا کس  
 اگر عامی دور و فسق و فجور اینک کامی دور مجلسی دا  
 نغمه نوازلیق علم و تقوی عزاسی غه نوحه سازلیق .  
 علما کیلتورکان کلاب شیشه لاری خالی قالیب باده  
 سالور غه آتی ملازم لاری الیب . بولار کیتورکان  
 نبات کرک اوچون اوشالیب و کویا بولار  
 اوچون یاسالیب . وظیفه وجه لاری اوزکا اسباب  
 اوچون سایغالیب . بد کردار اندا غلبه پایکار



تشتکاهی غه کیتورماسون و یوقلوق زندانی دین  
بارلیغ شهرستانی غه یتکورماسون .

## یشتی فصل

(وزرا ذکریدا)

وزیر وزیر دین مشتق دور و بوفعل اینک ذاتی غه  
احق و الیق . بوایشنی پسندیده قیلغان اصف  
ایرمیش کیم نکیفی نقشی «قدرحم الله من انصف»  
ایرمیش . همانا که اصف باردی و انصف کوه رینی  
بو نا انصف لار اراسی دین چیقاردی . کیشی  
اوزین اگرچه ییل دیک هر یان سالغای اصفنی  
بو خاکداندین قایدا تاپا الغای . دهر ایلیدا بیر آو که  
اصف نهاد دور ییلکای که سلیمان تختی برباد دور .  
بو ظالم لار ملکنی برباد بیرکوجی دورلار و ملک  
اهلی یغیش تورغان لارین یتیرکوجی . اولی اول که  
بولار ذکریدا کیشی خامه سورماکای و بو خامه  
دیک قارا یوزلوک لار آتین قلم ییلی کا کیتورماکای .  
زهر بیریب بیمار اولتورکوجی طبیب لیق بولار غه  
نصیب زور بیله اولتورکوجی یخشی لار بولار غه  
کورا ترک طبیب . بوایکی خیل دین هر بیر ییر  
افعی شاه غه واجب دور بو لار نینک دفعی . بولار  
جمله سی چیان لار خلایق غه یتکوروردا زیان لار

بلکه نقیض توتقانلارغه تهمت ناصواب خیالی  
 توز چیماسا شرکتی یوق لارغه عتاب بلکه خبری  
 یوق لارغه عذاب . حیات سویین اغو دیسا مسلم  
 توتماغان کنهکار قویاش نورین قارانکغودیسا  
 تحسین قیلماغان تیره روزکار اوز جانی دین قطره نینک  
 دریادچه حرمتی و ذره نینک بیضاجه قیمتی ایل طرفیدین  
 مال عالم بیر قارا پول دین کم و فدا قیلغان جان عزیز  
 انجا یوق که بیر پیشیز قارا قوزغوننی آق تویغون  
 دیسا قازنی بخشی الور دیماسان مقصر یاروق  
 کوننی تیره تون دیسا سها کورونادور دیماسان  
 مدبر . چین دیر ایل کا جان خطری خیرغه دلالت  
 قیلغوجیغه اولوم ضرری . حق اینک قاشی دا باطل  
 خردمند اینک عقیده سی دا جاهل ایل دین کونکلی دا  
 کینه سی مخفی خزینه سی نینک دینه سی قتل  
 اوچون جان بیرمالک شعاری ایل مال و جانی غه  
 قصد شهکاری . بویامان پادشاه که بولغای وزیر  
 هم یامان انداق که فرعون نیابتی دا هامان .

❖ بیت ❖

ایلا کیم بولغای مدد شهبازغه هم جعفری  
 یا و بایی خلق غه طاعون هم اولغای بر سری  
 تینکری مونداق بلالارنی عدم جاهی دین وجود

## تورتوخی صل

(ظالم و جاهل و فاسق پادشاه ذکرى دا)

عادل پادشاه کوزکو و بوانینک اوجه سی دور اول  
 یاروق صبح بو اینک قارانکغو کیمه سی دور . ظلم  
 اینک کونکلی کا مرغوب و فسق اینک خاطری غه  
 محبوب ملک بوزوغلوغی دین ضمیری غه جمعیت  
 اولوس پریشانلیغی دین خاطری غه امنیت .  
 آبادلار اینک ظلمی دین ویرانه کبوتر طاقه لاری  
 جغدغه اشیانه . باده سبلی چون بزیمی دا طغیان  
 قلیب اول سیل ملک معموره لارین ویران قلیب  
 سوچی خانه سی غه فرش مسجد رواقی تو کولکانی دین  
 وکوب لاری باشی غه خشت محراب طاقی  
 ییمروالکانی دین . اگر قان توکال انکا پیشه کیم که جانی  
 بار انکا اندیشه اگر شرب غه مشعوف کوی و کوچه  
 مسلمان لار غه مخوف . اگر فاسق بولسا و بد فعال  
 ایل عرضی و عیالی غه اندین بیم نکال و اگر ستیزه  
 روی بولسا و خود رای مشفق نوایی جانی غه وای .  
 اوز ناشایستی اوز الیدا خوب ایل معقولی انکا  
 مردود و معیوب . کوب خدمت از سهو بیله الیدا  
 نابود کوب حق از خطا بیله ایلائی دا ناموجود .  
 خطا رأیی اونک کیلسا دخل سیرلار غه شرکت

وانینک آخرتی غمینی یکوچی یامان لار اندین هراسان  
 یحشی لار دشوار یغی اندین آسان . ایل مالی طمعی  
 کونکلی دا نابود و عیالی خیالی ضمیری دا ناموجود  
 مرادی رعایا امنیتی و مقصودی برایا جمعیتی .  
 اول مسلمانلارغہ رضاجوی و مسلمانلار انکا دعا کوی  
 اوزی نینک ذاتی توزوک و سعی شاه ایشیکی دا  
 توزوک لوک . شاه ایشیکی مونداق بیک دین خالی  
 بولماسون . و دولت نینک اوزکا لارکا انتقالی .

### ۱. اوچنچی فصل

(نامناسب نایب ذکریدا)

یالغانچی خود نما نایب نسبتی مسئله کذاب ملتی  
 نبوت تهمتین اوزی کا سالغان جبریل و وحی  
 دین دیکانی باری یالغان . مونکا هم شاه خصوصیتی  
 اظهاری غیر واقع و یالغان باری . یالغان حکم  
 ییتکوروریغہ باعث طمع شوم اوتروک پروانه  
 ییتکوروریغہ سبب حرص مذموم . نیمه الورد یالغان  
 انکا چین اوزنیغہ مسلمانلارغہ نقصان انکا دین  
 اوزنیغہ . یالغان باری دا چین دیمکی محال رشوت  
 الورد اوزکا سوز دیب اما کونکلی دا اوزکا خال  
 مونداق نائب که بیر بولماغای فعل و قولی شاه  
 ایشیکی دن کم بولغانی اولی .



❖ شوی ❖

اولوس پادشاهی و درویش وش  
 انکا شاهلق دین کیلیب فقر خوش  
 جهاندار لارغه سپهر اشتباه  
 ولی اهل فقر الییدا خاک راه  
 جهان ملکی الییدا خاشاک جا  
 ولی بیر کونکل ملکی افلاک جا  
 باری بی نوالار نواسازی اول  
 همول نوع کیم شاه ابوالغازی اول  
 کیلیب عین انسان وانسان عین  
 جهان وارثی شاه سلطان حسین  
 که تابولسا کردونغه دوارلیق  
 انکا باقی اولسون جهاندار لیب  
 خلایق غه بوشه دین اولسون نشاط  
 دمی بولسا سون خالی اندین بساط

ایکینجی فصل

( اسلام پناه بیک ذکریدا )

مونداق شاه غه مسلمان بیک نبی خدمتی دا تورت  
 یاردین بیری دیک . نامرادلار نینک پناهی پادشاه نینک  
 دولخواهی شاه غه دنیا دا چین سوز دیکوچی

دین تا سحر خانقاه لار ایشیکی اچوق و خلوت لار  
 عبادت نور بدین یاروق شهر دا کوی لار پاسبانی اول  
 و یازی دا قوی لار شبانی اول . رعیت غه، سرا  
 و باغ اندین معمور و سپاهی غه کام و فراغ اندین  
 موفور . کجه لار ازاك ضعفاسی ایشی اورغوشك  
 و اطفال ورزشی اق سونكاك عجز لار چرخ اونی  
 مدی بيله اینك دعاسیغه نغمه ساز و کینر لار ماموق  
 ساباق کوسی اونی بيله اینك القیشی غه نغمه پرداز  
 فقرا ایشی انکاهم دعاهم نازش اینك دأبی فقر اعه هم سخا  
 هم نوازش . اچ لار غداسی بذل و عطاسی خوانیدین  
 یا لانغاچ لار لباسی خزانه لطف احسانیدین . ملک  
 باغین معمور قیلور غه ابر سیراب ملک اهلی کوزین  
 یار و تور غه مهر جهانتاب . اوزکا ملک نینک رعایا  
 و خلقی اینك آرزوسی دا یانا کشور مظلوم لاری اینك  
 عدل دعاسی گفت و کوسی دا . یخشی اتی غه علما ایشی  
 رسائل تربیی و یخشی صفاتیغه شعرا و ورزشی  
 قصاید ترکیبی . مغنی لار اشتغالی شناسی اوچون سرود  
 توزماك و مصنف لار مقالی دعاسی اهنگی دا نغمه  
 کور کوزماك . خلق رضاسی دین حق رضاسی غه  
 طالب دادخواه سوراردا سوروغ کونی و همی کونکلی  
 کا غالب :

دین بیک راک ایرور « ولدت فی زمن السلطان  
 العادل » اندین خبر بیرور . اول که اینیک  
 ذاتی بیلہ مباهی دور کونین دیب دور که « عدل  
 ساعۃ خیر من عبادۃ الثقلین » عادل پادشاه حق دین  
 خلایق غہ رحمت دور و ممالک کا موجب امنیت  
 ورأفت . قویاش بیلہ ابر بهار دیک قارا توفراغ دین  
 کل لار اچار و ملک اہلی باشی غہ التون بیلہ درلار  
 ساچار . فقرا و ناتوان لار اینیک رفق و مداراسی  
 دین اسودہ ظلمہ و عوان لار اینیک تیغ سیاستی دین  
 فرسودہ . حراستی دین قوزی بوری خوفیدین  
 ایمن و سیاستی دین مسافر قراچی و ہمیدین مطمئن  
 رأفتی دین ہر مکتب دا اطفال غوغاسی و محافظتی  
 دین ضعفا حامی دا الارینیک علااسی . ہیبتی دین  
 بول لار قراچی دین خالی و قول لار تولا اولوس مالی  
 ضبطی دین عمل دارلار قلمی سینوق و ستمکارلار  
 علمی یقوق جدی دین مساجد جماعت اہلی دین  
 مملو و مدارس دا بحث و جہدل خیلی دین غلو .  
 قصاصی تیغی دین اوغری ایلیکی ایل مالی دین کوتاہ  
 انتقامی بیی دین قاطع طریق حالی عدم یسابانی دا  
 تباہ . تون نینک کوبی دکان لاردا سودا او چون  
 شمع و او باش کوچه کشتی دین کونکل لاری جمع . شام

و هر نوع ایل صحبت و خصوصیتی که الارغه  
هوس بولغای بوقیر نینک تجربیه سی الارغه بس  
بولغای چون بومقالات نینک قابوغه محبوب لوغی  
معلوم بولدی انکا (محبوب القلوب) ات قویولدی.  
و بوییلکان فوائد نینک کیفیتی چون ییلیدی  
انی اوج قسم قیلیدی

اولخی قسم سائر الناس نینک احوال و افعالی نینک کیفیت  
ایکینجی قسم حمیده افعال و ذمیه خصال خاصیتی  
اوجو بی قسم متفرقه فوائد امثال و صورتی .

امید اول کیم چون اوقوغوجی لار دقت و اعتبار  
کوزی بیله نظر سالغایلار و هر قایسی اوز فهم  
و ادراک لاری غه کورا بهره الغای لار بیتکوجی کا  
هم بیر دعا بیله بهره یتکورکای لار و روحینی اول  
دعا روحی بیله سیووندورکای لار .

اولنی قسم خلائق احوال و افعال و اقوالی نینک  
کیفیتی دا و اول قیرق فصل دور

### اولنی فصل

(عادل سلاطین ذکریدا)

عادل و عاقل پادشاه عباد الله غه ظل الله خلافت  
ملکی ایندک فرمانی دا «انی جاعل فی الارض خلیفه»  
اینک شانی دا . بوکیم عادل پادشاه رفعتی تعریف



بو مقدمات دین مقصود بو کیم هر کوی دا یو کوروب  
مین عالم اهلی دین هر نوع ایلکا اوزومنی ییتکوروب  
مین و یخشی یامان نینک افعالین بلیب مین و یامان  
یخشی خصلت لازین تجربه قلیب مین . خیر و شر دین  
نوش و نیش کوکسومکا تیکلیب دور و لئیم و کریم  
زخم و مرهمین کونکلوم درک ایتب دور زمان اهلی  
دین بعضی اصحاب و دوران خیالی دین بعضی  
احباب که بو حال لار دین خبر سیز و کونکل لاری  
بو خیر و شر دین اثر سیز دوز :

❀ قطعه ❀

نی بیلکای اول کیشی کیم شهد و محنی تانمایدوز  
که وصل و هجر کبی اول جوجوک دوروز بواجیغ  
بیلور ذلیل مسافر که پویه ایلاردا  
قوم و توزانک یومشاغ تاغ و خاره دور قانیغ  
بو نوع اصحاب و احباب غه انتباه قیلاق و الارنی  
بو حالات دین اکاه قیلاق واجب کوروندی که هر طائفه  
خصالی دین وقوف لاری و هر طبقه ایلی دین شعور لاری  
بولغای که مناسب ایل خدمتی غه شتاب قیلاغای لار  
و نامناسب ایل صحبتی دین اجتناب واجب بیلکای لار  
و باری ایل بیله مخفی راز لاری دین سوز دیماکای لار  
و شیطین انس مکر و فریبی دین بازی یماکای لار .

بهره مند و سوزومنی دلیسند تاپتیم . ❀ رباعی ❀

کردون منکا که جفا و دونلوق قیلدی  
بختیم کبی هر ایشدا زبونلوق قیلدی  
که کام ساری راهمونلوق قیلدی  
القصة بسی بوقلونلوق قیلدی

اما شغل و کامرانلیغ چاغی دا و کونکل ملکی و خلق  
هجومی بولغاغی دا گاه امارت مسندی دا اولتوردوم  
و حکومت محکمه سی دا دادخواه سوردوم و گاه پادشاه  
نیابتی دا تقرب توزدوم و نظاره کو ایل کا اوزومنی  
کور کوزدوم . گاه مکرمت ایوانین مکان قیلدیم  
و اکابر و اشرافنی تعظیم یوزیدین میهمان قیلدیم  
و گاه نشاط باغی دا بزم طرحی سالدیم و ساقی و مطرب  
بزم و سماعی دین بهره الدیم . گاه سلاطین مخالفت لاری دا  
اراغه کیردیم و مشارعت لارین موافقت غه قرار بیردیم .  
گاه حرب معرکسی غه اوزومنی سالدیم و جهل  
و نادانلیق تهمتین بوی نومغه الدیم و گاه خیرات  
اهلی غه اوزومنی قاتیم و هر نوع خیر بقعه لاری  
توزاتیم . انداق کیم سعیم دین رباطلار بولدی و  
اندین مسافر غه نشاطلار بولدی

پست

دماغیا توشوبان کوب تصور و پندار  
اوزومنی جاه و اولوغلوق غه ایلادیم اظهار

کھی کوردوم زماندین کامران لیق  
بسی ایسیغ ساووغ کوردوم زماندا

بسی اجیق جوجوک تاتیم جهاندا  
افلاس هنکامی دا ونا توانلیغ یعنی فلاکت و نامرادلیغ  
ایامی دا گاه علم مدرسی دا صف نعال دا بیر توتوم  
و گاه علما مجلسی دا علم نوری دین کونکلی یاروتوم  
گاه انقیامساجدی دارقدمی بیتکان بیرکایوز قویدوم  
و سجدہ کثرتیدن مانکلایم تیری سین سویدوم گاه  
صفا خانقاهی اهلی ابریقی غه سو قویماق بیله ارجند  
بولدوم و فنا دیری خیلی سبوکش لیکی دین سر بلند  
بولدوم . گاه لئیم لار الیدا خوارلیق و گاه رذیل لار  
ایلیددا بی اعتبارلیق کوردوم . گاه عشق کوی دا  
بی پالیک و آدمی کش پری چهره لار غه هلاک لیک  
دست بوردی و گاه جنون محله سی دا ارزال بوینوم غه  
سیلی اوردی و اطفال باشیم غه تاش یاغدوردی . گاه  
شهریم اهلی ستمی دین غربت غه توشوم و غریب  
خلایق غه قوشولدوم و قاووشوم گاه جبال قله سی  
آرام کاهیم بولدی و گاه صحرا ایتمی پناهم بولدی  
گاه بو شدت لار دین عزم وطن قیلدیم و خجول  
زاویه سین نشین قیلدیم و گاه غربت دا علیل و غریب  
ایل کاذایل بولدوم و گاه عزیز لار خدمتیدن اوزومنی

عذاری دین خوی اندا کوکستان .

بو کوکب لاردین ایلاب تینکری موجود

نبوت معشری غه در مقصود .

نبوت سپهری دا قویاش ایرکانی معلوم و مصاحب لاری

شانی دا اصحابی کالنجوم صلوات الله علیه و علی

اله واصحابه الی یوم الدین .

اما بعد فقرائینک کدائی و غرائب مستوره لاری نینک

چهره کشائی الفقیر الحقیر علی شیر الملقب بالثوائی

غفر ذنوبه و ستر عبوبه مونداق عرض قیلور

و اداسین اوزیکا فرض بیلور کیم بو خاکسار پریشان

روزکار شباب اوائی نینک بدایتی دین کهوات زمانی

نینک غایتی غه جادوران واقعاتی دین و سپهر کردان

حادثاتیدین و دهر فته انکیز بوقلمون لوغیدین

و زمانه زنک آمیز کونا کون لوغی دین مدت مدید

و عهد بعید هر نوع طریق و صورت دا قدم آوردوم

و هر طور سلوک و کسوت دا بو کوردوم و اوزومنی

بخشی یامان لار خدمت و صحبتی غه بیتکوردوم گاه

مذلت و عنا و یرائی دا شیون کور کوردوم و گاه

عزت و غنا بوستانیدا انجمن توردوم :

❖ شنوی ❖

کهی تاپیم فلک دین ناتوان لیق




والجبروت جلت الاث، و عمت نعمائوه و لا اله غيره .  
 درود نامعدود اول محبوب عاقبت محمودغه کیم  
 حق تعالی انکا انجا قرب و منزلت بپردی کیم  
 عالم و ادم وجودی دین مقصود انینک و جودی  
 ایردی . خجسته طینتی روح پاک دین طاهر و فرخنده  
 خلقی عناصر ترکیبی دین پاک ابرکائی ظاهر .  
 عناصری نینک یلی مسیح انقاسی و توفراغی یعقوب  
 کوزی نینک توتیاسی و سوبی خضر چشمه سی نینک  
 زلالی و اوقی کلیم درختی نینک ناری اشتعالی .  
 بو عناصرنی روح پاک دیساییری بار و روحی غه  
 روحی فداک دیماک سزاوار . طایر سدره نشین براق  
 برق کاهی و سایر روح الامین نینک علوی خرامی .  
 افلاک شبستانی یوزی بهاریدین کلشن و ملائک عیونی  
 رخی غباریدین روشن . کلامی شانی دا «وما ینطق  
 عن الهوی» و نطق بیانی دا «ان هو الا وحی یوحی»  
 اسرار الهی غه ذاتی امین عنایت نامتاهی دین اتی  
 رحمة للعالمین :

❖ شنوی ❖

ایکی کیسوسی ایکی لیلۃ القدر  
 بوینکلیغ ایکی لیل ایچرا یوزی بدر  
 بو لیل و بدر اولوب شمع شبستان

مطالعہ سی قاشی دا اولین و آخرین بودی نابود .  
 خوان احسانی تیکراسی دا عالی شان شاه لار رزق غه  
 سایل و علم بی پایانی تعقلی دا عالی مکان آگاه لار  
 جہل غه قابل . قہار لیغی صرصری اوچورور غه  
 ثابت و سیار نستر نینک ساچیلغان یافراغ لاری .  
 جبار لیغی قویونی ساوورور غه دھر غدار بیت الحزنی  
 نینک توکولکان توفراغ لاری . یوقنی بار قیماق  
 و بارنی یوق قیماق اینک قدرتی غه اسان بار و یوق  
 یوق و بار اینک احسانیدین امیدوار و قہری دین  
 ہراسان . بیر آووج توفراغنی ملکوت خیلی دا  
 خلافت تختی دا اولتور غوزماق انکا یاراشور و ییل لار  
 ملائکہ مقرین غه پیشوالیق قیلغان نینک بویینی غه  
 لغت طوقی اول سالالور .



قادری کیم قدرتیدین مونجا یوز امر غریب  
 بولسا بیر ساعت دا موجود اندین ایرماس دور عجب  
 اون سیکیز مینک عالم و آدم یاراتیب ایلاماک  
 بیر کیشینی افرینش دفتری دین منتخب .  
 اول قیلالور انکا کیلدی مسلم بو امور  
 کراوزی ایردی مسبب لیک بو بولدی سبب .  
 سبحان ذی الملک و الملکوت سبحان ذی القدرہ

1059769

MAR 22 1966

UNIVERSITY OF TORONTO

بِسْمِ اللَّهِ الرَّحْمَنِ الرَّحِيمِ

PL  
55  
J39 A6  
1872

حمد انکا کیم ذاتی غه حمد انجا کیم سزاوار دور  
 آیتسا بولماس و ثنا انکا کیم احسانی غه ثنا انجا کیم  
 ییری باردور بیتسا بولماس . ذاتی جمیع کمالات  
 صفاتی بیله موصوف صفاتی دین مجموع کمالات  
 کشف اهلی غه مکشوف تزیهی تیل شرح قبلور  
 دین مبرا تقدیسی ایل وصف ایتاردین معرا . عظمتی  
 باغیدا سپهر دوار بیر نیلفر دین کم و قدرتی الیدا  
 نجوم ثابته و سیاره اول نیلفر یوزی دا بیر نیجه قطره  
 شبنم . نیلفر یوزیکا شبنم ساچقوجی اول و شبنم  
 سوی دین نیلفر زار بلکه کلستان ارم اچقوجی همول .  
 بی نیازلیغی جنبی دا چرخ نکون بیر کدای نیازمند  
 و چاره سازلیغی ایلییدا دهر بوقلمون بیر بیچاره عجز پیوند  
 وجودی ملاحظه سی دا افرینش ناموجود ذاتی

Nevā'ī, 'Alī Shīr

Mahbūb ul-ḥudūd

محبوب القلوب

لامير علي شير نوائي المتوفى سنة ٩٠٦

مطبعة عامره ده باصلمشدر

١٢٨٩









PL

55

J39A62

1872

'Ali Shir, Mir, called al-  
Nawa'i

Mahbub ul-kulub

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---



